

على
فينا
جنة
الجزء الثالث

رواية

أيام مع أبيتش

بسن الجندى

حسن الجندي

ليلة في جهنم

أيام مع الباشا

آدم

● t.me/AdamLibrary

في تلك القصة يختلط الواقع بالخيال، فإن أردت التمييز



● t.me/AdamLibrary

الفصل السابع

ما حدث

2005

منزل أبو خطوة

وقف (عمر) أمام باب المنزل الحديدى يشبك يديه أمام صدره ناظراً حوله بشكل عشوائى كل دقيقة، مرت سيارة ملاكي من أمامه لكنها توقفت بعد المنزل بقليل، خرج من المقعد المجاور للسائق (أليكسندر) يرتدي بدلة بنية اللون حاملاً حقيبة جلدية عريضة أقرب لحقيقة الملابس المحمولة. حاول (عمر) تبيئ شكل السائق لكنه فشل و(أليكسندر) يسير ناحيته مبتسمًا وهو يرفع رأسه لينظر للمنزل بين الثانية والأخرى، صافحه بحرارة ونظر للمنزل بتأثير شديد و(عمر) يقف بجانبه.

- ”عرفت توصل للبيت بسهولة؟“

- ”الدنيا اتغيرت لكن البيت زي ما هو، أنا عمري ما أنسى مكانه.“

فتح (عمر) البوابة الحديدية الصغيرة ودخل للمنزل، لكن (أليكسندر) توقف للحظة وهو ينظر خلفه على الجانب الآخر للطريق، كأنه يبحث عن الشخص الذي رآه يقف هناك في حلمه.. لم يجد أحداً فسحب شهيقاً عميقاً من الهواء المحيط به ودخل من البوابة الحديدية وراء (عمر) الذي وقف ليفتح الباب الداخلي بمفتوح منفرد أخرجه من جيده.

- "أنا ملاحظ يا أستاذ (عمر) إنك مجتبش معاك أدوات حفر."

فتح (عمر) الباب وهو يرد:

- "أنا عديت على البيت من كام ساعة وسبت جاروفين."

- "بس."

- "إنت مطلبتش امبارح عدة حفر، ولا طلبت عمال."

دخل المنزل و(أليكسندر) يقول:

- "إحنا فعلًا مش محتاجين الحاجات دي كلها، بس كأنك عارف إيه اللي هايحصل قبل ما يحصل."

بدا أن الهواء داخل المنزل أكثر سخونة بقليل من خارجه و(أليكسندر) يحرك وجهه متسماً وهو ينظر إلى بئر السلم المليء بالأثربة، توجه (عمر) إلى الشقة التي على يسار المدخل ودخلها وهو يقول:

- ”طبعاً الحاجة المدفونة هاتكون في الشقة دي.“

تبعه (أليكسندر) فائلاً:

- ”الظاهر الحلم اللي إنت حلمته كان فيه تفاصيل كتير.“

الهواء ساخن داخل الشقة بدرجة أعلى و(عمر) يشعل أضواء المصايبع الباهنة المعلقة في سقف الصالة.. في أحد أركان الصالة جاروفين بيد طويلة وجوال من الجلد يستخدم في حمل الرمال، نظر (عمر) لأليكسندر وهو يقول:

- ”أدي الجمل وأدي الجمال.. تحب نبدأ إزاي؟“

تأمل (أليكسندر) صالة الشقة وهو ينظر للحوائط الملطخة ويقول:

- ”المدبحة حصلت هنا؟“

- ”إنت أكيد عارف حكايتها طالما قدرت تعرف إني بحب العناب.“

- ”الناس فاكرة إن البيت ده مسكون، بس العفاريت والجن بالنسبة لي شفته مع جدك بقى ترف.“

- ”عمر ما جدي حكاي عنك.“

ترك (أليكسندر) حقيبته على الأرض وذهب ليحضر الجاروفين وهو يقول:

- ”أنا وجدى قدرنا نفصل بين حياتنا الشخصية وبين
شغلنا، زي ما جدى علّمك بالظبط.“

رفع الجاروفين بسهولة ودخل بهما إلى أول غرفة على يمين
الداخل إلى الشقة وصوته يأتي من داخل الغرفة:

- ”حياتنا الشخصية دايئماً في النور، وشغلنا في عالم ظلامي،
واحنا فيه مجرد ظلال بتتحرك.“

دخل (عمر) في تلك اللحظة وضغط على زر الإضاءة داخل
الغرفة فاشتعل المصابح لتنعم الغرفة بإضاءة باهتة و(عمر)
يقول:

- ”ولو انهار الخطا الفاصل بين العالمين واحتللت الضلعة
بالنور.. حياتنا تتدمر.“

ابتسם (أليكسندر) وهو يقترب من (عمر) ويقول:

- ”جدى قالك على المبدأ ده، اللي علمنا كده كان صاحب
تالتلينا، كان سبب اجتماعنا وسبب فراقنا.“

قال عبارته ثم أمسك بجاروف ناوله لعمر قائلاً:

- ”يلـا نبدأ شغل، مش هنحتاج نحفر كثير، الرمل اللي
في الأوضة ده مش أكثر من متر ونص عمق، بعديه هانلاقي
المدخل.“.

خارج الشقة وبالتحديد عند السلم المؤدي إلى الطابق الأول، هبط (جعفر) من الأعلى بخطوات جعلها غير مسموعة كما طلب منه (عمر) منذ ساعة، أرهف السمع ليستمع لبقية الحوار الدائر بينهما منذ دخلا من باب الشقة، الحوار يأتي ك الصحيح الثاعبين يميز منه بضع كلمات بين كل مجموعة من الجمل، لذلك فضل الجلوس على السلم بهدوء حتى يحين موعد دخوله إن كان لدخوله سبب.

في داخل الغرفة وقف (أليكسندر) حاملا الجاروف وهو يحفر بحاسٍ شديد ويزيح الرمال الصفراء وعلى وجهه فرحة حقيقة كأنه طفلٌ يحاول فتح هدية عيد ميلاده بشوق.

- طب ما تقلع جاكيت البدلة علشان تعرف تحضر.

قال (عمر) عبارته وهو يتناول الجاروف ويحفر بجانبه بحذر، لم يرد عليه (أليكسندر) وهو يزيد من سرعة الحفر وتركيزه كله ينصب على ما يفعله بينما قطرات العرق تتتساقط بسرعة من جبهته بسبب سخونة الهواء داخل الغرفة، مرت ربع ساعة وهم يحفران حتى اصطدم جاروف (عمر) بمعدن صلب، توقف عن الحفر وتراجع خطوةً للوراء بمحفلٍ، صاح (أليكسندر) بكلمة روسية وهو يلقى بجاروفه أرضًا وينزل على ركبتيه عند موضع حفر (عمر) ويزيح بيده الرمال لتظهر

أرض صلبة صفراء اللون، لم يعرف (عمر) ما يفعل فهو لم يشاهد من قبل مدخل قبر أو دفين من معدن، لكن بعد دقيقة من إزاحة الرمال ازداد تشكيكه وهو يرى خطوطاً متصلة محفورة داخل تلك الأرض المعدنية، خطوطاً أكثر قرباً لمتاهة والتي تجدها في كتب التلوين، صاح (أليكسندر) بالعربية:

- جهز نفسك علشان نفتح المقبرة.

أنمى عبارته ونهض مسرعاً إلى خارج الغرفة عند حقيقة السفر التي أحضرها معه، فتحها وأخرج منها بضع أدوات وقارورة زجاجية فارغة وعاد للغرفة وهو يشير للدراع (عمر):

- شمر دراعك علشان أسحب دم منك.

- إنت المجننت.. دم إيه اللي تسحبه مني؟ مفيش رصد بيتفتح بالطريقة دي، ثم أنا مش فاهم إيه الأرض الحديد اللي لاقيناها؟

أخبره (أليكسندر) بنفاذ صير أن الأرض المعدنية هي البوابة الأولى التي يجب أن يخطوها، والطريقة الوحيدة هي أن يسحب الدم منه ليتره بين الفتحات المحفورة، لا توجد طريقة لفتح المكان سوى بدماء نسل عائلة (أبو خطوة).

- جدي (سيد أبو خطوة) ما قالتش حاجة زي كده.

- لأنه كان قرر إن السر يموت معاه وماحدش يفتح البيت من بعده.

- مستحيل تكون دي طريقة لفتح مقبرة، دمي هايعرف إزاي؟ هو فيه جهاز لتحليل (الدي إن إيه) تحت.

ضحك (أليكسندر) بعصبية وهو يمد يده لذراع (عمر) الأيسر بشيء من العنف ويشعر عن ساعده، وهذا الأخير قد استسلم له وتعبير الدهشة والشك لم يغادر وجهه، وضع محققنا باحتراف عند أحد أوردته وأوصله بخرطوم قصير لزجاجة فانسال دم (عمر) ببطء يملأها وهو ينظر لأليكسندر ويقول:

- ده مش رصد ميكانيكي، وحتى لو كان كده فمفيش منطق يبرر اللي بتعمله ده.

- إنت ماتعرفش قيمة أجدادك يا (عمر)، إنتوا حُرَّاس وادي هنم.. جهنم، جدودك كان معاهم الطريق اللي يفتحلهم أسرار الكون لكنهم اكتفوا إنهم يستروا، أنا وإنت هانبدأ هانغير العالم.

لم تُرُق كلمات (أليكسندر) له وهو ينظر بعين متسبة للقارورة التي اقتربت من الامتناء حتى متصفها، كلماته كأنها خرجت من مجنون بأحد الأفلام الأمريكية، لكن فضوله لاكتشاف ما تحت المنزل والذي تفشل خدمته من الجان في

معرفته كان دافعه، كما أن شغفه لمعرفة نهاية الأحداث جعله يتنتظر بصير كما هي عادته، قدّيماً كان يحب مشاهدة الأفلام التي يشعر في بدايتها بالملل حتى النهاية، فربما وجد مفاجأة تغير وجهة نظره للفيلم، عادة قيمية لازمه طويلاً وها هو يتنتظر أن يعرف ما وراء هذا الرجل الروسي، ولكن هذا الفيلم غير ممل، إنه مرعب.. خطر خاطر في عقله فجأة فقال لأليكسندر:

- إنت تعرف مهندس اسمه (هيشم)؟

- صاحبك اللي كان بيدور ورايا، ما أعرفوش شخصياً لكن أيوه أنا اللي سربت ليه المعلومات اللي جابها ليك، معلومات مفيهاش حاجة صح إلا اسمي.

- ليه عملت كده؟

كانت القارورة قاربت على الامتلاء فنزع المحقق من ذراعه ووضع لاصقاً طبياً على موضعها وهو يأمر (عمر) بالضغط على مكان خروج المحقق ثم يقول:

- لأن (هيشم) دا مكنش هايعرف يوصل لأي حاجة، وده كان هايخليلك تقلق وعken مانقابلنيش.

وكان ما يقوله طبيعياً، أخذ القارورة وثبت على غطائها مضخة صغيرة لتدفع الهواء داخلها ويخرج الدم من خرطوم صغير، قرب الخرطوم من الفتحات المحفورة بالأرض وضغط

المضخة لتخرج الدماء من الخرطوم وتغرق المخطوط، الغريب أن الفتحات امتصت الدماء، في تلك اللحظة كان (أليكسندر) منهمكاً في ذلك الأمر وهو منحني معطياً ظهره لعمر الذي وقف خلفه وعيناه مثبتتان على ظهره، تحت جاكيت البدلة التي يرتديها (أليكسندر) ظهر انتفاح بسيط لم يفهم سببه، انتفاح لشيء معدني يُشبة المسدس عند منتصف ظهره، قبل أن تنسال الأفكار في عقله شعر بهزة بسيطة تبع من داخل الأرض التي يقف عليها، تراجع للوراء أكثر. و(أليكسندر) ينهض ويترافق مثله حتى خرجا من الغرفة.

صوت احتكاك معدني أقرب لصوت بوابة حديدة تفتح وتصدر صريراً عالياً، ثم انفتح جزء من الأرض المعدنية التي تشربت الدماء، انفتح بطريقة ميكانيكة بطيئة جداً وبشكل أسطوري و(أليكسندر) يشاهد طبقات من الرمال داخل الغرفة تسقط داخل الفتحة تلقائياً و(عمر) يتراجع أكثر مبتلعاً ريقه والعرق ينهال من كل مسام جسده وهو يشعر بأن سخونة الهواء تتزايد أكثر فأكثر مما قبل، كل من دخل المنزل شعر بذلك الدفء المزعج بدون سبب، ذلك الدفء الذي تزايد الآن أكثر مما يعني أن ما يتسبب بهذا يقع تحت المنزلوها هو سيكتشف ماهيته.

توقف صوت الاحتاك المعدني و (أليكسندر) يذهب للحقيقة ويفتحها مُحضرًا منها كشاف إضاءة كبير الحجم وقطعة قماش سوداء ناوها لعمر المذهول طالبًا منه أن يغطي بها عينيه ثم ينزل لداخل الفتحة.

ـ يا سلام !!! إنت محبول !!

ـ جدك عرفني إنك لازم تنزل أول واحد وإنت مغمض عينيك، فيه ضوء أبيض هايستمر للحظات لو عينك كانت مفتوحة ممكن تتعمي.

ـ أنا هاغمض عيني.

أصر (أليكسندر) بعصبية أن يضع القماش على عينيه كي لا يترك شيئاً للصدفة، ولم يعرف (عمر) سبباً لقبوله ذلك الشيء لكنه أخذ القماش بعد أن خلع نظارته ووضعها بجيبة ودخل الغرفة بحذر وهو يقف أمام الفتحة المعدنية ويجد درجات سلم حجرية تمتلئ بالرمال المتتساقطة من الغرفة، درجات تقود للأسفل المظلم، نظر لأليكسندر هنيهة ثم عاد ينظر للفتحة مفكراً بعمق.. مرت لحظات تنفس بعدها بعمق وقد اتخذ قراره، رفع القماش لوجهه معصبياً عينيه وتحسّن بقدمه الدرجات وهو ينزل درجة بحذر فارداً يده أماماه ليصنع اتزاناً خيالياً، كلما نزل أكثر كلما زادت سخونة الهواء وعرقه

ييلل ملابسه أكثر وأكثر ورائحة عطنة تزداد وضوحاً، رائحة اشتم ما يشبهها كثيراً في مقابر عديدة فتحها، لكنها كانت أكثر قوة هنا.

عَدَ درجات السلم حتى وصل للدرجة الخامسة والعشرين توقف بعدها محاولاً التقاط صوت ما بجانبه، صوت يهادل ما تسمعه عند تشغيل مروحة هواء بجانبك عدا أنه لا يشعر بالهواء بل بالدفء، قرر أن يكمل المبوط للأسفل حتى وصل للدرجة الستين، وبدأ يفهم شيئاً، يمينه ويساره يمتلي بصوت تلك المراوح والتي تزيد سرعة دورانها كما يشعر، فجأة توقف صوت دوران المراوح وجاء صوت صفير خفيف.. هنا انتصب شعر ساعديه، حرك رموش عينيه لفتح بصعوبة خلف القماشة المحيطة برأسه فشعر بضوء أبيض كاد أن يحرق شبكة عينيه.

أغمض عينيه بسرعة وهو يفهم سر إصرار (أليكسندر) على ربط القماشة على عينيه، لقد علم بوجود هذا الضوء، ارتبك.. هل يكمل نزول أم يتوقف، لكن صوت الصفير توقف وتبعه صوت (أليكسندر) من الأعلى يقول:

- ممكن تفتح عينيك؟ خلاص.

أزال العصابة وصوت خطوات (أليكسندر) وهو ينزل الدرجات يأتي من الأعلى، ما رأه حوله أسقط فكه الأسفل لا

شعورياً من الدهشة، بالفعل اختفى الضوء الذي كاد أن يعميه لكنه يرى الآن على جانبي درجات السلالم كرات زجاجية في حجم البرتقالة مضاءة بالأبيض القوي.. أما صوت المراوح فلم يجد مصدراً لها، (أليكسندر) ينزل الدرجات أسرع وهو يقترب منه حتى توقف على بعض درجات منه وقال بحيراس:

- إيه اللي وفكك، كمل نزول.

- إنت نزلت هنا قبل كده؟

- مفيش وقت، انزل الدرجات لحد ما توصل لنهاية السلالم، ما تتحرکش لثواني، هاتخس بسخونة في جسمك وبعدها خلاص.

- يعني إيه؟ ليه كل ده؟

- المكان لازم يتعرف عليك إنك من نسل (أبو خطوة)، الضوء اللي خليتك تغمي عينك بسببه بيفحص جسمك و... قاطعه (عمر) مشدوهاً:

- وفيه طريقة فحص تانية تحت جسمي.. بس إزاي؟ مفيش أي جن هنا؟ والمقابر اللي بتستخدم الطريقة دي لازم الجن يكون...

- غبي.. هنا مش قصة جن وعفاريت، هنا تكنولوجيا

متطرفة أجدادك كانوا عارفينها من آلاف السنين، الوقت
يجري مننا، لو ما كملتش نزول بسرعة علشان تتفحص المكان
هاباخد وضع دفاعي وهابيعتبر إنك حصلك حاجة وھي قفل
نفسه واحتھال إحنا الاتنين نموت.

بدل (عمر) نظراته بين (أليكسندر) ودرجات السلم
والكرات الزجاجية البيضاء التي تنير له طريق النزول،
تضارعت في نفسه الخواطر ما بين الخوف من هذا الرجل
وشعوره الطبيعي الذي نما عنده مع الوقت بالحذر من كل
الناس، وبين فضوله تجاه هذا المترجل والذي كان قد نجح في
كبحه منذ سنوات طويلة لكنه عاد ليطفو على السطح بقوة
وسط هذه الأحداث.

اختار اتباعه فضوله وتنحية حذره وهو يبسط قطرات
عرقه تساقط على الدرجات التي غمرها التراب حتى أصبح
لا يدري أنها العرق من توثره أم من شعوره بالدفء الذي
يزيد مع كل خطوة لأسفل، لقد جرب إحساساً مشابهاً في غرفة
الساونا، ولكنه لم يكن بمثيل هذا القلق.

أكمل عد الدرجات حتى وصل إلى الدرجة التسعين وقدمه
تشعر بالأرض المنبسطة فتوقف والظلم يحيط به والرائحة الآن
أصبحت كرائحة التراب المختلط برائحة عرقه، تلك اللحظة

أظلمت الكرات البيضاء وعاد الشعر يتتصب على يديه، حتى إن شعيرات رأسه بدأت هي الأخرى في الانتساب، هذه المرة شعر بالغثيان، ودفعه جديد يغمره، لا ليس شعوراً خارجياً كالذي اختبره منذ قليل، هذا الدفع مختلف، إنه ينبع من داخل أعضائه، كأن جسده من الداخل يشتعل، الدفع يتحول لنار حقيقة داخله حاول معها التهاسك، خلايا أعصابه تخترق، شعر رأسه وذقنه يتتصب بشكل كامل، أصبح تنفسه أكثر صعوبة، في لحظة توقف كل شيء كأن أحدهم نزع القابس من فيشة الكهرباء.. كل الألم الداخلي توقف ولم يبق سوى الدفع العادي الذي أصبح الآن كمكيف الهواء بالنسبة لما شعر به سابقاً.

هل حان الوقت للتحرك للأمام.. كذا فكر وعيشه تحاول ان التأقلم على الظلام، وكأن المكان يعلم بخواطره، أضاءات عشرات وربما المئات من الكرات الزجاجية بضوئها الأبيض على الجدران من أمامه، ظهرت معالم المكان الذي يقف فيه.. جدران عالية تصل لارتفاع ثلاثة طوابق مليئة بتلك الكرات، أرض حجرية ممهدة ومصقوله لكن مليئة بالأترية، على بعد ثلاثين متراً هناك ممر يرتفع درجات عن مستوى الأرض، كرة سوداء اللون ضخمة تبرز من أحد الجدران ويظهر منتصفها فقط.

خطر بياله أن هذا التصميم رآه من قبل، نعم.. لقد أدخله أحد أصدقائه من المهندسين المتخصصين في الترميمات الأثرية إلى مقبرة العجل (أبيس) بمنطقة (سقارة) أثناء أعمال ترميمها، التصميم مشابه جدًا، ولكن ما أفلقه هو ذلك الرسم أعلى مدخل الممر، رسم على الطريقة الفرعونية تأكلت ألوانه لكنه واضح لرجل يقف وخلفه جناحان أح Prism منه بمراحل، وتحته رسمت رموز تشبه الكتابة الهيروغليفية لكنه لم يستطع قراءتها، هو ليس خبيراً بتلك الرموز لكنه تعلم الكثير واكتسب خبرة أكثر في قراءتها أو على الأقل تحديد نوع النص إن كان نصاً دينياً أو يؤرخ لإنجاز أو يحكي قصة، كما يستطيع تمييز طرق الكتابة المميزة لمعظم الأسرات المصرية القديمة، لكن تلك الرموز أشبه برموز عصر الأسرة الأولى أو شيء قبله، هناك رموز لاشيء لم يقابلها من قبل.

صوت خطوات (أليسكندر) يأتي من أعلى درجات السلالم وهو يهبطه بسرعة ويقترب منه، فكر (عمر) في أنه حان الوقت ليدخل ذلك الممر، لكن عينيه تصيبتا على مدخل الممر الذي تراصت عليه الكرات الزجاجية المضيئة، لأنه من داخل الممر هناك رجل يأتي متسللاً في الظلال التي يصنعها الضوء الأبيض وتسقط على وجهه فلا تظهر تفاصيله.

هل هو رجلٌ أم أنه خيالٌ (عمر)، السبب كان في جسد الرجل الذي كان مهزوزاً، كأنك تشاهد التلفزيون والهوائي مهتز فتهتز الشخصيات داخل الفيلم أو المسلسل لثوانٍ ثم تعود لطبيعتها، هذا ما رأاه في الرجل، كل ما حوله ثابت وهو الذي يهتز ثم يعود طبيعياً، هو ينظر للرجل والرجل يبادله النظارات برغم أن (عمر) لم ير تفاصيل وجهه.

سمع (عمر) صوتاً من خلفه رن لمرة واحدة، يشبه صوت الرصاص المكتومة، أحس ببرودة تغزو منتصف ظهره، اتسعت عيناه فزعاً وشhec وقد اقتحم الألم أعصابه دفعه واحدة بجانب إدراكه لما حدث، لقد أطلق عليه (أليكسندر) الرصاص ليقتله بعد إتمام مهمته والتي كانت إدخاله لهذا المكان.. حاول أن ينظر خلفه لكن قدمه فشلت في حمله وسقط على وجهه والتراب يتطاير حوله إثر اصطدامه بالأرض.

من خلفه يأتي صوت (أليكسندر) يقول كلمات بالروسية بلهجـة باردة.. خطر بعقله أنها باردة لأن كل اللغة الروسية تعطي نفس الشعور على الأذن، وساخرة لأن الجميع يفهم السخـرية إن قيلت بأي لـغـة، أو ربما للضـحـكات التي تخللت عباراته، رفع هنا رأسه للأعلى فوجد الرجل الذي يأتي من المـرـ قد اقترب منه وبدأت ملامـحـه تتـضـعـ، في نفس الـوقـتـ

صوت خطوات (أليكسندر) يتوقف عن نزول الدرجات،
ويعاود الصعود للأعلى، والرجل المتشح بالظلام يقترب أكثر
منه، مع كل خطوة يقتربها الرجل يتأكد (عمر) أن الرجل يهتز
هو ذاته، ملامحه تظهر ببطء شديد، ومن الأعلى يسمع صوت
(أليكسندر) وهو يقول بانتصار بالعربية:

- كنت عارف إن (عمر) معااه...

اختفى صوت (أليكسندر) لثانية وهو يشقق ويقول مستنكراً:

- (جابر)!!

هنا اقترب الرجل أكثر والذي كان يرتدي ملابس عصرية
سوداء، اقترب وجثا على ركبتيه وقرب وجهه من وجه (عمر)
فظهرت شخصيته، إنه (جعفر)!!!، مدّ يده يربت بها على كتف
(عمر) الخائف المذهش وهو يقول بنبرات رخيمة:

- ماتخافش.. مش هاخليك قوت هنا، هاصلح كل حاجة.

تحامل (عمر) على نفسه وهو يقول بنبرات لاهثة:

- أنا سايك.. فوق.. إنت.. إزاي نزلت هنا؟

ابتسم (جعفر) وهو ينهض وينظر للدرجات السلم وصوت
(جعفر) الآخر يأتي من الأعلى عالياً يردد تعويذة، نظر (جعفر)
ثانية لعمر وقال بابتسامة على طرف شفتيه:

- (جعفر) فوق دلوقت بيردد قسم (زكاروت) اللي إنت علمتهوله، فاكر إنه هايتفع هنا، و(أليكسندر) هاينزل السلم جري، تعرف يا (عمر) إن اللي بيحصل دلوقت شبه الحكاية الحقيقية، الفرق إنك بتموت لكنني هاديك فرصة تانية.

قال (جعفر) عبارته وابتسامته تتسع و(عمر) يسمع من الأعلى صوت قسم (زكاروت) يردد (جعفر) بسرعة والمكان يهتز من حوله كأنها هزة أرضية بسيطة أو ربما شعوره بالدوار يزداد بسبب الطلقة المستقرة بظهره، نهض (جعفر) الجالس أمامه من على ركبتيه وجسده يهتز ثانية وهو يسير مبتعداً، وصوت (أليكسندر) يأتي من الأعلى يصرخ بالروسية ثم يقول بالعربية:

- (جابر) إزاي شكلك لسه صغير كاني.. كاني شايفك من

سنة !!! 40

فكرة (عمر) وهو ينظر لجعفر السائر مبتعداً من أمامه أنه مختلف عن (جعفر) الذي يعرفه فعلًا، بغض النظر عن ملابسه تامة السواد إلا أنه أكثر ثقة وقوة نفسية منه، كما أن وجهه به بعض التجاعيد، اهتز المكان ثانية وهو يشاهد (جعفر) يدخل عمراً جانبياً وينخرج حاملاً عباءة سوداء لم يتبيّنها، لا لم يخرج (جعفر) من المر بل ظهر فجأة كأنه انتقل بسرعة الضوء، وفعلاً اختفى (جعفر) ثانية وظهر أمامه في أقل من ثانية وهو

يحمل بيده العباءة السوداء والتي اكتشفت (عمر) أنها ضخمة بشكل مبالغ فيه لدرجة أن (جعفر) لف نفسه بها ورماها على (عمر) الذي شعر بملمسها الذي يشبه النار، صرخ (عمر) من لسعة العباءة واحتفى الاثنان في نفس لحظة تشقق السلم الحجري المؤدي للقاعة وسقوط أحجار من أعلى السلم ومعها يسقط (أليكسندر) متذمراً حتى دخل القاعة وهو يصبح بالروسية، فجأة ظهر (جعفر) بجانب (أليكسندر) الواقع أرضاً والذي أُجفل وهو ينظر له مرعوباً من ظهوره المفاجئ والعباءة السوداء المتلفع بها.

وبرغم أنه ما زال يحمل مسدسه بيديه إلا أنه ألقاه على الأرض وهو ينظر لجعفر الواقف أمامه ويقول بالعربية:

- إيه اللي بيحصل يا (جابر)؟

في نفس الوقت نزل (جعفر) الآخر درجات السلم وأثارأتربة وسحاجات وجروح على وجهه من تساقط أحجار السلم وهو يكمل تردید كلماته لينهدم المكان لكنه توقف فجأة متھجراً بموضعه مما رآه، و (أليكسندر) يحرك عينيه بينهما بذهولٍ ولو لا اختلاف ملابسهما لاعتقد أنه يتخيّل.. مرت فترة صامتة تحرك بعدها (جعفر) الحامل للعباءة وهو يلفها حول جسده ثانية قائلاً بسخرية:

- آسف بس الموقف ده اتكرر كتير وبقى عمل أوي ومضطر
أبدأ.

لف طرف العباءة الباقي على (أليكسندر) الذي رفع يده اليمنى بطريقة لا إرادية محاولاً الدفع عن وجهه، والعباءة تغطيه وصرخة سريعة نفلت منه قبل أن يختفي الاثنان ويعود (عفر) ذو العباءة ثانية بعدها بثانيتين ليظهر بنفس موضعه ويخلع العباءة عن جسده وهو يطبقها على يديه و(عفر) الآخر يقترب منه بيطء يؤخر قدمًا ويقدم الأخرى بينما (عفر) ذو العباءة يسير ناحية عمر جانبي في القاعة.

(عفر) الآخر أكمل سيره بيطء والعرق يسيل من جسده من دفء القاعة حتى توقف أمام المر ليتراجع خطوة إلى الوراء وهو ينظر إلى مقعد ضخم من المعدن مزдан بزخارف ملونة نباتية يكتثر بها رسوم نبات البردي، مقعد قريب للمقاعد المصرية القديمة التي شاهد (عفر) صورها من قبل لكنها في نفس الوقت لا يمكنك أن تقول أنها فرعونية بنفس راضية، كأنها تجمع بين صفات الحضارة المصرية القديمة وحضارة أقدم منها أو مختلفة عنها، لكن ما جعل (عفر) الآخر يعود خطوةً للوراء ليس المقعد بل من كان يجلس عليه.

جثة محنطة لرجل يجلس بوضعية مسترخية ولفائف الكتان

تحيط به بالكامل وقد اصفرَ لوثها، والغريب أن رأس الجثة مغطى بقناعٍ مثل قناع (توت عنخ آمون) لكنه قناعُ أسود اللون وبلا ملامح، المقعد الكبير كان في بداية الممر كأنه يحرسه، ألقى نظرة خلف المقعد لبقية الممر المرصوف بحجارة صفراء متلاصقة ومضاء بنفس طريقة إضاءة بقية المكان بتلك الكرات التي تشع نوراً غريباً، وهناك غرفتان على جانبي الممر، تصاعد صوت (جعفر) ذو العباءة من أول غرفة وهو يقول:

- مش وقت اندهاش خالص أنا مش فاضي يا (جعفر)،
أيوه أنا إنت، إنت مش بتتخيل

انتهت العبارة وخرج (جعفر) من الغرفة إلى الممر وهو يحمل العباءة وطرفها يلامس الأرض حتى توقف خلف المقعد ثم رفع العباءة في الهواء فارداً إياها ليغطي بها الجثة المحنطة على المقعد حتى لم يظهر منها شيء وهو يربت بيديه على المقعد ويقول:

- دا الكاهن اللي أجدادنا المصريين حطوه علشان يحرس المقبرة، يحرس مدخل العالم اللي سماه (ابن عربي) بأرض السمسنة.

ثم ابتسם وهو ينظر لجعفر الآخر الذي تملّك الذهول منه وأكمل قائلاً:

- اسم يضحك مش كده؟ الكاهن ده نسله يوصل لعمر أبو خطوة صاحبك اللي علمك رصد المقابر، أيام الفاطميين كانوا بيسموا اللي من نسل الكاهن ده بأصحاب الخطوة، بعد كده الاسم لزق فيهم وينقوا عيلة أبو خطوة.

(جعفر) الآخر رفع يده يمسح بعض ما استطاع من العرق عن عينيه وهو يقول بصوت كاهمهيات:

- (عمر) ... فين؟

- ماتخافش، أنا خرجته بره البيت هو و(أليكسندر) قبل يومين من دلوقت، (عمر) كان المفروض يموت بس أنا بحبه لأنه علمني كتير أوي، وطلما أنا بحبه بيقى إنت كمان بتحبه.

- إنت مين؟

- أنا هو إنت بس من مكان تاني، بعد تاني، عالم تاني زي العالم بتاعك، ومهمتي إني أخليلك تعيش حياة أفضل، وزي ما عملت مع (عمر) و(أليكسندر) ها عمل معاك.

- إنت عملت إيه فيهم؟

- بلاش غباء، قلتلك رجعتهم بالزمن يومين قبل النهارده، وخليتهم يفقدوا الذاكرة علشان ماتحصلش مقابلة بينهم ويدخلوا البيت ويقتل (عمر)، وإنانت كمان هارجعك لنفس وقتهم وها خليلك تنسي معظم الحاجات وهافصل خدمة الجن

بتأعنتك عنك علشان محدثش فيهم يفكرك باللي حصل، عايزك
تحاول تكمل حياتك وترجع لصفاء اللي إنت بتحبها، ممكن اللي
حواليك يفتكروك مجنون شوية بس ده قدرك، لحد ما هايحبيلك
واحد اسمه (جابر عبد السيد) عايزك تصدقه وتنفذ كل اللي
هایطلبه منك.

تراجع (جعفر) الآخر خطوتين إلى الوراء خائفاً و (جعفر)
ذو العباءة يتسم قائلاً:

- ماتحاولش تهرب، وامسك نفسك علشان العباية اللي
هاخطيك بيها هتحسسك إنك في فرن.

فجأة سحب العباءة من على الجهة وانختفي هو والعباء
ثم عاود الظهور أمام (جعفر) الآخر وهو يحيطه بها وينتفي
الاثنان.

أمام منزل (أبو خطوة) على الجهة المقابلة من الطريق السريع
المخصص للسيارات وفي شقة مطلة على المنزل بعمارة شاهقة
جلس الرجلان المكلمان بمراقبة منزل (أبو خطوة) من النافذة
وأحدهم يغله النوم وهو يقول للآخر:

- مش قادر أنا هيغمى عليا، إحنا دلوقت الساعة 3 بعد
نص الليل ومفيش حاجة حصلت.

نظر الرجل الثاني في التلسكوب المقرب المنصب أمام النافذة وهو يقول بعصبية:

- عايز تنايم تقوم تعمل لنفسك قهوة.. وابقى اعملّي معاك،
بس نوم مفيش، إنسى، (جابر) باشا قالنا إن النهارده من النهار
لحد بكرة الصبح عنينا ماتغفلش ثانية عن البيت، ونبلغه بأي حاجة تحصل في ساعتها بالتلفون.

- أنا زهفت من القعدة كده قدام البيت كل يوم.

- مش بتاخد مرتبك ومكافأة كمان لو بلغت بحاجة، عايز إيه تاني؟

- جرى إيه يابني إنت معايا والا مع ...

قطع الرجل عبارته عندما شعر بضوء أبيض قوي يأتي من الشارع، نهض من مقعده واقترب من النافذة يدقق من خلف زجاجها في الشارع، فوجد ضوءاً أبيضاً يشع من نقطة أمام بوابة المنزل وأبخرة بيضاء تدور عكس عقارب الساعة.

- بسم الله الرحمن الرحيم، إيه ده؟

رد عليه الرجل الجالس خلف التلسكوب:

- مش قُلتلك فيه حاجة هتحصل.

اختفت الأبخرة وانطفأ الضوء ولكن ظهر جسد (جعفر)

ملقى على وجهه أمام المنزل وملابسها بها بعض الحروق وقطعة منها يظهر بها لهب ناري انطفأ بعد اشتعاله بشوان.

- إيه ده جثة؟

قالها الرجل الواقف خلف زجاج النافذة وهو يلصق وجهه بالزجاج بينما الرجل الآخر ينهض من خلف التلسکوب وهو يذهب لفكerte ويكتب بها التاريخ والساعة والدقيقة ثم يصف ما رأه، ثم أخرج هاتفه المحمول وطلب رقمًا وانتظر حتى رد عليه الطرف الآخر.

- لا مؤاخذة يا (جابر) باشا على.. أيوه حصل حاجة حالاً، فيه نور أبيض طلع من قدام البيت وانطفى ومكانه لقينا جثة شاب، طب نعمل إيه؟ أبلغ مديرية أمن القليوبية؟ على فكرة يا باشا أنا أعرف ظابط في قسم القناطر الخيرية هايبيقى أسرع.. آسف يا باشا ها عمل اللي حضرتك قلت عليه.. تحت أمرك.. في رعاية الله.

أغلق الرجل الخط بأدب شديد وكأن محدثه يراه في هذه اللحظة ويريد أن يظهر له الاحترام والطاعة، بينما الرجل الآخر يقول بلهفة:

- تعالى بص كده، أنا شايف حاجة غريبة.
وقف الاثنان يحدقان في الجثة الراقدة أمام المنزل، ولكن

عند باب المنزل الداخلي خيل إليهما أنها يريان شخصاً يرتدي
السوداد، الظلام منع دقة المشاهدة لكن هذا الشخص اختفى
فجأة أمام بوابة المنزل لكن ظهر ثانية وكأنه ينظر لهم ثم اختفى
نهائياً.

نهض (عمر أبو خطوة) من على فراشه متتفصلاً ينظر حوله
لظلام غرفة نومه حتى سمع صوت زوجته يأتي من جانبه على
الفراش تسأله عنها به.

- أنا فين؟

نهضت هي وأضاءت مصباحاً صغيراً على الكومود بجوار
الفراش أجبه (عمر) على غلق عينيه من الضوء وهي تفتح
عينيها بثاقل وتسأله:

- إنت كنت بتحلم؟

- لا.. أنا.. أنا كنت في بيت جدي.

- وحلمت بإيه؟

فلتت منه صرخة بعصبية وهو يخبرها وجسده يتتفض:

- مفيش حلم.. أنا.. أنا كنت في بيت جدي و.. ومش
فاكر، لا أنا فاكر.

فتحت هي عينيها مندهشة من نبرة صوته وربت على جسده
بحنان وهي تقرأ المعوذتين، أما هو فأغمض عينيه محاولاً تذكر
ما الذي دار بعقله، هناك اسم يتردد داخل ذاكرته.. (جعفر)،
وهناك مشاهد وصور وروائح يحملها لكنها متفرقة وكلما حاول
تبينها أكثر كلما هربت من عقله، هناك منزل جده وهو يحفر في
أرض غرفته، وهناك شاب يعلم تمام العلم أن اسمه (جعفر)،
وهناك بعض الأتربة وصوت رصاص وآلم بظهره، فتح عينيه
وبلال شفتيه بلسانه وهو ينظر لزوجته ويقول بتساؤل:
- (جعفر).

ظهر على زوجته بعض الغباء للحظات لكنها تنهدت براحة
وهي تقول:

- آه إنت شفت اللي اسمه (جعفر) في حلم تاني؟
 - إنتي تعرفي الشخص ده؟
 - أعرف مين، هو مش إنت بقالك سنة بتحلم بواحد
بيجيلك اسمه (جعفر) و كنت بتشوف معاه جدك (أبو خطوة).
 - أنا كنت باحلم بواحد اسمه (جعفر)؟
- قالها (عمر) بدهشة انتقلت لزوجته وهي تنظر له غير
مصدقة وتقول:

- فيه إيه يا (عمر) دا إنت كنت مصدّع راسي بالأحلام دي
كأنها مسلسل عربي، دا حتى آخر حلم حكيتلي عنه إنك شفته
هایقابلک في جامع الحسين.

تأمل وجهها كأنه يتوقع أن تكون كلماتها مجرد مزحة ثم
نهض من الفراش وارتدى خُفيَّه وزوجته تسأله عن وجهته
لكنه خرج من الغرفة مغلىقاً بابها وراءه وهو يسير جريأَا ناحية
غرفة مكتبه في الطابق السفلي، دخلها وجلس على أقرب مقعد
له والظلام يحيط بالغرفة وهو يحاول تجميع أفكاره عن (جعفر)
هذا الذي تقول زوجته أنه حلم به كثيراً وهو لا يعرفه ومتتأكد
أنه يراه لأول مرة في خياله الآآن، أو بشكل أدق يشعر أنه لا
يتخيل بل هو يرى ما رأى من ذكرياته وهو ما أربعه.

شعر بجفاف حلقه فبلل شفتاه ثانية وتنفس بعمق وهو
يقف وينظر في الظلام حوله مشبكاً يديه خلف ظهره كأنه
قائد عسكري، أغمض عينيه وترك ذكرياته تنساب، (جعفر)
يظهر بعقله بصورة ضبابية يرتدي ملابس عادية؛ سروالاً
وقميصاً باللون الأسود، لكن صورته ترتعش وتبهت ويشعر
بالخوف عند تخيل تلك الصورة.. تختفي صورة (جعفر) وتتغير
ملابسه لتصبح ملابس بألوان أخرى، يرى نفسه يجلس معه
داخل مكتبه ومعهم (هيئم) أحد رجاله الذين يحضرون له


عمليات فتح المقابر، الذكرى مشوهة لكنه يرى (هيئتم) يخبره بمنزل بأسفله مقبرة عليها مشاكل ويريدون فتحها، نعم هو الآن يتذكر مقابلة حقيقية عن هذا المنزل لكن لا يتذكر وجود (جعفر) بها، هل يتخيل، تختفي الصورة بعقله وتأتي محلها صورة أخرى له يقف بجانب (جعفر) داخل مقبرة غريبة وحو لهم أناس لا يعرفهم يتصارعون معه ثم (جعفر) هذا يتلو قسم (زكاروت) فتهدم جدران المقبرة.

انقطع سيل الذكريات فجأة من عقله ففتح عينيه في ظلام الغرفة وقد قرر أن يستدعي خدمه من الجان ليسألهم، اعتمد على حاسته بمعرفة مواضع غرفة مكتبه وهو يذهب لزر الإضاءة ويشعل الضوء لينير مكتبه، نظر بجانبه وهو يقول بملل:

- بحق دعوة (سلبيان) وبنور ساطع قلب جهاداته إنه من (سلبيان) وإنه بسم الله الرحمن الرحيم أحضروا في وقتني وساعتي يا من دخلت بطاعتي، دعوة مجابة بالوقت وال الساعة.
قال عبارته وهو يمسح بيده على رأسه ليتحقق من آثار النوم وعاد للنظر بجانبه فلم ير شيئاً، أعاد العبارة مرة أخرى فكانت نفس التبيجة، تبدل وجهه وطارت بقايا النوم من عقله وهو يجري ناحية مكتبه ويبحث عن أحد الروابط بينه وبين خدمه

عليها

في أدراج المكتب وهو يفكّر أنه لم يعد يستخدمها منذ سنين طويلة، فتش في الأدراج بجهون حتى وجد سبيكة فضية رسم



أزاح من على السبيكة بعض ذرات تراب تكونت عليها من قلة الاهتمام بها برغم حفظها في علبة صغيرة، كما انتشر الصدأ بها في أكثر من موضع، وضعها على سطح المكتب وجلس بجانبها مفكراً أنه لم يجتنج إليها منذ صنع عهوده فهو يقرأ قسم جلب بسيط ليظهر له خدمه من الجن لأنهم يرافقونه في أغلب الأوقات، لكنه طرد عن فكره أن هناك مصيبة أو مشكلة وابتلع ريقه بصعوبة وهو يضع أصابعه على السبيكة ويدأ باستدعاء خدمته ليظهر له أحدهم:

- بقسم منير في هيكل (سليمان) أخذته عند الباب الكبير أبداً بناء وجلاء على مسيرة الأكوان وخلق الأزمان بالعزّة والسلطان، بهيبة متكلم الشعبان وخاضع الجان، الضارب بالسيفين الطاعن بالرحمين، ملوك الأيام يأخذون حذرنا وزجرنا من عهدي مع (روقيائل) وأعوانه بآلا يمسوا عهدي أنا (عمر) بن (فضل

الدين) بن (سيد) عهداً إلى جدنا الأكبر (أبو خطوة) وبرجال من الجان أتوا من أصلاب أعون أجدادي بداعج ميعوج وكلكيائيل وسيقائيل، مالك إيك أت تعنين، اظهروا وافتحوا الحجاب.

توقف عن الكلام وهو ينظر حوله فلا يرى نتيجة فأكمل بصوت أعلى هو أقرب إلى الصراخ:

- بشينو ويشلومو عليخو بشينو ويشلومو عليخو، ادخو لييو ودن ليبيتو.. هذا عهدي وتحيط بكم الأسماء تتكلمكم بدعوى الجلوجوية..

توقف عن تكميلة العبارة بعدما التقطرت عيناه حركة مرتعشة لورقة صغيرة على المكتب، رفع يده من على السبيكة الفضية ووضعها على الورقة ليثبتها لكنه شعر بيده تصطدم بيده مشعرة خلبية، سحب يده ملسوغاً فوجد أمام المكتب يظهر من اللا شيء جني قصير، نحيل، برأس ضخمة وعينين مسحوبتين وفم بارز والشعر ينتشر بجسده.. تعود (عمر) أن يقوم الجان المرافقون له بإظهار الجنان الآخرين له لا أن يتشكلوا بشكل مادي في الأوقات العادية، لكنه بمجرد تدقيقه للنظر وجد جسد الجني يمتلي بالحرائق الكثيفة الغريبة التي لم يشاهد مثلها، ففتح الجني فمه ليتكلم لكن خرج منه صوت أشبه بالصراخ تبعه كلمة واحدة:

- (جعفر) ..

ارتعدت شفتا (عمر) بعد أن رد اسم (جعفر)، استند الجني

على حافة المكتب وهو يرفع يده المخلبية اليمنى باتجاه رأس (عمر) الذي فهم ما يريده الجنى من خدمته ويريد أن يضع يده على رأسه ليفتح له الرؤيا ليرى بقية الجان المتواجدين بالمكان، لم يترك نفسه للدهشة وجرى ناحية الجنى الظاهر عليه اقترابه من الموت وقرب رأسه منه ليضع الجنى يده قبل أن يختفي على رأس (عمر) الذي شعر بألم بسيطٍ تعود عليه طوال حياته أعلى عينيه ثم انفتحت الرؤية من حوله وألوان الموجودات تحول إلى اللون الرمادي.

كاد أن يصرخ فزعاً مما شاهده، حيث خدامه من الجان ملقاء حوله في كل مكان وكلهم يعانون من الحروق، لم يشاهد كل هذا العدد من الجان مقتولاً من قبل برغم كثرة خبراته، سمع صوت الجنى في أذنه ضعيفاً يقول بوهن شديد:

- (جعفر) جابك هنا بعد يومين.

تركيب الجملة لم يفهمه (عمر) لكنه صرخ:

- مين اللي قتلکم؟

- (جعفر).

اختفت الرؤية تدريجياً وعاد ليرى بشكل طبيعي ففهم أن الجنى مات، في نفس اللحظة سمع من بعيد صوت جرس باب شقتة يرن بلاحاج، جرى ناحية باب المكتب يفتحه وهو يخرج منه جرياً متوجهاً إلى صالة استقبال شقتة والجرس يرن بجنون، رأى

خادمه تهرب ناحية الباب لتفتحه وهي تزيل آثار النوم من على وجهها لكنه نهرها وأمرها بالانصراف وهو يقف أمام الباب وينظر من عينيه السحرية، رأى رجلاً عجوزاً يقف متسلماً وهو ينظر ل ساعته .. في الأوقات العادبة كان (عمر) وبسبب خدمته من الجان يشعر بقوة لا حدود لها لكنه الآن خائف من فتح الباب لعجز متهالك.

وكان العجوز عرف أن (عمر) يقف خلف الباب فاعتدل وهو ينظر للعين السحرية وهو يقول:

- أنا (جابر عبد السيد)، افتح يا (عمر) ما تخافش أنا جايلك علشان أفهمك إيه اللي بيحصلك.

- تعرفي منين؟

قالها (عمر) بصوت حاول أن يجعله متسلكاً لكنه خرج مرتعشاً.

- أعرفك من ساعة ما اتولدت، وجاي علشان أكلمك على (جعفر).

فتح الباب بحدٍ وهو يتأمل (جابر) بعين خبيثة يحاول تقييمه حتى دلف هذا الأخير داخل الشقة ببساطة وهو يتثاءب ويقول: - معلش يا ابني بس أصلي سهران وأنا متعدود أنام بدري.. ممكن نتكلم في أوضة المكتب.

أشار له (عمر) ناحية الغرفة المفتوحة ليتقدمه (جابر) إليها

حتى دخلها وجلس على أحدى المقاعد و(عمر) يدخل من ورائه ويغلق الباب لكنه تصلب في موضعه عندما سمع صوت (جابر) يقول بشكل تقريري:

- الجن اللي بيستخدموك اتقتلوا أو مش عارف تتوصل معاهم
صح؟

نظر له (عمر) بوجه غاضب وصوت تنفسه يعلو وهو يقترب منه بينما (جابر) تظهر الدهشة على ملامحه وهو يقول بسخرية:

- إيه يا ابني وَش الدراما اللي إنت عامله ده، أنا عارفك من زمان مابتحبش التمثيل، خُد الموضوع ببساطة أنا جاي أفهمك.
توقف (عمر) عن التقدم وتراجع خطوطين ليجلس هو الآخر على مقعد ينظر لجابر محاولاً الحفاظ على تعابير وجهه.

- وحضرتك يا أستاذ (جابر) تعرفني منين؟

- من قبل ما تولد وبعد ما اتولدت وفي كل وقت.

- أنا مش فايق أسمع تخاريف العواجيز ده.

- طب يا سيدي اسمع.. إنت كنت تعرف واحد اسمه (جعفر) لكنك مش هتفتكر أي حاجة عنه، اللي حواليك هايفتكروه لكن إنت لا، مثلاً (هيضم) الراجل بتاعك.. إلا هو إيه أخباره دلوقت؟

- إنت تعرف (هيضم) كمان؟

قالها (عمر) بسخرية محاولاً الظهور بمظاهر السيطرة على

الموقف برغم تخيطه من الداخل فابتسم له (جابر) وهو يكمل:
- طبعاً أعرفه، دا حبيبي، هو كان هايديك في داهية أكثر من
مرة بس طيب، أهو (هيثم) شافك مع (جعفر)، ولو اتصلت بي
وسأله هايأكذلك كلامي، ولو سأله على (أليكسندر).

قاطعه (عمر) وهو يميل بجسده للأمام ويقول:

- إنت تعرف (أليكسندر)؟

- إنت فاكر عنه إيه؟

- مش هو ده اللي بيكلمني بقاله فترة عايز يدخل بيت جدي.
قال (عمر) عبارته وتوقف فجأة وخياله يريه مشاهد يعتقد
أنه يرى نفسه يدخل منزل (أبو خطوة) مع رجل أوربي الهيئة.

- إنت دخلت معاه البيت يا (عمر).. وكان معاكم (جعفر).

نفض (عمر) الخيالات عن رأسه وهو يقول:

- أنا مادخلتش البيت مع حد.

- دخلت وكمان فتحت البوابة اللي بتنزل لتحت.

- إنت بتتكلم بثقة كده ليه؟

تغيرت نبرة (جابر) وأصبحت حادة وهو يقول:

- إنت مش هتصدق اللي هقوله لكن إنت دخلت البيت
و كنت هتموت فيه لكنك رجعت بالزمن لأيام، يعني رجعت
النهارده و(جعفر) اللي جوه البيت مسح ذكريات منك علشان

ماتحاولش تدور جوه البيت تاني وتبوظ خطته، وأكيد بتجيلك ذكريات وهاتجيلك أحلام من حياتك السابقة تحاول تفكرك إنت مين وإيه الأحداث الأصلية اللي عشتها، لكنها هتفضل جواك ومش هتفهم منها حاجة.

- أنا مش فاهم حاجة منك أساساً.

- عنك ما فهمت.

قالها (جابر) ونهض فنهض (عمر) متحفزاً لكن (جابر) اتجه ناحية المكتب وبحث حتى وجد ورقة فارغة ثم أخرج من جيبيه قلماً وبدأ في رسم خطين متوازيين وكتب بجانب الخطين عام 2005، اقترب منه (عمر) ونظر للورقة لكن عينيه وقعاً بالصادفة على يد (جابر) وذلك الخاتم المميز الذي يزين أحد أصابعه.. لعث عيناه وهو يتذكر هذا الخاتم الفضي وخاصة أن هناك كتابة بخط دقيق على فص الخاتم لا يمكن قراءتها إلا بعدسة كبيرة لكنه عرفها منذ وقوع عينيه عليها لأنها طلاسم استخدمتها عائلته وكل من تدرب تحت أيديهم في عالم الجان، لكن الخاتم نفسه كان متأكداً من معرفته.

- إنت لابس خاتم عليه خدام من الجان؟

انتبه (جابر) للخاتم وقال بحرج:

- مافيهوش جن ولا حاجة، مش ده الخاتم الأصلي بتاعي، دا أنا عملته وأنا كبير في السن علشان يفكرني بنفسي.

- مش فاهمك بس الطلاسم اللي على الخاتم شبه..

قاطعه:

- طُظ.. المفروض ماكنتش أقابلك وأنا لابسه بس ذاكرتي
بقت زي السمك البوري، ثم إنت كده كده مش هتفتكر حاجة،
ركز بس في اللي هاقولهولك.

وأشار للورقة وقال:

- اعتبر إن ده نهر النيل، عايز تخيل إن حياتنا ماشي زي
النهر ده بالظبط، وسنوات حياتك مكتوبة على ضفاف النهر زي
السنة دي بالظبط، 2005، فاهمني؟

- هو إنت قلت حاجة علشان أفهم!

- بطل لماضية ورकز، دلوقت لو تخيلنا إتنا عملنا كده في النهر.
تبع عبارته بأن رسم فرعًا صغيرًا يخرج من النهر عند عام
2005 وهو يقول:

- إيه اللي إنت شايفه؟



- ترعة خارجة من النهار.
- ترعة !!.. ماشي نعتبرها ترعة، الترعة دي لو خرجت وفضلت ماشية بمحاذة النهار هيحصلها إيه؟
- مش عارف.
- الترعة مع الوقت مش هاتقدر تشق طريقها لوحدها

وهوتفت عند نقطة معينة وهيحصلها جفاف مع الوقت،
أو هاتحرف ومسارها هايرجع نهر النيل تاني، يعني في كل
الحالات الترعة اللي خرجت في 2005 مش هتأثر على مسار
النهر مظبوط؟

- آه تمام.

- ده اللي حصلك وحصللي، إحنا في فرع من النهر، مجرد فرع
لازم يختفي، عمره ما هيكون نهر لوحده، لكن لو تخيلت معايا
اني عمقت الفرع أو الترعة زي ما إنت بتسميها وخرجت فرع
تاني سنة 1993، الفرع ده هايلتحم مع الفرع بتاع سنة 2005
ويكون فرع قوي موازي للنيل، لكن برضو مش هنقدر نكون
نهر كامل والمياه اللي جاية من المصب هاتفضل تروح معظمها
في النهر الرئيسي.



- أنا زهقت من الفقرة الزراعية دي ممكن حضرتك تقولي
إيه الحكاية.

- إحنا مش في زمانا الأصلي يا ابني، أنا وإنت وأهلك وكل
اللي حواليك مجرد فرع من النهر، مش حقيقين، عالم مؤقت
بينهار كل مرة، والزمن بيرجعنا تاني للنهر مهما طال الوقت.

- حضرتك مجنون؟

صرخ فيه (جابر):

- احترم نفسك يالا، جدك نفسه الله يرحمه كان مايقدرش يقول كلمة زي دي.

- حضرتك تعرف جدي؟

ألقى (جابر) بالورقة وعاد ليجلس على مقعده وهو يطرد آثار النوم من عينيه ويقول:

- أيوه يا سيدى، والمصيبة إنى مش عارف أفهمك إزاى، بضم يا (عمر) أنا هاعرفك شوية أسرار بس على شرط واحد، إنك تنفذ اللي هقولك عليه وتستنى لحد سنة 2007 علشان تعرف المهمة اللي المفروض تنفذها.

- مهمه هانفذها؟

- المهمة اللي إنت المفروض تعملها أصلًا، إنك تكون مكان (جعفر) وتنهي كل حاجة.

نزل (جابر) من العمارة التي يقطن بها (عمر) ليصطدم بابنه (سلیمان) الذي ينتظره بجانب سيارته الملاكي والذي جلس في مقعد السائق ووالده يفتح باب السيارة ويجلس بجانبه.

- نرجع على البيت يا بابا.

- آه بسرعة.. تلاقي أمك ماسكة الشبشب ومستنياني، ولا تلاقيها نامت أساساً.

ابتسم (سليمان) بطرف فمه، لكن عينه تأثرت وهو يسعل ليتمكن من أن يقول:

- ماما ربنا يرحمها من سنة.

ابتسم (جابر) وهو يقول بمرح:

- ما أنا عارف، أنا مانسيتش، بس شبشب أمك محدث
ينساه.

نظر بعدها أمامه وقد تجمدت الابتسامة على وجهه لدقيقة حتى ابتلع ريقه وهو يقول محاولاً الحفاظ على ابتسامته:

- مش عايز تسأل أنا كنت عند (عمر أبو خطوة) ليه؟

- لو إنت عايز هتحكيلي.

ساد الصمت في السيارة و(سليمان) يتحرك بها حتى قال له (جابر):

- صحيح أمك هي اللي ربتك لكن أنا ماكتتش قاعد طيشة،
وعارفك وعارف اللي بيدور في بالك، ومتتأكد إنك بتدور على
اللي بعمله من ورايا بس مش هتوصل حاجة لأنها حكاية معقدة.

- هو اسم ماما الحقيقي إيه؟
- (حنفي).

لم يضحك (سلبيان) بل نظر لوالده الذي قال ببرودٍ:
- إنت مصمم تعرف كل حاجة.

- أنا عرفت حاجات لكن مافهمتهاش، أنا متأكد إن حضرتك غيرت اسمك في شبابك إنت وماما علشان تهربوا من حاجة، متأكد إن ليك صلة قرابة بـ...

- إنت ظابط بوليس فمش هتفهم في الحاجات اللي باعملها ولو فهمت هتبظ كل حاجة، ولو فاكر نفسك لو سمعت اللي دار بيبي وبين (عمر أبو خطوة) إنك هتوصل حاجة تبقى عيطة.

تبع (جابر) عبارته بأن بحث في جيوب بذلته حتى أخرج قطعة بلاستيكية في حجم العملة المعدنية ووضعها على تابلوه السيارة وهو يقول لسلبيان الذي شعر بالخجل:

- حاطط في جيب بدلتي البتاعة دي علشان تسجل عليها الحوار اللي هيدور من غير ما أعرف، أنا ما عرفتش هي بتشتغل إزاي فسيتها في مدخل العمارة لحد ما أخلص.
- بابا.. أنا ما أقصدش.

قاطعه (جابر) ضاحكاً:

- ياد عيب دا أنا على قديمه أيام الخير كله، أيام ما كان جهاز التصنّت جهاز تصنّت بجد، كان شبه الميكروفون وبنخبية جوه الحيطة، إنما الدنيا اتقلّت برకتها وصغروا الأجهزة، على فكرة البتاع ده إنت مش جاييه من وزارة الداخلية دا صناعة أوروبية ومكتوب عليه كود تجاري، إنت خليت حد يشتريه لك من بره؟

- افهمني يا بابا، أنا خايف عليك علشان كده بحاول أتابلك.

- حاول براحتك ولو عرفت بيقى حرك، مش هالومك، لكن لو مشيت على كلامي هترتاح وتريح الكل، قولى أخبار (جعفر) إيه؟

- دلوقت زمانه في قسم القناطر وأنا بتتابعه.

- وعيلة (الدهان) اللي في (أبو النور)؟

ظهر على وجه (سلیمان) الحيرة كأنه يريد أن يخبر والده بشيء لكنه ينوي في نفس الوقت التراجع.

- قول يا (سلیمان) لقيت إيه عن العيلة دي؟

قال (سلیمان) بوجه بارد محاولاً كبت أسئلته التي قاربت على القفز من داخل رأسه.

- فيه محاضر في أرشيف أمن الدولة، وإذن نيابة بالقبض على واحد اسمه (عبد الفتاح الدهان) و(سيد أبو خطوة)، والتحقيقات فيها اسمك وإنك على صلة صداقة بالاثنين دول وبتزور قرية أبو النور بانتظام، وإنك...

قاطعه (جابر) بهدوء:

- دا كلام قديم من حوالي 30 سنة ومش مهم، أبوه أنا كنت أعرفهم وعلى صلة بيهم أنا عايزة تراقب..

- يا بابا كفاية كده أنا زهقت، قولي فيه إيه؟

قالها (سليمان) بغضب وارتاعشه في نبراته فنظر له (جابر) بطرف عينيه وكاد أن يقول شيئاً لو لا أن هاتف والده المحمول رن فرداً عليه وهو يتحدث لشخص ما في الهاتف سائلاً إياه عن شخصيته، ظهر الخوف والرعب على ملامح (جابر) وهو يعتدل في جلسته، تنامى لسامع (سليمان) صوت يأتي من سماعة الهاتف المحمول يأمر (جابر) بالعودة لمنزله، الغريب أن (جابر) ارتبك وهذا ما لم يرها (سليمان) كثيراً بحياته، حتى لون وجه (جابر) قد احمر وتنامت بعض حبات من العرق على وجهه وهو يردد برعب:

- أنا.. أنا جاي.. إوعى تمشي أنا جاي حالاً.

أغلق الخط وهو ينظر إلى (سليمان) ويأمره بأن يزيد من

سرعة السيارة ليصلوا للمنزل بأسرع وقت، نفذ (سلیمان) الأمر وهو يلقي بنظره من وقت لآخر ناحية والده ليجده ينظر أمامه مفكراً وعلامات ارتفاع الضغط تتجلّى عليه حتى أن (سلیمان) خاف من سؤاله عن محدثه على الهاتف معتمداً على أنه سيعرف في النهاية واكتفى بسؤاله كل بضع دقائق عن حالته الصحية فيتلقى من والده بنبرة آلة:

- الحمد لله.

بعد أكثر من نصف ساعة اقتربت السيارة من المنزل و(جابر) يحرك عينيه بسرعة باحثاً عن شيئاً ما في الطريق الصحراوي الذي يطل عليه المنزل، حتى وصلت السيارة إلى بوابة المنزل الرئيسية و(جابر) يخرج جهاز فتح البوابة من جيبه ويضغط على زر فتح البوابة الضخمة، فجأة أمره (جابر) بأن يتوقف، ونزل من السيارة تاركاً (سلیمان) حائراً من كل هذا الغموض، حتى تابع هذا الأخير بعينيه والده وهو يسير بجانب المنزل حتى وقف أمام شاب في العشرينات من عمره وجهه يغرق في الظلام لكنه تأكد بأنه لم ير هيسته من قبل، سمع صوت والده يقول صائحاً:

- إنت جيت تاني ليه؟ أنا باعمل كل اللي اتفقنا عليه.

- (عمر) عرف اللي مطلوب منه؟

قالها الشاب ببرود وبصوت أحش جابر الذي وقف أمامه، هنا لم يستطع (سليمان) الانتظار في سيارته فنزل منها وهو يتوجه إلى والده الذي قال للشاب:

- أيوه، مافهمتوش كل حاجة لأنه مش هايفهم، بس ماتنساش إن ميعادنا في 2007 إيه اللي جابك السنة دي؟ هنا اقترب (سليمان) من والده المنفعل الواقف أمام الشاب الذي قال بنبرة لائمة:

- مش واثق فيك، إنت بتتحاول تتحرّك بره اتفاقنا. كانت صورة الشاب اتضحت لسليمان ليجده شاباً في العشرينات، ملابسه غير مهندمة تتلطخ ببقايا أتربة في بعض المواضع، وشعره يقول بأنه لم يتعرّض للمياه منذ أيام برغم من محاولة ترميجه الفاشلة، تأكد (سليمان) بما لا يدع مجالاً للشك أنه لا يعرفه ولم يره من قبل؛ لذلك صرخ فيه صائحاً:

- فيه إيه ياد ما تتكلّم مع دكتور (جابر) باحترام. نظر له الشاب وتأمله من أخص قدميه إلى أعلى رأسه ولم يرد عليه بل نظر جابر وقال:

- إنت خايف على (سليمان) صبح؟، أنا حذرتك قبل كده إنك ماتخلفتش وإنك خالفت كلامي.

مد (سلیمان) يده وأمسك بملابس الشاب جاذبًا إيه نحوه
صائحاً:

- بقولك إتكلم معاه عدل ي...

انتقض (سلیمان) للوراء بعدما شعر بألم جسدي مفاجئ
بمجرد أن لامست أصابع يده جسد الشاب، وقع أرضاً
صارخاً من ذلك الشعور الغريب الذي ذكره بحادثة عادية في
طفولته عندما تعرض لصعقة كهربائية بسيطة من مفتاح كهربى
في منزله، نفس الصدمة ونفس الألم.

جثا (جابر) على ركبتيه بجانب (سلیمان) بلهفة يطمئن على
جسمه ثم نظر للشاب وقال بدھشة:

- جسمك فيه شحنات كهرباء زيادة؟

أوما الشاب برأسه إيجاباً وهو يقول:

- آسف يا (سلیمان) ماقصدتني أضررك، جسمي بقى
بالشكل ده من كتر دخولي بيت (أبو خطوة).

ساعد (جابر) ابنه على النهوض وأخذ بشكل أبيوي يزير
التراب عن ملابسه حتى انتهى وعاد ينظر للشاب وهو يقول:

- جسم (عصر) اللي جوه البيت زي جسمك كده صح؟

- لا.. جسمه بقى شبة شحنة الطاقة، ولازم يكون تحت
البيت في أغلب الوقت علشان جسمه يكون جنب مصدر طاقة
عالى، وإلا يموت.

نظر (جابر) للأعلى متأنلاً السماء وهو يفكر بصوت مسموع
مغمضاً:

- (جعفر) جسمه مش هايتحمل وهو جوه البيت
وهيموت بس إمتى؟ مفيش وقت محدد.

رد الشاب ببرود وبطريقة رتيبة:

- ماتفكريش إنك تسييه جوه البيت علشان يموت لوحده
أو إنك تستدرجه بره البيت وتقتله، الوقت عنده جوه البيت
مختلف عن الوقت عندك، هيكون عمل ألف حاجة قبل ما
تلحق إنت تقتله.

- أنا مش عايز أقتله، أنا عايز أحل المشكلة من غير ما حد
يموت.

قال عبارته بنبرة أقرب للحزن ناظراً في عيني الشاب الذي
نظر لسلیمان وقال:

- (سلیمان) أبوك هايفهمك بعدين لكن اتفكر إنك
هتشوفني بعدين واحتمال تتعامل معايا، إوعى تحكي حاجة
من اللي شفتها لي.

رفع (سلیمان) حاجبيه وفتح فمه ليخبره أنه لا يفهم لكن
(جابر) قال بسرعة:

- (سلیمان) ماتخاولش تفهم حاجة، ركز في اللي هقوله

دلوقت، لو قابلت الشخص ده تاني اعرف إنه مش اللي إنت
بتتكلم معاه دلوقت، دا واحد تاني وإوعى تعامله على إنه عدو
أو صديق، فاهم حاجة؟
- لا.

- هافهمك بعدين، ادخل دلوقت البيت واتأكد إن (نهرة)
مش صاحية ولو صاحية قولها بابا بيقولك ماتخرجيش من
أو ضنك لحد ما يقولك.

- مش هاسبيك واقف معاه يا بابا.

- يا بنى افهم دا صاحبي.

- صاحبك!

ابتسم (جابر) وهو ينظر للشاب ويقول:

- هو فرق السن بينا كبير، وحقيقي هو مش صاحبي في
الوقت اللي إحنا فيه، بس في الحقيقة هو صاحبي واتربينا مع
بعض كمان.

أضاف الشاب بابتسامة ساخرة:

- والله ما حد عارف إيه اللي حصل وكنا أصحاب إزاى
حتى؟

ربت (جابر) على ظهر (سلیمان) بحنان وهو يأمره ثانية

بالدخول للمنزل.. بعد اختفاء (سلیمان) المتشكك نظر (جابر)
للشاب الذي قال:

- (جابر).. لما جيتك في الستينيات طلبت منك ماتختلفش
علشان إحنا مانعرفش إيه مصير ابنك لو نجحنا.

- تفتكرا الحاجات دي بتيجي بالأوامر؟ (سلوى) كان
نفسها..

- (سلوى) مين؟

- (صفاء) يعني.

- آآآاه.. (صفاء) كانت موجودة وحضرت كلامي ومع
ذلك زنت عليك.

- كنا عايشين لوحدينا وهي احتاجت لأسرة، و...
قاطعه الشاب:

- وإنْت دلوقت بين نارين، تنفذ اللي قلتلك عليه ولا تلاقي
طريقة تانية تخلي كل حاجة زي ما هي.

- تعرف إن (سلیمان) عنده أولاد.

- وانت تعرف كام واحد مات في البيت يوم ما بدأ (جعفر)
يرجع بالزمن؟ طب قولي كام طفل اقتلوا في يوم المذبحة اللي
بين (الدهان) و(السلاموني) وكل طفل فيهم كان هايكبر

ويتجوز ويختلف، قولي ذنب (راضي) أو (دعاة) أو (عمر) إنهم
يعيشوا حياة مش بتاعتهم، أنا ذنبي إيه حياتي تتلخبط.

- إنت عايز تغير في الزمن زي ما (جعفر) عمل.

صرخ الشاب:

- أنا عايز أعيش في زمني الحقيقي.. إنت بتضحك على
نفسك؟ إحنا وجودنا غلط من الأول.

مسح (جابر) على رأسه يحاول أن ينفخ النعاس عن رأسه
وهو يغمغم:

- مش قادر أصدق إني شايفك دلوقت.

سيطر الشاب على نوبة غضبه وتنهى وهو يقول:

- ماتحاولش تواصل مع (أليكسندر) تاني، ممكن يعمل
مشاكل.

- بالعكس أنا لازم أتواصل معاه لأنني محتاجه.

- ليه؟

- في الستينيات لما قُلتلي على المقبرة بتاعة (دهشور) اللي
جنوب الهرم الأخر.

- مالها؟ مش إنت خليت (سيد أبو خطوة) يفتحها زي ما
قلتلك؟

- أيوه فتحها فعلاً بس (أليكسندر) أخذ الحجر اللي كان في الحيطه بتاعتها ومحفظ بيه هنا في (حلوان) في بيت كان تابع لمشروع إيزيس.

نظر الشاب له وقطب جبينه وهو يقول ضاغطاً على مخارج الفاظه.

- إنت بتتكلم عن الحجر اللي بيشغل المقبرة صح؟
أيوه .. الحجر موجود في الغرفة العلوية في المقبرة، أنا دخلت المقبرة بعدين وحفرت في أرض الغرفة ولقيت سرداد زي ما قلتلي وزرتله ونقلت كل أدواته عندي هنا في البيت، بس أنا متأكد إن الحجر مهم علشان يشغل الغرفة .. مش انت قلتلي إنك عايز تبني غرفة زي غرفة القبر بالظبط؟

سرح الشاب ناظراً للأرض ومرت ثوان قال بعدها:

- انت واثق إنك نقلت الأدوات اللي لقيتها تحت؟ على العموم أنا كنت عايزك تدخل (عمر) وفريق التصوير للبيت ومعاهם الأدوات دي علشان يرجعوا للعصر اللي عايش فيه (فرغلي المستكاوي)

- وإيه اللي هايحصل لو الأدوات دي مش معاهم؟

نظر له الشاب بشك وقال:

- (جابر).. إنت دخلت مقبرة (فرغلي المستكاوي) اللي في (باسوس) في الستينيات مع (أليكسندر) صح؟

- آه.

- الأدوات اللي إنت بتقول إنك نقلتها من مقبرة (دهشور)
لقيتها جوه مقبرة (فرغلي)؟

- مش فاكر.

- إوعى يا (جابر) تبعتهم من غير الأدوات دي.

- إنت عايزة الأدوات دي علشان تبني مقبرة تانية جديدة
ولا عايزةها مدفن لفرغلي المستكاوي؟

- أنا لسه ما أعرفش (فرغلي) مات مقتول ليه وما أعرفش
هانجح في بُنا الغرفة ولا لا، لكن أنا بفكرك إوعى تغدر بيا
لأني مش ضامن المستقبل هايحصل فيه إيه، لو (جعفر) نجح
في إنه يجبر الزمن على أحداث محددة معن (سلیمان) ابنك نفسه
يموت في حادثة عادي، إنت عارف إن الزمن هايحاول يمحيك
ويمحيكي ويمحي كل الأحداث.

- ماتخافش.

- هزورك تاني قريب، افتكر تحضير (عمر) للي المفروض
يعمله.

قال الشاب عبارته وسار باتجاه معاكس للمنزل و(جابر)
صامت ينظر له وفي عقله تجتمع عشرات الاحتمالات لما يمكن
أن يحدث في المستقبل.

الفصل الثامن

في أيام

2007

مكتب فريق تصوير البرنامج

على مقعد المكتب جلست أفكر في الأحداث السابقة وأنا أنظر لساعتي بين الحين والآخر، (راضي) طلب مني أن أنتظره في المكتب، وكل نصف ساعة يتصل بي ويفيد أنه سيأتي، صوته في آخر نصف ساعة كان مريباً، هرشت برأسه ونهضت لأ LIN فقرات ظهري، فانفتح باب المكتب ودخل (راضي) علي وهو يحمل أوراقاً بيده.

لاحظت أن شاربه غير موجود فضحكـت وكدت أن أقول شيئاً لكن (نـهـلة) دخلت وراء المكتب وهي تنظر لي بشكـ.

- "أهلاً يا (نـهـلة)، هو (راضي) عملـك حاجة؟"

قال (راضي) بجدية شديدة:

- "اسمع يا (حسام) دـا بـحـث اـتـعـمـل عـلـى مـخـطـوـط قـدـيم مـن أيام (محمد علي) باشا، الـبـحـث دـه كـان عـنـد دـكـتوـر (جابـر) مـن

زمان، وده جزء من المخطوط بعد ما عرفوا يقروا اللي فيه".

وضع الورق في يدي، نظرت له مصدوماً من هجنته الجدية
الغريبة، رفعت الورق وقربته من عيني فقرأت:

((الشكل النهائي للفقرة الأولى:)

بسم الله الرحمن الرحيم * أعرف أن ما أكتبه.. التصديق*
لكني رضيت بقضاء الله وقدره * أرسل هذه الرسالة إلى صديقي
حسام عبد الوهاب المهدى وأتمنى أن تصدقني وتنجذبني مما...*
أنا صديقك فرغلي المستكاوى * أجبرني جعفر على العودة
بالزمن لهذا.. ومن حينها.. مسجون به*))

رفعت عيني من الأوراق ونهضت لا إرادياً من جلستي
مفكرةً في احتمالية أن يصنع بي (راضي) مقلباً غبياً غير أنه لم يكن
من هواء هذه الأشياء، نظرت له ولنهلة التي جمع وجهها بين
الغباء واللهمقة وقلت ببطء:

- إيه البتاع ده لا مؤاخذة؟

سألتني (نهلة) بشك:

- إنت اسمك زي ما هو مكتوب في المخطوط فعلًا؟

- أيوه يا (دعاء) هو اسمه بالكامل.

قالها (راضي) بحكمة فنظرت له وأنا أقول بغباء:

- (دعا) مين؟

- لا دي حكاية كده هاقو هالك بعدين، ركز إنت بس وكمـل
قراءة.

أعدت عيني للأوراق فوجدت كلاماً كثيراً عن تحليل أنماط الحبر المستخدم في الكتابة وعن درجة تشبع الورقة، مدّ (راضي) يده ليقلب الصفحات فوقعت عيني على صفحة كتب فيها.

((الشكل النهائي للفقرة الثانية:

رفعت عيني لها ولم أجد ما أقول فبادرت (نهلة) بالحديث
قائلة:

- طول الطريق (راضي) بيحكيلي كل حاجة عنكم وعن
بيت (أبو خطوة) بس أنا مش قادرة أصدق إن فيه مخطوط قدیم
بخطاطيك.

رد عليها (راضي) فائلاً:

- لو المخطوط ده بجد يبقى بدأت أفهم.

- فهمت إيه؟

صمت هو قليلاً ثم قال:

- مش عارف، أنا شكلني هايقى عيبط لو قلتها.. السفر عبر الزمن.

- حلاوتك..

قلتها وأنا أضحك بطريقة عصبية وأعود لأجلس على مقعدي بينما (راضي) يخرج سيجارته المقرفة ويشعلها ليظهر بمظهر الحكيم وهو يتوجه للكومبيوتر الخاص به ويفتحه وهو يقول:

- كل حاجة بتقول كده برغم إن مفيش سفر عبر الزمن علمياً، لكن الفيديو اللي ظهرت فيه أنا وإن كنت في البيت كان متصور قبل ما نشوف (صفاء).

كان يقول عبارته وهو يفتح الكومبيوتر ويقوم بتشغيل الفيديو الذي تركته (صفاء) لي في بداية تعرفي إليها، الغريبة أن (راضي) لم يكن يتبع لنهاية الواقفة بحرج بجانب باب الغرفة، أشرت لها أن تجلس وعدت لمطالعة الورق فسمعت صوتها يقول:

- هو إنت تعرف حد اسمه (فرغلي المستكاوي) عايش دلوقت معانا؟

قلت لها وأنا أهرب برأسي:

- ممكن يكون تشابه أسماء.

جاء صوت (راضي) وهو يقول باستنكار:

- أسماء دي تبقى ...

توقف عن إكمال عبارته وهو ينظر لنهلة محرجاً وهي تسأله

بأدب عمن تكون (أسماء):

- لا دا (راضي) كان هايشتمني، إنتي متأكدة من اللي مكتوب
هنا؟

قبل أن تتكلم صرخ (راضي) وهو يشير للفيديو المشغل على الشاشة أمامه وأظهر فيه أنا وهو ونحن ننظر للكاميرا الملقاة.

- شفتي أهوزي ما قلتلك وإحنا جاين، دا سفر عبر الزمن.

قلت أنا بعصبية:

- (فرغلي المستكاوي) لسه مكلمني قريب في التليفون حتى
إنت كنت معايا، يبقى إزاي بقى اللي مكتوب ده.

أخرجت هاتفي المحمول وطلبت رقم (فرغلي المستكاوي)
أكثر من مرة لأجد هاتفه المحمول مغلقاً، جاءت آخر مكالمة بيني
وبينه كالذكرى في عقلي:

((رن هاتفي المحمول ففففت من المفاجأة وانتفض (راضي)
هو الآخر، التقطرت أنفاسي ونظرت لشاشة الهاتف لأجد اسم

صديقي المخوب الذي يذكرني براضي بطالعني على الشاشة، ضغطت زر الرد ووضعت الهاتف على أذني وأنا أقول بتعجل:

- مش وقت خالص يا (فرغلي) أنا مش فايف لـ ...

أتاني صوت (فرغلي المستكاوي) من الطرف الآخر للمكالمة بصوت لاهث وهو يقول والصوت يتقطع:

- الحلم با..... بـ.... قق صاحبك ألو.

- يا ابني مش سامع حاجة.

- طب كده سامعني؟

- آه.

سمعت صوتاً غير مفهوم ثم صوت (فرغلي) كأنه يتحدث مع شخص آخر ويقول:

- لا والله عيب تدفع إيه، دا معرفة الرجال كنوز.

ما الذي يقوله هذا الغبي هو الآخر، صوته يأتيني وهو يتعازم مع شخص آخر على دفع أجراً ميكروباً، لا وقت عندي لهذا الغباء، أغلقت الهاتف في وجهه ونظرت لراضي)).

المكالمة رغم ما يظهر من تفاهتها إلا أنها تحمل شيئاً ما في بعض مقاطعها، هل كان يتكلم عن حلم له يتحقق؟ ومن هو صاحبي الذي يرافقه؟ هل ما أفكر فيه حقيقي؟ عاودت النظر للأوراق بشغف أكثر هذه المرة وأنا أقول لنهلة بدون النظر لها:

- الورق ده جايها منين؟
- ده ورق قديم كان عند دكتور (جابر) في مكتبه.
- قديم من قد إيه؟
- اقرأ تاريخ اللي عامل تحقيق للمخطوط هاتلاقيه محلله من حوالي 40 سنة.

قرأت فقرة أخرى تقول:

((الشكل النهائي للفقرة الثالثة:))

..... خديو مصر بتعييني مستشاراً بديوان المختصات*

أنقل له رأيي في حروب صاحب العزة إبراهيم
بكامل ما اتفق* بعد أن رأى مني نبوغاً وفهمًا لدقائق السياسة
مع الفرنسيس منذ عام ألف وثمانمائة و.....* لن تصدق
من كان يلح على الخديو في حفر ممر مائي يربط البحر الأحمر
المتوسط، إنه ماتيو ديليسبيس والد ديليسبيس * نصحته
بأن يهاطله بالموافقة في البداية * * فهو
يحتاج للفرنسيس لدعمه السياسي * لكم أتمنى أن أخبره بكل ما
أعرف أنه سيحدث في المستقبل ف.....*))

رفعت عيني لنهرة التي شاهد الفيديو و(راضي) يعيد لها
بعض المقاطع فقلت:

- هو الكلام قالب تارينجي ليه؟ بقية المكتوب كله كده؟

نظرت هي لي وقالت وهي تشير للورق:

- في الأواخر هاتلافي مقاطع ممكّن تفيدك، كمان آخر جزء من المخطوط حروفه أوضحت برغم إني ماكتش فاهماه لما قريته أول مرة.

وصلت لفقرة تقول:

((الشكل النهائي للفقرة السابعة:)

قابلت عزام أبو خطوة مالك البيت* وعلمت بأنه يحرس مدخل لعالم يشبه خيالات ابن عربي في دخوله أرض الحقيقة* فرجال عائلة أبو خطوة هم يحرسون مدخل هذا العالم* وقد زودوا بها به حماية المدخل* وقد هالني لي حديث ابن عباس..... في كل أرض نبي كنبيكم وأدم كآدم ونوح كنوح وإبراهيم كإبراهيم وعيسي كعيسي* وأن عائلته يتحررون إن أرادوا ليحموا المدخل))

تحركت بعيني بعد انتهاء الفقرة لأجد ملاحظة كتبها محقق المخطوط تقول: ((كاتب الرسالة هنا يتھج الخرافۃ والشعوذة وهو منحی غریب على من عمل مستشاراً لمحمد علی باشا الذي عرف عنه بغضه لمروجي الخرافات، وعلى أرجح القول فإن كاتب الرسالة يقصد أحد أحاديث ابن عربي في كتابه الفتوحات المکیة في معرفة الأسرار المالکیة والملکیة والذي جاء فيه "إذا أراد واحد منا الدخول لتلك الأرض من العارفين من أي نوع

كان: من إنس أو جن أو ملك أو أهل الجنة بشرط المعرفة وتجرد عن هيكله وجد تلك الصور على أفواه السكك قائمين موكلين بها قد نصبهم الله سبحانه وتعالى لذلك الشغل فيبادر واحد منهم إلى هذا الداخل فيخلع عليه حلة على قدر مقامه ويأخذ بيده ويجلو به في تلك الأرض".

وفي الخروج من هذه الأرض يقول ابن عربي: "فإذا قضى منها العارف وطره وأراد الرجوع إلى موضعه مشى معه رفيقه إلى أن يوصله إلى الموضع الذي دخل منه يودعه ويخلع عنه تلك الحلة التي كساها إليها وينصرف عنه وقد حصل علوماً جمةً ودلائل" بيد أن ابن عربي يتحدث عن تجليات صوفية لا عن وجود مادي لتلك الأرض، غير أن كاتب الرسالة يصدق من يخبره بأنه يقوم بمهمة الحارس الذي يقف على أرض الحقيقة أو أرض السمسمة كما يسميها ابن عربي ويلقي على من يدخلها رداءً ليتمكن من السير بها، وهذه الخرافات تعلق بها المصريون في القرن التاسع عشر برغم غرابة الاستعانة بقول لابن عربي.

رفعت عيني مفكراً فيما كنت أطالعه، هل أحسست من قبل أنك تفهم شيئاً ولا تفهمه في نفس الوقت!! شعور متناقض زاد وأنا أقرأ الفقرة التي تليها:

((الشكل النهائي للفقرة الثامنة:))

كل ما عليك أن تدخل لمنزل... خطوة* وتدخل للقاعة

التي أرفقتها لك * وتحفر حتى تصل *
سيظهر لك اطلب منه أن تأتيني لأن ... فمهما
فشلت والأشياء تنهار من حولي * ولا))

جريت سريعاً على تحليل الفقرة حتى وصلت لرسم هندسي
مبسط لمكان يشبه الشقة وفي إحدى الغرف المرسومة كتبت
عبارة مسورة، لو صع ما أعتقده فهذا رسم للشقة التي دخلناها
في منزل (أبو خطوة)، تأملت الغرفة ونهضت من مقعدي سائراً
حتى وصلت لراضي ووقفت بجانبه أريه الرسم وأقول:

- المكان ده خرج منه (جعفر) في الليلة اللي دخلنا فيها البيت
صح؟

تأمل (راضي) الرسم لفترة طويلة قبل أن يهز كتفية ويقول
عبارة عن عدم تأكده؛ لأن الرسم لا يطبق معايير هندسية
حقيقية، وضعت الأوراق على المكتب لأن المحقق انتهى من
تحليل الفقرات وقام بكتابة كلام كثير عن أفكاره بشأن كاتب
المخطوط، ثم وقفت بجانب المكتب أفكر و(راضي) و(نهلة)
ينظران لي كأنهما يتظاران كلمات ما سألقيها.. مشكلة مظاهري أنه
في بعض الأحيان يصيغ على هيئة الحكماء حتى إنني أحجل من
الآدلو بدلوبي في تلك اللحظة، لذلك قلت:

- (راضي)، محتاجين نأخذ نسخة من الورق ده.
نظرت لي (نهلة) معترضة بعينيها فقط بلا كلمات.

- خلبيكي مكاناً يا (نهلة)، دكتور (جابر) عايزنا ندخل البيت
تاني تحت إشرافه، و(راضي) يجيبلي ورق بيقول إن واحد صاحبى
باعتلى رسالة من 150 سنة، لازم نفكّر بنفسنا ونأخذ قرار..
أوقفت كلّهاتي لأنّ باب الغرفة افتتح ليظهر (أحمد عصفور)
مدير الإنتاج يدخل وهو يلقى السلام مبتسمًا لكنه نظر لنهرة
متجمدة فقلت أنا:

- (راضي) هايفهمك كل حاجة دلوقت، أنا بقى لازم أروح
أزور واحد صاحبى.

تركتهم جيّعاً متجمدين بأماكنهم يشاهدونني وأنا أقوم
بتوصيل الكومبيوتر بفلاش ميموري نحتفظ به في المكتب
وأقوم بنقل الفيديو الذي صورناه ليلة دخولنا المنزل للفلاش
ثم خرجت جريّاً مغادراً الشركة ومتوجهًا إلى شقة (فرغلي
المستكاوي) والذي يسكن في الشقة المقابلة لي، أعرف أنني لن
أجده.. خطر لي أن كل هذا ما هو إلا خطأ أو مقلباً لكن ذلك
الخاطر لم يدم أكثر من ثانية، المشكلة أنني أشبه أبطال المسرح
اليوناني الذين يسرون طوال المسرحية ليحققوا قدرهم الذي
كتبه لهم الألهة بدقة.

لكن (جابر) ليس إلّا إغريقياً وليست هذه مسرحية بل هي
الحياة والتي يمكن أن اختار فيها قدرى لأنّي مسئول عنه، دارت
الأفكار برأسى حتى وصلت أمام شقة (فرغلي) الذي يعيش مع

والدته وشقيقه الصغرى وشقيقه الأكبر، واكتشفت ما توقعته، (فرغلي)، شقيقه الأكبر أخبرني بأنه تلقى زيارة بالأمس من شاب جلس يتناقش معه لفترة قبل أن يخرج سوياً بعد أن أبلغ (فرغلي) والدته أنه سيتأخر قليلاً، لم يعد (فرغلي) وهو يبحثون عنه من الصباح حتى إنه كان سيأخذ رقم هاتفي المحمول من أهلي ليسألني اليوم.

طلبت من شقيقه أن أستخدم الكمبيوتر الخاص به وقمت بتوصيل الفلاش ميموري به وسط ذهوله وشغلت الفيديو وتوقفت عند لقطة تجمعنا كلنا ويقف (عبد الفتاح الدهان) و(عبد الرحمن) والد (صفاء) و(جعفر)، أشار هو ناحية (جعفر) وقال أنه هو من جاء أمس لكنه يبدو أكبر سنًا قليلاً عندما رأه أمس، أغلقت الفيديو وأنا أخبره بقصة غير مترابطة عن (جعفر) لم يصدقها وأكدت له أنني سأبحث عن (فرغلي) بنفسي من هذه اللحظة.

لم يصدقني ولا ألومه، لكن الورطة الحقيقة أنه ربما سينقل الشرطة واحتمال أن يضع اسمي في المحضر، يجب أن أخرجك بأسرع ما يمكنني برغم أنني لا أعرف سبيلاً للتحرك سوى إلى قرية (أبو النور) موضع (جعفر) الحالي، يمكنني أن أخرج منه أي معلومة، وخاصة أن آخر زيارة رأيته فيها كان ينظر لي بشكل غريب كأنه يريد إخباري بشيء ما.

أثناء طريقي للقرية جاءني اتصال من (راضي)، ودارت بيننا مناقشة طويلة عن شيء لم يعرف هل ي قوله أمام (نهلة) أم ينتظر الانفراد بي، أخبرني بأنه قام بتصوير لوحة كتب عليها معادلات كثيرة في منزل دكتور (جابر) وأنه ذهب بها لتخصص في الرياضيات، حكى لي (راضي) عن أشياء كثيرة عن نظرية الأوتار والتمزق في نسيج الزمكان إلخ إلخ، لكنني لم أُعِّد حرفًا مما ألقاه على مسامعي.

- يا عم (حسام) فوق كده وصحصح، مش أنا بقولك من الضبع إني متأكد إن الموضوع ليه علاقة بالسفر عبر...
فاطعته:

- كلامك شكله حلو وعميق بس أنا مش عارف أصدقه.
- أو مش فاهمه.

عاد ليخبرني بنفاذ صبر أن السفر عبر الزمن علميًا غير ممكن ولا يوجد افتراض علمي أو نظرية تدعمه، لكن نظرية الأوتار تتكلم عن تمزقات طبيعية تحدث طوال الوقت في نسيج الزمان والمكان لكنها تلتئم في لحظات، ومعادلات (جابر) تؤكد أن التمزقات تحدث طبيعياً في أجزاء من النسيج الزمكاني ويمكن المحافظة على تمزقها.

- أيوه وإيه المشكلة لما يتفتق النسيج؟

- ممكن حد يعدي منه.
- ليه هو النسيج بيقطع جامد؟
- يا عم (حسام) أنا مبتكلمش عن مفرش سرير مقطوع،
هاقولك ...
فاطتعه:
- أنا اللي هقولك، (فرغلي) اختفى من بيته فعلاً والي أخده
يبقى (جعفر) والموضوع بقى كبير، أنا لازم أطلع على (أبو النور)
وانت تروح لجابر تسأله على ميعاد دخولنا البيت علشان نجهز
نفسنا.

- ميعاد إيه؟ هو احنا هنخش البيت بجد؟
- آه بس قبل الميعاد اللي هايحدد (جابر)، لازم نعرف لو حدنا
إيه اللي مستنبينا جوه في الأوضة اللي خرج منها (جعفر) في
الفيديو.

أنهيت المكالمة وانتبهت للطريق الذي يسلكه التاكسي الذي
يقلني للقرية، راجعت الطريق بسرعة في عقلي ونزلت لأعيد
الأسئلة ثانية عن منزل كبير عائلة (الدهان) حتى وصلت لهناك،
سألت على (جعفر) فوجده يخرج لي من باب المنزل يتلفت حوله
كأنه مراقب.

اقربت منه لأصافحه لكنه مدّ يده وجرني جرّاً لأسير بجانبه

ونحن نبتعد عن المنزل متوجهين لشارع يمر بين أراضٍ زراعية
على جانبيه، فضلت الصمت حتى يتكلم هو:

- قولي يا (حسام) .. تعمل إيه لو قلتك تختفياليومين دول؟
- فهمني ليه وأنا أختفي.

كان يسير متلفتاً بطريقة مريبة جعلت أي شخص يمر بجانبنا
ينظر لنا بشك، بينما هو يقول:

- أستاذ (جابر) حذرني من إني أكلمك لحد ما أسافر، لكن في
نفس الوقت قال إنا كنا أصحاب.
- إنتوا مين؟
- أنا وإنـتـ.

- لا مؤاخذة فهمني أكثر تقصد إيه؟
- أستاذ (جابر) ها يطلب منك إنك تدخل بيت (أبو خطوة)
تاني، إوعى توافقه.
- ليه؟

- علشان حيانك وحياة أصحابك.
- (جعفر) .. اسمحلي أعرفك إني مابحبش الألغاز، ممكن
تجاويني على سؤال بسيط، إيه علاقتك بدكتور (جابر عبد
السيد)؟

توقف على جانب الطريق ونظر لعيني طويلاً وقال:

- (جابر) هاييتعتني مشوار طوييل أنا و(صفاء)، واداني
تفاصيل كل حاجة علشان قبل ما أموت أحاول أصلح الأخطاء
اللي ارتكبها هو.

هذا الغبي يتكلم بالألغاز ويتوقع مني أن أفهم، أو ربما الجميع
أصبح يلمح ولا يصرح.

- يا (جعفر) فيه صديق ليَا اختفى و(جابر) في...
قاطعني قائلًا:

- (فرغلي المستكاوي).

- إنت تعرف هو فين؟

- أنا عارف إن (جابر) هاييتعتك ليه، ومتأكد إنك مش هاترجع.
لم أتمالك أعصابي وأنا أصرخ:
فهمني وبطل تهريج.

- الليلة يا (حسام) ماتكونتش في أي مكان حد يوصلك فيه،
وعلى فكرة أستاذ (جابر) بيراقبك إنت وأصحابك، دا كل اللي
عندي واعمل اللي يعجبك.

أنهى عبارته وسار عائداً ناحية المنزل تاركاً إياي واقفاً أفكراً
فيها قاله وأحاول مكافحة ذلك الشعور الذي يلح عليَّ بأن ألتقط
حجراً من الأرض وأهشم به مؤخرة رأس (جعفر) لادعائه
الغموض والسيطرة.

في قاعة مكتب (جابر) بمنزله جلس (عمر أبو خطوة)
يعبث بأصابعه و(جابر) يجلس في مقعد مقابل له مرتدًا قميصا
وسروالاً فهاشياً وهو يدخن سيجارة بعمق وينظر صامتاً لعمر
الذي أكمل العبث بأصابعه وهو يفكر بشيء ما.

- (عمر) إنت بقالك كام سنة مستني أفهمك إيه المطلوب
منك؟

لم يرد (عمر) فأكمل (جابر):

- كل المطلوب منك إنك تكون من عيلة (أبو خطوة) بجد.

رفع (عمر) رأسه لجابر وقال بطريقة يائسة:

- أنا أفهم إزاي أعمل رصد لمكان، إزاي أفك رصد، إنما اللي
بتقوله أنا ما أعرفوش.

دخل القاعة أحد أبناء (سلبيان) جريًا وهو يضحك ببراءة
وشقيقته تجري وراءه لكنهما توقفا ينظران لعمر بخوف، ضحك
(جابر) لها وهو يقول:

- أنا مش قُلت بلاش لعب في المكتب النهارده، حصلوني على
أوضة اللعب وأنا جايلكم.

جرى الأطفال و(جابر) يعيد النظر لعمر وابتسامته تختفي
فجأة قائلاً:

- إنت مش حفظت شكل الغرفة اللي هتبنيها؟

- آه.

- وحفظت مكانها بالتحديد؟

- عارف المكان كويس في (باسوس).

- وعارف هتقول إيه لعفر لو سألك أو أي حد تاني يسألك.

- أنا مش مصدق اللي إنت بتقوله.

أتنى صوت أزير من الجهاز الصغير الذي يفتح بوابة المنزل والذى يحمله (جابر) دائمًا، كان موضوعاً بجانب (جابر) على حافة المكتب فتناوله هذا الأخير وهو يضغط زرًا به ليختفي الأزير ويأتي صوت لشخص يقف أمام بوابة المنزل يقول بنبرة أمراء:

- افتح الباب يا (جابر).

ابتسم (جابر) بخث و هو يستمع للصوت وينظر إلى (عمر) قائلاً:

- فيه شخص هايقابلك دلوقت أنا قولتلك عليه قبل كده
وقولتلك ماتخافش منه.

- مين؟

نهض (جابر) من مقعده وسار ناحية الدولاب في المائط المجاور للمكتب وهو يفتحه لظهور به الشاشات التي تعرض ما تصوره كاميرات المراقبة حول المنزل، أشار للشاب الواقف أمام البوابة وهو ينظر لكاميرا المراقبة فهز (عمر) رأسه علامه الفهم.

- فاكرة من ساعة ما ورتني صورته.

ضغط (جابر) على زر فتح البوابة في الجهاز وهو يقول:

- ادخل أنا مستنيك في قاعة المكتب.

قال عبارته في الجهاز وأعاده لكانه وهو يطفئ سيجارته ويقول:

- أنا هاخرج أجبيه.

- إنت كنت عارف إنه جاي؟

- رجالتي بلغوني من شوية.

أسرع (جابر) في خطواته جريأاً ليخرج من القاعة و(عمر) ينظر له مفكراً في جدوى ما يفعله، قفزت في عقله فكرة أن يرفض الآن.. لكنه امتلك فضولاً لمعرفة ما تركه أجداده أسفل المنزل، ما يشعر به في تلك الأيام عندما عاد (جابر) للاتصال به لم يشعر به ب حياته، خوف غريب لم يختبره منذ طفولته، صحيح أنه صنع عهداً جديداً مع قبيلة من الجان وأصبح له خدام منهم لكنه لم يستخدمهم بشكل حقيقي.

تذكر كيف انهارت حياته عام 2005 بعد أن فقدَ جزءاً من ذاكرته، ابتعد عن عمليات فتح المقابر واكتفى بإدارة شركاته، كأنه فقد جزءاً منه بشكل أو باخر، أو كأنه لم يصبح كما اعتاد،

هناك شرخ كبير في روحه لم يلتئم، ويرغم غموض (جابر) وطلباته المربيبة إلا أنه متأكد أنه يعرف كل شيء.. حتى إنه حاول إرسال جندي لمنزل (جابر) واستجواب قرينه ففشل وعلم أن (جابر) يعلم عن عالم الجن الكثير، لذلك توقف عن المحاولة حتى طلب منه (جابر) فتح باب المنزل لتدخل (صفاء).

اكتفى هنا بدور المراقب حتى بدأت الصورة تتضح كلياً، دخل هنا (جابر) بصحبة الشاب الذي رأه في شاشة كاميرا المراقبة، تأمل الشاب قليلاً والشاب يعادله النظرات المتفرسة ثم نظر لجابر وقال:

- إنت كنت مستنيني؟

- توقعت إنك جاي.

قالها (جابر) وهو يعود لمقعده ويشير للشاب كي يجلس.

- توقعت إني جاي والا حاطط حد بيراقب بيت (أبو خطوة)؟

- بمناسبة بيت (أبو خطوة)، دا (عمر أبو خطوة) الشخص المطلوب.

- (جابر) ححالك مطلوب منك إيه؟

قالها الشاب ببرود وهو يجلس على مقعد:

- آه.

رَدًّا (عمر) بوجهه بائسِ فقال الشاب:
- الحاجة جاهزة يا (جابر)؟

- فيه معدات تصوير هنا في البيت وجواها الأجهزة اللي
طلعتها من القبر، ها خليةهم يخشوا البيت ومعاهم المعدات
دي و(جعفر) هينقلهم لنفس وقت (فرغلي المستكاوي) هما
والأجهزة وإنْت قلتلي إن الأجهزة ممكن تندمر لكن الأدوات
اللي جواها مش هايحصلها حاجة.

توقف (جابر) عن إكمال عبارته وهو يتفرس في ملامح
الشاب الذي ظهر عليه التألم وكأنه يكافح شيئاً ما، فجأة سعل
الشاب وخرجت دماء كثيرة من فمه غطت الأرض وتناثر بعض
منها على ملابس (عمر) الذي نهض متزعجاً وهو يجري ناحية
الشاب لينجده لكن (جابر) أمره بـلا يقترب منه وقال بلهفة:

- مالك؟

تمالك الشاب نفسه وهو يمسح الدماء عن شفتيه ويعتدل
بجلسته وهو يتنفس بعمق ويقول:
- مفيش.. أنا كويس.

على عكس ما توقع (عمر) من كثرة تعامله وسط الجان
ومشاهدته لأغرب المشاهد وجد تقرحات تظهر على وجه الشاب
أفزعته، خطوطاً حمراء وبقع حروق تظهر في خديه وجبهته وفمه

لثوانٍ كأنها ترتسم ثم تعاود الاختفاء، نهض (جابر) واقترب من الشاب قليلاً يتأمل وجهه الذي تظهر عليه تلك العلامات الغريبة.

- إيه اللي بيحصل لجسمك؟

- مش مهم، ماتنساش (نهرة) لازم تكون معاهم.

- لا.

قالها (جابر) بحزن وهو يسير مبتعداً ناحية مكتبه يبحث عن علبة سجائره، اخترق ظهور التفوح من على وجه الشاب وعاد لطبيعته وهو يقول ببرودة:

- (نهرة) هتعرف تصلح الأخطاء التاريخية اللي عملها (فرغلي)، وكمان...

- أنا قلت (نهرة) مش هتروح، ومفيش مناقشة في الكلام ده؟

- إنت ناوي تغدر باللي هايروحو؟

قالها الشاب وهو ينهض بتناول بينها (جابر) يحمل علبة سجائره وينخرس سيجارة وضعها في فمه وهو ينظر إلى اللا مكان للحظات بصمت، نظر بعدها للشاب ويقص السيجارة وهو يقول بصوت يرتفع تدريجياً مع كل كلمة ملوحاً بيديه في الهواء:

- اسمع بقى، أنا كنت ماشي كويس وعارف هاعمل إيه في حيatic، جيت إنت لخبطلي كل حاجة بفكرة مجونة مخدش عارف

هاتنفع ولا لأ، وكل ما أعمل حاجة تقولي إني هاغدر بيكم، أنا
لو عايز أغدر ماكنتش تعبت كل السنين دي علشان.

قاطعه الشاب ببرود:

- نسيت أباركلك على حفيتك الجديد.

- إنت بتهددني يا روح أمك؟

- لأ.. أنا بطمنك إني شفت حفيتك بعد ما إنت بتعهم لزمن
(فرغلي)، يعني مخدش هايحصله حاجة من أهلك برغم إنك
المفروض لو مشيت على اللي إنت عايزه ماتشوفوش أصلًا.

- إنت إزاي بتقنع (جعفر) إنك تتحرك في أي وقت في الزمن
بالسهولة دي؟

قالها (جابر) بشك.

- هو بيشق فيها وواثق إني عايز أحل المشكلة دي كلها.. أنا
عارف يا (جابر) إنك بعد ما شفت حفيتك خوفك زاد وممكن
تشك في اللي أنا بقوله لك وتحب تكمل حياتك زي ما هي، لكن
صدقني أنا عمري ما هاضرك.

تسارعت أنفاس (جابر) وهو ينظر للشاب محاولة قراءة
تعابير وجهه، لكن الشاب سأله:

- عرفت تحبب الكرة اللي بتشغل الغرفة من (أليكسندر)؟

- آه.. عرفت أدخل بيته النهارده الصبح وجنتها موجودة
جوه الأجهزة.

- كويـس .. لأنك مـاعرفتش تحبـيـها قبلـ كـده .. عـلـىـ العمـومـ
إـنـتـ عـارـفـ المـفـرـوضـ تـعـمـلـ إـيـهـ مشـ كـدهـ؟

عاد (جابـرـ) هـدـوـئـهـ وـهـوـ يـقـولـ:

- أناـ هـاـخـلـصـ كـلـ حـاجـةـ مـاـتـقـلـقـشـ.

تـحـرـكـ الشـابـ نـاحـيـةـ بـابـ القـاعـةـ لـيـخـرـجـ مـنـهـ وـلـكـنـهـ تـوقـفـ
وـنـظـرـ لـعـمـرـ وـلـأـوـلـ مـرـةـ اـبـتـسـمـ وـقـالـ لـهـ:

- أـشـوـفـكـ عـلـىـ خـيـرـ وـإـحـنـاـ دـاـخـلـيـنـ الـبـيـتـ.

ثـمـ نـظـرـ لـجـابـرـ وـقـالـ قـبـلـ أـنـ يـغـادـرـ:

- مـاتـوـصـلـنـيـشـ لـبـرـهـ، أـنـاـ هـاـعـرـفـ أـخـرـجـ مـنـ بـيـتـ لـوـحـديـ.

لـلـحـظـةـ خـيـلـ جـابـرـ وـ(عـمـرـ) أـنـ جـسـدـ الشـابـ يـرـتـعـشـ أـوـ
يـنـتـفـضـ لـكـنـهـ خـرـجـ مـنـ بـابـ القـاعـةـ بـشـكـلـ طـبـيـعـيـ يـسـيرـ فـيـ السـاحـةـ
الـدـاخـلـيـةـ لـلـمـنـزـلـ بـرـصـانـةـ، حـانـتـ مـنـهـ التـفـاتـهـ لـأـحـدـ أـرـكـانـ السـاحـةـ
فـوـجـدـ (نـهـلـةـ) تـقـفـ تـحـدـثـ مـعـ فـتـاةـ أـخـرـىـ أـمـامـ أـحـدـ أـبـوـابـ
الـقـاعـاتـ وـلـكـنـهـ تـنـظـرـ إـلـيـهـ بـطـرـفـ عـيـنـيـهـ بـدـهـشـةـ، أـكـمـلـ سـيـرـهـ
حـتـىـ وـصـلـ لـلـحـدـيـقـةـ الـخـارـجـيـةـ فـوـجـدـ بـوـاـبـةـ المـنـزـلـ تـنـفـتـحـ لـهـ، خـرـجـ
مـنـ الـبـوـاـبـةـ التـيـ أـغـلـقـتـ خـلـفـهـ وـسـارـ مـشـيـاـ بـمـحـاـذـةـ الـطـرـيـقـ، لـكـنـ
سـيـارـةـ تـاكـسيـ سـوـدـاءـ اـقـرـبـتـ مـنـ المـنـزـلـ وـتـوـقـفـتـ بـالـقـرـبـ مـنـهـاـ
وـ(رـاضـيـ) يـجـلـسـ فـيـ الـمـقـعـدـ الـمـجاـوـرـ لـلـسـائـقـ لـكـنـهـ يـخـرـجـ نـصـفـ
جـسـدـهـ بـطـرـيـقـةـ طـفـولـيـةـ خـارـجـ نـافـذـةـ السـيـارـةـ التـيـ تـوـقـفـتـ وـهـوـ

يشير للشاب، توقف الشاب ونظر لراضي الذي خرج من السيارة بسرعة ووقف أمامه متدهشاً وهو يقول:

- إيه يا ابني اللي جابك هنا دلوقت؟ وماش شكلك مبهدل
كده ليه إنت كنت بتتخانق؟

ابتسم الشاب وهو يقول لراضي:

- إنت مش داخل تقابل (جابر)؟ روح الحقه وبعدين نتكلم
لما تخلص معاه.

قال عبارته وأكمل سيره و(راضي) يصرخ عليه:

- رايح فين يا (حسام).. طب استنى نرجع مع بعض.

أكمل الشاب سيره وسائق التاكسي ينادي على (راضي) مطالباً
إيه بالأجرة، ارتبك (راضي) لوقت قليل كان كفيلاً بابتعاد
الشاب عنه فاضطر لمحاسبة السائق وعاد ينظر للشاب المبعد،
أخرج هاتفه المحمول واتصل برقم (حسام) فرداً عليه هذا الأخير
لكن (راضي) لم يجد الشاب المبعد يتحدث في الهاتف:

- (حسام) هو إنت مش كنت عند (جابر) دلوقت ولسه
مقابلني؟

- لا.. إيه اللي إنت بتقوله ده!

- يا نهار اسود.

جلس (أحمد عصافور) في ذلك المقهى الذي أخبره (سلیمان) به منذ ساعة، كان يحمل بيده بعض أوراق مطوية وهو يجول بعينيه في المقهى الشعبي، تتعاقب الخواطر على ذهنه في شكل أسئلة عن جدوى تعامله مع (سلیمان) بدون علم فريقه، يعتقد أنه لو أخبر أحداً منهم فسيعلم (سلیمان) والمشكلة أنه يوحى بأنه سيعلم كل شيء.

دخل (سلیمان) من باب المقهى الصغير وجلس على المبعد المجاور له فناوله (أحمد) الأوراق.

- طب استنى نشرب حاجة ونتكلم.

بحركة تنم عن الارتباك سحب (أحمد) الأوراق ثانيةً فابتسم له (سلیمان) ليكسر حدة الموقف ونادى على القهوجي ليطلب منه المشروبات:

- ها يا سيدي طلبتني في التليفون من شوية وقولتلي إننا لازم نتقابل، لحقت تعرف إيه؟

مدّله الأوراق ثانيةً فتلقيفها هذه المرة وفضها و(أحمد) يقول:

- دي نسخة أخذتها من بحث عن مخطوط، البحث ده وصل لراضي و(حسام) النهارده من ساعتين.

جرت عين (سلیمان) على أوراق البحث بتناقل وملل حتى وقعت عيناه على بعض العبارات التي تبين أن البحث عن

مخطوط (فوجول المستكين)، رن الاسم في عقله وتذكر ما قرأه عن مشروع إيزيس ومشاركة والده والمخطوط الذي اختفى هو والبحث الذي حوله، تذكر مطالعته تقريراً أمنياً يتهم والده بسرقة هذه الأشياء من المشروع، اعتدل في مقعده وهو ينظر لأحمد بعين ذاهلة قائلاً:

- انتوا جبتو الحاجات دي منين؟

- من دكتور (جابر) من غير ما يعرف طبعاً.. وما تأسليش جبناها إزاي.

قالها (أحمد) بتردد فعاد (سلیمان) لقراءة الأوراق بنهم وعقله يقوم بربط الأحداث وهو يطالع اسم (حسام)، متذكرة يوم شاهده بعام 2005 وحاول أن يتعارك معاه لكنه صعق كهربياً وكيف فهم أنه شخص آخر غير (حسام) الحالي.

لم يشاً (أحمد) أن يتحدث و(سلیمان) يقرأ واكتفى بشرب الشاي الذي أحضره القهوجي وهو يسرح في مدخل المقهى، ارتعش كوب الشاي بيده وهو يرى (جابر عبد السيد) يدخل من باب المقهى مبتسمًا وخلفه بضعة رجال يرتدون ملابس متباعدة لكنهم يسيرون بثقة وزهو يذكره برجال الأمن، تجذب (أحمد) بموضعه و(جابر) يبتسم له وهو يرفع يده اليمنى ويضع إصبعه على شفتيه في إشارة له حتى لا ينطق.

خطا (جابر) بتناقل حتى وصل إلى منضدتهم وسحب مقعده ليجلس عليه بجانب (سليمان) الذي أجهل ورفع عينيه من على الأوراق لتصطدم بابتسامة والده الذي سحب منه الأوراق ببساطة وأخرج من جيب بذلته علبة أنيقة فتحها وسحب منها نظارته الطبية ليرتديها وهو يطالع الأوراق.

حاول القهوجي التحدث مع الرجال المرافقين لجابر الواقفين بجانبه لكن أحدهم أخرج بطاقة هوية من جيده وأراها للقهوجي المسكين الذي أصابه الذعر وجرى لصاحب القهوة ليخبره بشيء ما بعدما قال له أحد الرجال أن يذهب لممارسة عمله.

على وجه (جابر) ارتسمت ملامح الصدمة وهو يقلب في الأوراق، أغلقها وخلع نظارته وهو ينادي بصوت عالٍ على القهوجي الذي جاء جرياً يتفضل في وقته.

- لو سمحت هاتلي شاي سكر بره يا ابني.

هز القهوجي رأسه بأدب وحنون وجرى وهو يقول ويردد لنفسه بصوت مسموع أكثر من مرة (شاي سكر بره.. شاي سكر بره) كأنه يختشى نسيان الطلب، نظر (جابر) لسليمان وهو يقول ببساطة:

- إنت سايني ألعب مع عيالك بلاي ستيشن وقاعد هنا على القهوة؟

تمالك (سليمان) نفسه سريعاً وقال:
- أنا مش هبرلك حاجة.
- هو أنا طلبت تبرير.. قولي هتغدى النهارده مع بعض كلنا
ولا هاتأخر؟

تنحنح (سليمان) وابتلع ريقه ليصفى صوته ونظر في عين والده قائلاً بصوت أخش:
- (حسام) اسمه في المخطوط، إيه حكايته؟

جاء القهوجي بالشاي ووضعه على المنضدة أمامهم ورحل جريأاً فتناول (جاير) كوب الشاي يتأمله وهو يقول:
- عايزين وإحنا مروحين نعدي على (أبو آية) الفرارجي اللي في أول حلوان، أنا وصيتي على شوية بط وحمام، فكرني ناخدهم منه، أصل مش كل حاجة هانسيها على (نهرة)، البت اتروشت من ساعة ما مراتك وعيالك بقوا قاعدين عندي.. بمناسبة (نهرة).

ارتشف من كوب الشاي جرعة قليلة ونظر لأحمد مبتسمًا وهو يقول:

- (نهرة) هي اللي اديتك الورق صح؟
- ما أعرفش، أنا شفته مع أصحابي وأخذت نسخة.
- ليه؟

لم يجِبْ (أَحْمَد) عَنِ السُّؤَالِ بَلْ نَظَرَ لِسْلِيَانَ يَطْلُبُ نِجَادَتِهِ
بِعِينِيهِ فَقَالَ هَذَا الْآخِيرُ:

- بلاش جو الاستجواب ده يا بابا.

- وبلاش جو المخابرات اللي انتوا عاملينه، هستفاد إيه لما
تعرف معلومات مش هتعمل بيها حاجة.. يعني هتروح مثلاً
البيت وتدخله؟

- حضرتك مش عايز تفسري أي حاجة، ليه (جعفر)
و(صفاء) نسخة منك إنت وما ماما في شبابكم؟ ليه فيه اتنين...
قاطعه (جابر) بصوت هادئ:

- هافسر لك كل حاجة الليلة، بعد ما الشباب يدخلوا البيت.
نظر بعد عبارته لأحمد وقال:

- على فكرة يا (أَحْمَد) صاحبك (راضي) جالي البيت من ساعة
وسألني إمتى هتدخلوا تصورو واتاني في بيت (أبو خطوة) فقلتلهم
الليلة، وهو عندي في البيت دلو قت و(عمرو) المصور بعت جبته
من بيته وزمانه عندي هو كمان، ناقص إنت و(حسام).. لو إنت
مش عايز تدخل معاهم الليلة براحتك.

حانت من (أَحْمَد) نظرة للرجال الواقفين خلف (جابر)
فضحِكَ هَذَا الْآخِيرُ وقال:

- إوعى تكون فاكر إن الولاد دول جايين ياخذوك بالعافية،

إحنا مش في فيلم عربي، دول أصحاب ومعارف (سليمان)
وجايين يحاولوا يهدوه لو اتعصب.

انفجر (سليمان) فجأة وهو ينهض ويصرخ:

- كفاية بقى، بيت إيه اللي إنت مهوس بييه وعمال تؤمر
الناس يعملوا إيه ومايعلموش إيه.

أمسك (جابر) بيده (سليمان) ليجبره على الجلوس ثانية لكن
هذا الأخير أفلت يده بغضب وأشار بها للرجال الواقفين خلف
(جابر) وهو يقول:

- وجاييلي ناس من الإدارة علشان يخوفوني.. تحب
أحبسهو ملك كلهم دلوقت بتليفون.

قال أحد الرجال بأدب وهو يشير بيديه:

- اهدى يا (سليمان) بييه.. عيب كده دا إحنا خدمنا مع بعض
قبل كده.

آخر (سليمان) هاتقه المحمول وهو يقول بغضب محدثًا نفسه:

- محدش هايدخل أم البيت ده تاني إلا لما أفهم.. أنا هاوريكم.

نظر (جابر) خلفه وصاح بأحد الرجال:

- خد منه التليفون.

تردد الرجل وهو ينظر حوله لزبائن القهوة الذين صمتوا
فجأة خائفين مما يحدث أمامهم.

- يا (سليمان) بيه بلاش تكبر الحكاية وتعالى نتفاهم بره
القهوة.

قالها الرجل لسليمان الذي وضع الهاتف المحمول على أذنه
وهو يتحدث مع الطرف الآخر:

- لو سمحت سجل العنوان اللي هقوله ده وابعتلي أقرب
دورية ليه، فيه ظباط بيتدخلوا في عملية ضبط خاصة بالإنتربول
.. وبيههدوا..

صرخ (جابر) في الرجال:

- قلت خدوا التليفون منه.

انقض اثنان منهم على (سليمان) وسحبا منه الهاتف المحمول
وهو يتعارك معهم فنهض (جابر) واقفا أمام (سليمان) صانعاً
بجسده حاجزاً بينه وبين الرجال كي يتنهي العراق، خفض
(سليمان) يده و(جابر) يربت على كتفه بحنان وهو يقول:

- آسف يا ابني .. حرقك علياً، اخرج معاهم دلوقت وهفهم
كل حاجة الليلة.

لم يهدأ (سليمان) لكنه قرر الخروج من المقهى والرجال
يلحقونه بينما جلس (جابر) وعادت ابتسامته وهو ينظر إلى
(أحمد) ويقول:

- (سليمان) هايخرج دلوقت وهايطلب من المراقبة اللي على
(حسام) اللي هو حاططها إنها تعرفه مكانه، علشان يروح يجذرها.

ثم صمت والتقط كوب الشاي ثانية وأكمل:
- لكن هايحدره من إيه؟ هو مش فاهم حاجة، ولا إنت فاهم.

تشجع (أحمد) وقال:

- أنا فاهم إنك حاجز أصحابي عندك.

نظر (جابر) لساعة يده وأخرج علبة سجائره وهو يقول:

- لا.. أنا بيهمني (حسام) هو اللي يدخل، إنتوا مش مهمين
أوي، لكنه مش هاييجي إلا بيكم.. على فكرة طعم الشاي
ده وحش أوي، ها ما قولتليش هاتيجي عندي البيت علشان
نتحرك على وجهتنا والا لأ؟

- لا

نهض (جابر) وأخرج بضعة أوراق مالية من جيبه وضعها
على المنضدة وهو يقول:

- براحتك.. بس بلغ (حسام) يجيئنا عند بيت (أبو خطوة)
الليلة علشان ندخل هناك.

رن جرس هاتف (جابر) المحمول فأخرجه في نفس اللحظة
التي قال فيها (أحمد) فجأة:

- أنا هاجي معاك وأدخل.

ابتسם (جابر) وهو يخرج نظارته الطبية ويرتدية وهو يقول
مطالعاً موبايله:

- إيه خُفت على أصحابك؟

رَدَّ على الهاتف المحمول وتلقى المكالمة والجدية تترسم على وجهه بسرعة وهو يقول:

- واقف بيعمل إيه؟.. إمممم طب او صفي لابس إيه؟
إمممم بقاله قد إيه؟ ساعة؟ طب ومحدثش بلغني ليه في
التليفون؟

أنهى المكالمة ونظر لأحمد قائلاً:

- الظاهر إننا مش مش محتاجين (حسام) يجيئنا.. إحنا اللي
هنروحله.. لو قررت خلاص تعالي معايا.

سار بعدها ناحية باب المقهي وأحمد ينهض وراءه كالمنوم
مغناطيسياً.

قلت حركة السيارات قليلاً على الطريق السريع الذي يطل
عليه منزل (أبو خطوة)، الليل أسدل أستاره على المتزل وأغرقه
في الظلمة برغم أضواء السيارات المارة من أمامه.

وقفت أنا أمام منزل (أبو خطوة) أدقق في كل حجر فيه بلا
معنى، لا أعرف كم مر عليّ وأنا هنا، فقد خرجت من قرية
(أبو النور) مشيّاً على الأقدام وسررت بمحاذاة الطريق السريع
ناحية (باسوس)، هذا الطريق مشيّاً على الأقدام يأخذ أكثر من

ساعة ونصف في تقديرني، لكنني توقفت عند كافيريا جلست بها لثلاث ساعات أحاول ربط خيوط القصة، أخبرني (راضي) هاتفياً أنه رأى آخر من أمام منزل (جابر) بحلوان وأنه تحدث معي لكنه أقرَّ أن هبتي متغيرة جداً، بعدها تلقيت اتصالاً آخر يخبرني بأنه يجلس بجانب دكتور (جابر) وأنهم سيدخلون الليلة المنزل ويجب أن أذهب لهم، فهمت من طريقته في الكلام أنه شبه محتجز.. هل سيدخلنا (جابر) عنوة لمنزل (أبو خطوة)؟؟ وعده بحضوره وأغلقت الهاتف وأكملت تفكيري.

هناك عبارة أعرفها ولا أتذكر سبب تكرُّرها بعملي، عبارة تتعلق بالكتابة الفصصية، تقول إن الأدب واقعي، والواقع خيالي، ما يحدث حولي يمتلك بالخيال واللامعقولية، أعرف أن الواقع يحتمل أغرب الأشياء مثل أن تقابل صديق طفولتك في المدرسة في الصين بالمصادفة.. احتمال حدوث تلك المقابلة في قصة أدبية غير وارد وغير منطقى بل وهزلي بل على الكاتب أن يخلق سبباً لحدوث تلك المصادفات، أما الواقع الذي نعيش فيه فيمتلك بالأحداث المستحيلة.. لكن المستحيلات زادت كثيراً فيها أراء الآن، حتى إنني أشعر بأنني داخل قصة يكتبها كاتب بائس يجلس أمام ومبين قديم بملابس النوم وبجانبه كوب شاي بارد يرتشف منه ويهرب في رأسه المنكوش وهو ينظر للسقف من وقت لآخر مدعياً العمق ويحاول أن يعقد الأحداث على أبطاله.

قصة مجنونة يختلط فيها الواقع بالخيال، فإن أردت التمييز بينهما.. عليك بتصديق ما يكذبه عقلك، فهل أصدق؟

مددت يدي أمس الباب المعدني البارد وأهزم فانفتح الباب معى، أعلم أنه مفتوح منذ جئت إلى هنا لكنني متعدد في الدخول، (عفر) طلب مني الهروب وصدق لأن (جابر) ينوي إجبارنا على الدخول، علي أن أصدق افتراض السفر عبر الأزمنة، برغم عدم اقتناعي بعقلاسته، ماذا لو سافرت للماضي وقتلت والدى قبل أن ينجيني؟ هل ساختفي أنا في المستقبل؟ إذا اختفيت في المستقبل كيف عدت أنا لأقتل والدى؟ إنها المفارقة غير المنطقية في السفر عبر الزمن، ربما لست عالمًا أنظر للمعادلات الرياضية وأهزر رأسي وأقول بثقة أن السفر عبر الزمن جنون لكنني أعتمد على المنطق والعقل الذي أمتلكه.

ولكن أين المنطق فيما يحدث؟؟ فتحت البوابة للمرة العاشرة ولكن هذه المرة خطوت لداخل المنزل.. لا أعلم من أين أتيت بتلك الثقة وأنا أخطو في الساحة الخارجية الصغيرة متوجهًا لباب المنزل.

أعتقد أنه نوع من المخدر يفرزه المخ يعطيك اطمئنان لحظي في إتخاذ القرارات بافتراض أن لا شيء يمكن أن تخسره، لو كان هذا المخدر موجودًا في الحقيقة ربما كان هو السبب في قرارات الحرب والقتل والانسحاب والمذابح وكلها قرارات تكتشف لم تكن أكثر من حمار عند اتخاذها.

هذا هو ما شعرت به وأنا أقف أمام البوابة الثانية للمنزل، إنني حمار بالغ.. حتى تخيلت أذني قد استطالت كالحمار وأنا أسمع صوتاً خارج بوابة المنزل الحديدية، صوت هدير موتور سيارات تتوقف أمام المنزل.. كالمجنوب دخلت المنزل لا يهمني أي صوت أسمعه الآن، دخلت الشقة الموجودة على اليسار والتي بدأت فيها كل الأحداث، بحثت بيدي على الجدران الأسمانية عن موضع زر الإضاءة وضغط عليه ليسطع ذلك المصباح المتدلي من السقف.

الرائحة الحانقة والدفء القوي كما هما منذ آخر زيارة، لا وجود للخوف بقلبي مما يزيد من فرضية الحمورية التي تتملكني، التجهت للغرفة التي حددها (فرغلي المستكاوي) في الرسالة العجيبة التي أرسلها لي ووافت في ظلامها.. ما الخطوة التي علي فعلها الآن؟؟

اختفى الحمار المسيطر على أفعالي وبدأ الخوف يدب بخطوات ثابتة لقلبي.. ماذا لو انتهى عمري فجأة الآن، لست مغامراً إلى هذه الدرجة التي تصور لي أن أموت في مغامرة ما، أنا أدخل المغامرة إن ضمنت حياتي، لكن...

أصوات سيارات أخرى تتوقف بجانب المنزل ورجال تتحدث بصوت عال.. ألم برأسي تزامن مع بخار فجأة صعد من الأرض، للدقة ليس بخاراً بل هو حالة بيضاء تتحرك كالبخار،

أخذت تدور في الهواء أمامي، الهواء يتاين ويشحن بالكهرباء كما عرفني (راضي) من قبل.. هيئة رجل تتشكل أمامي في وسط الغرفة يرتدي ملابس سوداء، لكنه يستند على ركبتيه وكفيه ويبدو عليه الإعياء.. هو.. إنه (جعفر) وعلى وجهه تظهر حروق وتختفي بسرعة، ينظر لي لاهثاً ويقول:

- أنا متتأكد إنك هتلaci طريقة.. أنا واثق فيك.

فجأة سطعت أضواء متباينة وزادت كثافة البخار في الغرفة وتشكل شيئاً ما يشبه الرجل بجانب (جعفر)، رجل يحيطه الدخان ولا تظهر ملامحه بل يظهر ككتلة دخان يحمل بيده شيئاً ما، هذا الرجل التحتم حرفيًا بجسد (جعفر) كأنه دخله و(جعفر) يتالم ويصرخ واحتفى جسده ولا يبقى مما حدث إلا أبخرة دخانية، احتفى الألم من رأسه فجأة غير أنني قد تعودت عليه ولم أنتبه له وأناأشاهد ما شاهدت.. في نفس اللحظة شعرت بألم في قدمي اليمنى، نظرت لها فوجدت بقعة تشتعل بسريري، أطفئتتها وأنا أصرخ خوفاً وأحرك يدي على كامل جسدي حتى لا أفاجأ بنيران أخرى.. والحمد لله لم أجد لكن أتفى التققطت رائحة شياط شيء يحترق عرفت بعدها أن شعر جسدي احتفى في بعض المناطق.

أصوات الرجال خارج المنزل دخلت في نفس اللحظة، على الأرجح صوت صرافي جذبهم، من موقعي في الغرفة رأيت

(جابر) يدخل لصالحة الشقة يتبعه (جعفر) وفتاة أدركت بعد لحظة واحدة أنها (صفاء)، كان يحمل بيده مجموعة أوراق وهو يخاطب أشخاصاً في الخارج ويقول بصوت مرتفع كي يسمعوه:

- استنوني انتوا بره وأنا هاخلص معاهم وأرجعلكم.
أنهى عبارته وتوقف عن الحركة ينظر للغرفة التي أقف بها وعلى وجهه صدمة لم يخفها.

- (حسام) ؟؟؟ إنت... إنت (حسام) مش كده؟

تكلمت ولكن خرج صوتي متحشرجاً:

- أنا سبقتكم على هنا.. إيه اللي جاب (جعفر) و(صفاء)؟
خطانا حيتي حتى دخل الغرفة وهو يجول بيصره يتفحصني من الأعلى للأسفل وهو يقول:

- هافهمك كل حاجة بعد ما أخلص كلام مع (جعفر)..
تقدر تستناني بره مع أصحابك؟

أصدقائي بالخارج؟ هل كانت أصواتهم هي التي تصل لي عالية؟ لكنني لم أميز أي صوت منهم !!!، خرجت من الغرفة فسمعت صوت (جابر) يقول بشك:

- حصلك حاجة هنا قبل ما ندخل؟

نظرت لعينيه التي ذكرتني بعيون الثعالب وقلت بنفس الصوت المتحشرج:

التفت إلى (جعفر) الذي نظر لي نظرة عتاب لأنني لم أستمع لكلماته، أما (صفاء) فقد نظرت لي ببرعب يختلط بعدم فهم، خرجت بعدها من باب الشقة وصوت عبارة غير واضحة يقولها (جابر) لأحد هم سمعت منها كلمات (شهادات ميلاد) (ورق تعليبات) وأشياء أخرى كأنه (جابر) يحذرها أو يؤكّد عليهما شيئاً ما.

نزلت درجات السلم لأخرج من باب المنزل لأجد أكثر من عشرة رجال يقفون في ساحة المنزل لم أعرف أيّاً منهم في البداية لكنهم يتسمون إلى شيء ما عائلة أو صداقة مشتركة، حتى لمحت أحدهم ينظر لوجهي بتفسّر، عرفته بصعوبة وسط الظلام، (سميع) قريب (جعفر) الذي قابلته من قبل من متزحلهم بقرية (أبو النور).. بجانب الرجال يقف (راضي) و(عمرو) المصور و(أحمد عصفور) وشخص آخر بلحية خفيفة ونظارة طبية، يقفون وعلى وجوههم ترسم نفس النظرة التي هي أقرب للخنوع أو التسليم بالأمر الواقع، وبجانبهم على الأرض بعض حقائب كبيرة على إحداها علامة شركة لتصنيع الكاميرات السينمائية.

انضممت لهم وإن شعرت أنهم يقفون تحت إمرة بقية الرجال بقيادة (سميع)، قلت بصوت منخفض:
- إيه الشنط اللي جنبينا دي؟

ردَّ (راضي) باستخفاف:

- أكيد مش هدومنا، إحنا مش طالعين جمصة أسبوع، دي
معدات تصوير (جابر) بيء إدهالنا علشان نستخدمها في البيت.
نظرت للشخص الذي لا أعرفه فرفع (راضي) إصبعه باتجاهه
وهو يقول:

- أستاذ (عمر أبو خطوة).. من اسمه حاسس إنه ليه صلة
قرابة بصاحب البيت.
- لا يا راجل.

قلتها وأنا أوجه جسدي ناحية (عمر) الذي مدَّ يده لي
مصالحة ببرود وبنوع من التردد لم أفهمه وخاصة أنه تفرس في
 وجهي كثيراً كأنه يبحث عن شيء فيه.

- أهلاً يا أستاذ (حسام).

- حضرتك تعرفني؟

- المحكالي عنك من (جابر) بيء.

- حضرتك تعرف إيه اللي هايحصل دلوقت؟

- أنا أعرف اللي مطلوب مني أعمله ومتش هاقوله إلا في
وقته.

قال (أحمد):

- ماتفكرةش تهرب يا (حسام) علشان الناس دي ها...

فاطعته بنفس الصوت الخافت:

- مخدش هايرب.

اقرب هو من أذني وقال:

- بعد ما ندخل البيت ويسينا لوحدي أنا حضر خطة نخرج
بها.

ابتسمت فهو لم يفهم بعد أبعاد ما يحيط بنا.

- أنا إيه اللي جابني معكم بس ما أنا كنت مرتاح ومتكيف.
قالها (عمرو) المصور وهو يدب بقدمه على الأرض كالأطفال
فأمستكته من ذراعه ضاغطاً عليه وأنا أقول:

- اثبت يا ابني مش هايغيندا أي كلام دلوقت.

نظر هو لراضي بغضب وقال:

- كله من أبو شنب ده، دا حتى شنبه حلقة وبقى..
- إوعى تقولها يا (عمرو) وإلا وحياة شنبي مش هايتحقق فيه
صحوبية بيتنا.

قالها (راضي) رافعاً إصبعه ناحية (عمرو) الذي رد وهو يلوح
بيده مستهزئاً:

- هو إحنا أصحاب أصلاء!

- إيه الإحراج ده.

نطق (راضي) العبارة في لحظة خروج (جابر) من المنزل وهو يشير لنا بيده لتبصره، رفع أصدقائي الحقائب بطريقة ميكانيكية وساروا ليدخلوا من باب المنزل و(جابر) يسبقنا لداخل الشقة وأنا أهرول خلفهم بعد أن أمعنت النظر في الرجال الواقفين بلا تعبير على وجوههم.

داخل الشقة وضعوا الحقائب وأنا أبحث عن (جعفر) و(صفاء) بعيوني بلا جدوى، تنحنح (جابر) وهو يقف بمتصف صالة الشقة وتأمل وجوهنا بلا حديث كأنه قائد حربي يستعد لخطبة حماسية وسط جنوده.. قال بصوت قوي النبرات هادئ:

- مين عايز يسأل أسئلة فيكم؟

- يا سلام!

قالها (راضي) فنظر له (جابر) نظرة حادة لكن (راضي) لم يتوقف وقال بسخرية:

- حضرتك لا مؤاخذة خطفتنا علشان نخش البيت النحس
ده و...

قاطعه (جابر):

- اللي يحب فيكم يمشي يتفضل.. ما عدا (حسام).
لم ينظر لي وهو يقول ما قاله لكنني مارست نوعاً من التحدي على أمل استفزازه، وهو أن أصمت وأنظر بعيداً في حين كان

يجب علىَّ أن أسأل، بعد صمت قليل نظري (جابر) مندهشاً وهو يقول:

- إنت تعرف إيه عن اللي هتشوفه؟

- أعرف إن عندي فضول.

تراجع (عمرو) المصور بعض خطوات كأنه ينوي الخروج من الباب فنظر له (جابر) قائلاً:

- افضل امشي لو عايز.

توقف (عمرو) كأنه شعر بالخرج من تراجعه على الرغم من عدم لومي له، الغريب أنه تقدم خطوات للأمام ليعود لنفس موضعه الأصلي.

- إيه المطلوب مننا دلوقت؟

قالها (أحمد) فرد (جابر):

- تحافظوا على المعدات اللي معاكم زي عنيكم.

- وهنعمل بيها إيه؟

- (عمر أبو خطوة) هايقولكم وهو اللي هيتصرف.

- مش دي معدات تصوير؟ إنت عايزنا نصور حلقة ولا عايز إيه؟

إضاءة بيضاء تظهر من الغرفة المجاورة وألم الرأس قد عاد ولكن بشدة أكثر وكلنا نمسك برأسنا وننظر باتجاه الضوء

الأبيض المحاط الذي ظهر فيه لون أزرق وأبخرة يتجسد وسطها
رجل بلا ملامح، نفس المشهد تقريراً الذي رأيناه آخر مرّة كنا
في هذا المنزل، صرخ (جابر) فينا بأن نتمسّك بالحقائب، بداعٍ
الخوف تمسّك (أحمد) و(راضي) و(عمرو) و(عمر) بالحقائب
كأنهم اعتقادوا بأنها ستتجهُم.. ضوء الضوء الأزرق داخل
الأبخرة البيضاء بشكل متقطع والأبخرة تخرج من الغرفة إلى
الصالّة وتخيّط بأحمد و(عمرو) و(عمر) ثم تنسحب للغرفة
وتختفي الأبخرة ويختفي معها أصدقائي بحقائبيهم التي
امسكت بها.

سقط (جابر) أرضاً على ركبتيه يلهث وهو ينظر ناحية الغرفة
التي عادت الأبخرة والضوء الأبيض والأزرق يظهر بها وهو
يعادر متوجهًا ناحيتي أنا و(راضي)، نظرت لجابر الذي بادلني
نظرة غريبة، نظرة أقرب للغضب أو الكره.

أحاطت بي الأبخرة ولم أعد أرى (راضي)، دفء أحاطني
تحول لنار حارقة بأعضائي.. أكاد أجزم أنني لمأشعر بهذا
الشعور من قبل، حاولت التنفس فقط لاكتشاف أن أنفاسي غير
موجودة، اختفى الدفء ووجدت جسدي خفيفاً كأن لا أرض
تحتني متعلقاً بالهواء، الألم برأسِي زاد لثانية ووصل لأعلى مراحله
حتى أحسست بروحِي تسحب مني بقوة لأسفل، كأني داخلاً
مصعد يهبط بي بجنون، فجأة اصطدمت بالأرض على وجهي

واختفت الأبخرة من حولي وزال الألم من رأسي مخلفاً القليل
منه.

أنا الآن في قاعة كبيرة مبنية بالحجر، ذات سقف مرتفع، بناء
فرعونى كأنه معبد أو مقبرة، وفي حوائط القاعة أجزاء تظهر من
كرات زجاجية تضيء المكان وجزء من كرة سوداء يبرز، رفعت
رأسي أنظر للسقف فنزلت حبات عرق على مقلة عيني أجبرتني
على غلقها، استندت على يدي لأنهض فشعرت أن العرق يغرق
ملابسني بشكل مبالغ فيه، سمعت صوت (راضي) بجانبي يقول:
ـ والله العظيم إحنا بنسافر في الزمن.. يا رب يأكلني قطر لو
كنت حمار.

نظرت ناحيته، كان نائماً على ظهره غارقاً في العرق والأتربة
تملاً شعره وهو ينظر لي ويمد يده لأمسك بها وأنهضه.

ـ دا مش سفر في الزمن يا (راضي)

نظرت أنا و(راضي) ناحية قائل العباره لأجده (جعفر)
بملابس سوداء وصورته تهتز لأن ذراته ترتعش كلها، يقف عند
جزء من القاعة وخلفه رسمة فرعونية لم أنتبه لها.. أنهض (راضي)
متزنحاً وهو يقول:

ـ ما تقولنا إنت إيه الحكاية وتخلصنا.

لم أتيقن من (جعفر) إن كان يبتسم أم لا بسبب اهتزاز صورته
الذي توقف وهو يقول:

- حتى إنت يا (راضي) صعب تفهمني .
ردّ (راضي) بياس :
- يابا الحاج جرب بس ومش هتندم .
وزع (جعفر) نظراته علينا وهو يقول :
- احنا واقفين في حاجة زي المفاعل النووي ، بناها المصريين
من 11 ألف سنة .
- جلس (راضي) على ركبتيه إرهاقاً وهو يهز رأسه ويقول
بياس :
- آه .. فيلم خيال علمي يعني .. طب طالما هي هبصة بقى
بتقول إننا ماسافرناش في الزمن ليه ؟
- علشان اللي حصل دلوقت اني جبتكم من بيت (أبوخطوة)
ونزلتكم تحته في المقبرة .
- يا عم ارسى علىرأي .. دي مقبرة ولا مفاعل نووي .
مقبرة واحد من التاسوع المقدس .
تاسوعة ولا عاشورة .
- قالها (راضي) بملامح حزينة لكن (جعفر) ابتسם بشكل
واضح وهو يقول :
- من حفكم تسللوا قبل ما تروحوا المكان اللي سبقكم ليه
 أصحابكم .

- إحنا نعرف بعض من زمان؟

قلتها متحملاً العرق والألم الجسدي والمشاعر المختلطة التي
انتابتنى فرداً:

- في زمن تاني وأرض تانية اتربيت أنا وإنانت و(فرغلي
المستكاوي) في (باسوس)، إنت كنت عايش فيها على فكرة،
كلنا كنا أصحاب، وكل واحد عرفني زمان كانت بتتجيله أفكار
وخيالات عنى أو عن حياته الحقيقة.

لاحظت أن (راضي) انتبه لكلماته فعلًا حتى أنه قال وهو
يعاود النهوض:

- إنت بتتكلّم عن عالم موازي ولا إيه؟

- سيبك من التسميات، هتستفاد إيه لما تدور على اسم
مجعلص.

- إنت بتتحرّك في الزمن؟

قلتها وأنا أزبّع العرق من على وجهي فنظر (جعفر) حوله
وقال:

- المشكلة إني أقدر أتحرّك في الزمن لكن مش قادر أغير فيه،
ولما عملت تغيير كبير الزمن صنعت زمان جديد، اللي هو زمانكم.

- خط زمني!! دا كلام فاضي يعني إحنا مش حقيقيين؟
قالها (راضي) وهو يلوح بيده اليمنى معتبرًا:

- إننوا حقيقين مؤقتاً ومهمنتي إني أحافظ عليكم وأثبت
أحداث الزمن بتاعكم.

لم أفهم بعض كلماته لكن (راضي) من تعبيرات وجهه يبدو لي
أنه فهم المقصود مع عدم تصديقه له، لم أفكر كثيراً لأن (جعفر)
قال:

- مش زمانكم لوحده اللي بحاول أخلية حقيقي، في زيك
تاني.

- وسيادتك بتتحرك فيها عادي كده قشطة؟
قالها (راضي) فابتسم (جعفر) ثانية وهو يقول:

- علشان زمانكم يستقر لازم يتعدل من نقط أبعد، ولأنني ما
أقدرش أبعد عن البيت ده أكثر من ساعة أو اتنين بزمانكم فمش
هاعمل أي تغيير، التغيير هايصنعه (فرغلي) صاحبنا يا (حسام)
في الوقت اللي ظهرت فيها عيلة (السلاموني) في قرية (أبو النور)،
مهمة (فرغلي) إنه يقتل اللي هيأسس العيلة دي.. لكن مهمته
فشلت وما عملتش تغيير حقيقي ولو سه زمانكم بينهار، (جابر)
قال إنه بعث رسالة ليك علشان عايزك هناك.

- وأنا إيه المطلوب مني؟

نظر لي (جعفر) فترة أطول وكأنه يفكر بقول شيء، لكنه
تراجع عما أراد وهو يقول ضاغطاً على كلماته:

- إنك تصلح الأخطاء وثبت الزمن بنتائجكم، بأي طريقة.
عبارته تحمل شيئاً ما لم أفهمه، دخل ممراً كبيراً وخرج حاملاً
قماشة سوداء اللون فقال (راضي) بتلقائية:

- إيه الملاية اللف دي؟

اختفى (جعفر) من موضعه وظهر أمامنا فتراجعنا أنا
مصدوماً وهو يقول:

- دي يا (راضي) بلغتك مشحونة بحاجة زي الكهرباء،
هاتخميكم لما تتحرك في الزمن.

- حلاوتك.

قالها (راضي) وجعفر يفرد تلك العباءة الكبيرة ويلف بها
نفسه وهو ينظر لي ويقول:

- طريقتك في التغيير مش هتعجبني، لكن أنا موافق يا
(حسام).. افتكر كلامي.

ألقى العباءة علينا نحن الاثنين فصرخنا ألمًا من اللهب الناري
الذي غطاناً وهذا هو أقل وصف يمكن وصف تلك اللحظة به،
لأن أشعر بشيء بعدها لأنني فقدت الوعي.

نهض (جابر) من على الأرض ينفض الغبار عن بدله ويفرك
عينيه بيده وهو ينظر حوله لصالحة الشقة بمنزل (أبو خطوة)،

اختفى فريق التصوير ومعهم (حسام)، خطا وهو يتالم من تشنجات بسيطة بظهره وهو يتوجه لباب الخروج لكنه توقف مفكراً، بدل طريقه ودخل إلى الغرفة المجاورة التي يظهر منها (جعفر) دائماً، صرخ قائلاً:

- (جعفر).

مررت دقيقة تخرج (جابر) من أن ينادي عليه ثانية، لكنه استجع شجاعته وقال بصوت أكثر انخفاضاً.

- مش هامشي إلا لما أشوفك.

مع نهاية جملته ارتفع عمود دخان أبيض اللون وظهر (جعفر) بملابسه السوداء ناظراً إلى (جابر) المتردد وهو يقول:

- مش مطلوب تدخل البيت إلا في المواعيد المطلوبة منك.

مسح (جابر) على رأسه ونظر له قائلاً:

- أنا دماغي فيها أفكار مخوفاني.

لم يرد (جعفر) الذي اهتزت صورته لثانية وتوقفت، فأكمل (جابر):

- إنت وصلت (جعفر) و(صفاء) للخمسينات؟

- إنت عارف إجابة السؤال.

- تفتكـرـ المـرةـ دـيـ هـايـقـدـرـ (جـعـفـرـ)ـ لـماـ يـتـحـولـ لـشـخـصـيـتـيـ ماـ يـغـلـطـشـ غـلـطـاتـيـ؟ـ

- أسل نفسك لما (جابر) اللي قبليك جالك وعلمك تكون
زيه لما توصل للماضي قدرت تغير؟

قالها (عفرو) بوجه كالحجر، بلال (جابر) شفتيه بسانه وقال
وعينيه تتحرك في كل مكان بلا هدى:

- أنا حاولت أعمل كل حاجة، إنت عملت زمن جديد لكنه
بيقفل نفسه علينا، حتى لما درست ميكانيكا الكم ما وصلتش إلا
لمشاكل، إنت عملت عالم جديد كلنا عايشين فيه، ولو نجحنا إننا
نخلية هو العالم الأساسي فده معناه إن العالم الحقيقي هاينهار..
أنا بقىت أشك إننا مجرد حلم أو كابوس فعقلك.. عمرك فكرت
في حاجة زي كده؟

- (جابر)، العالم اللي إنت فيه إدراكك هو اللي صانعه.

- تقصد إدراكك إنت يا (عفرو).. إنت اللي في العالم الحقيقي،
وإدراكك هو اللي صنع العالم بتاعنا.

- إنت مش حلم ولا حياتك كابوس.. مش إنت استمتعت
بيه؟

صمت (جابر) ناظرًا للرماد التي تغطي الغرفة، رد بعد ثوانٍ:

- هايحصل إيه لو قدرنا نجبر الزمن إنه يأخذ الوقت اللي
أنا عايش فيه ده ويخليه الوقت الحقيقي؟ زمنك الحقيقي.. اللي
بدأت فيه كل حاجة هاينهار؟

- مش هايقى منه غيري، ومحدش هايتفكر حاجة إلا أنا، كل اللي حواليك هايعيشوا بشكل طبيعي.
- ولو فشلت؟

- هارجع بالزمن في وقتي الحقيقي وأغير من جديد وأعمل عالم جديد وأحاول معاه تاني.

- لحد إمتنى؟

- إنت عايز (صفاء) تكون ميتة؟

ابتسم (جابر) وقال:

- (صفاء) ماتت فعلاً في زملك الحقيقي، إحنا مجرد أخطاء في زمانا بنحاول..

قاطعه (جعفر) قائلاً:

- إيه السر اللي إنت شايله وعايز تقوله.. سر يخص (حسام).
اتسعت عينا (جابر) ورفع رأسه بيطء ينظر لجعفر.

- (حسام) عايز يبني غرفة زي... .

قاطعه (جعفر) بصوت قوي:

- مش عايز أعرف.. إنت بتشق في (حسام) وأنا واثق فيه.
- (حسام) كان بيزورني من الماضي.
- أنا اللي وصلتهولك.

- بس إنت ماتعرفش هو عايز يعمل إيه.
- يمكن أكون متوقع، كل واحد يحاول بطريقته، سيبه يحاول زي ما إنت بتحاول.
- (حسام) عايز (عمر) يأخذ مكانك.
- تنهد (جعفر) وقال:
- مابقاش ينفع، سيبه يحاول.
- إنت بتتفكر في إيه؟
- بفكري إني مش إله.. ومش كل حاجة بتحكم فيها.. زي ما باديك فرصة تحاول تغير هو كمان معاه فرصة.
- بس أنا مش هاسيه يعمل اللي هو عايزه.. ولا إنت هاتسيه، الجشت اللي ظهرت قدام البيت السنين اللي فاتت أنا عارف هي بتاعة مين، وعارف إنك السبب فيها، يبقى بلاش تمثل قدامي دور الحكمة.
- وطالما إنت عارف دي جشت مين بتعهم لقدرهم ليه؟ لم يرد (جابر) و(جعفر) يلفه البخار الأبيض ولون أزرق ينبض حول (جابر) و(جعفر) يختفي.

الفصل التاسع

مع الباشا

1836

منزل أبو خطوة

- أصحى يا أسطى وخلصنا.

العبارة تأتيني لتوقظني من النوم، نبرة (راضي) وحوله أكثر من صوت يتكلم، فتحت عيني بتناقل، أين أنا؟ لحظة، هذا ليس منزل أبو خطوة بل هو ساحة فارغة والمباني تحيط به، ها هو (راضي) يقف ويتحدث مع (أحمد) و(عمرو) المصور، جميعهم تغطيهم الأتربة والغبار، لكنهم بصحة جيدة.

- مش عايزة شغل مجاني يا (راضي).. إحنا اخطفنا.
قالها (عمرو) بوجه محتنق وهو يقرب رأسه من رأس (راضي) الذي قال:

- أنا غلطان (حسام) هايفهمك لما يصحصح

- بلا (حسام) بلا زفت أنا خارج مروح

أمسك (راضي) بيد (عمرو) وهو يهدئه قائلاً:
- يا عم نهارك أبيض.. دا أنا بهزز معاك، كلنا هنخرج
دلوت مع بعض.

نهضت أنفاس الأترية عن جسدي ودوار يعتل برأسى، نظر
لي (راضي) قائلاً بدهشة:
- إنت مش هترجع؟

هززت رأسى غير مدرك لما يقول فأكمل:
- دا احنا كلنا لما فوقنا رجعنا.

لم أشعر بما يتكلم عنه، أعدت النظر حولي، لاستكشف
الموضع الذي تقف عليه أقدامنا، لمحت الحقائب ملقة في
أماكن مختلفة في تلك الساحة، طراز البناء يشبه منزل (جابر)
أو إن أردت الدقة فهو يشبه منازل القاهرة الفاطمية التي بقيت
كمزارات أثرية غير أنه يظهر عليه قرب وقت البناء.
- إحنا فين؟

قلتها ورأسي يدور في كل مكان فقال (راضي):
- إنت مش حاسس إن الجو سخن حواليينا؟ في الغالب
إحنا لسه في بيت (أبو خطوة) بس المباني متغيرة.
- شوف هايرجع يهتل.

قالها (عمرو) بغضب فاعتذر له (راضي)، بينما أنا نظرت إلى (عمر) الشخص الذي لا أعرفه والذي كان يجلس مفترشاً الأرض ينظر أمامه شارداً كأن ما يحدث لا يعنيه في شيء.

- إيه اللي هايحصل يا أستاذ (عمر).

نظر لي كأنه يراني لأول مرة.. عدل موضع نظارته الطبية على أنفه وفتح فمه ليتكلم لكنه أمسك رأسه من الألم كذا فعلنا كلنا، ظهر بخار أبيض ثانية وسطنا وغطى (أحمد) و(عمرو) الواقف بجانبه وهم يصرخان حتى اختفى البخار واحتفيما معه، تحفزنا في وقتنا لكننا لم نأخذ ردة فعل ونحن نتبادل النظارات و(عمر) يقف على قدميه بخوف، أتى صوت من خارج المكان الذي نقف فيه ووجدت رجلاً يخرج علينا من إحدى القاعات بلحية صغيرة يرتدي جلباباً أزرق عليه عباءة غريبة الشكل وعلى رأسه عمامة بيضاء كأنه أتى من إحدى المسلسلات التاريخية، نظر لنا بشك ثم نظر حوله وهو يصرخ:

- إيه اللي بيحصل في البيت؟

أغمض عينيه وأنصت لشيء لا نراه كأنه يستمع له ثم نظر لنا وعيناه تسعان وهو يقول:

- انتوا مش من وقتنا صح؟

لم يرد أحدنا فأشار بيده ناحية الباب الذي أتى منه وقال
صارخاً:

- اجروا وماتبصوش وراكم.

- فيه اتنين جم معانا واختفوا.

قالها (عمر أبو خطوة) فردد عليه الرجل صارخاً:

- اهربوا واستنوني برا بدل ما تحصلوهم.

جري (راضي) للخارج يتبعه (عمر) وأنا أسير وراءهما
لكني مازلت أنظر للرجل الذي قال مخاطباً نفسه:

- أنا هاوريك يا ابن الصرمة إزاي تلعب بخيثة (أبو
خطوة).

عاد البخار يتشكل أمام الرجل الذي صرخ قائلاً:

- لو مارجعتش مكانك هاجيلك بنفسك.. بعد إنت مش
قدي.

أكملت الجري حتى دخلت هذا الباب لأجد قاعة صغيرة
يطل بابها على الشارع.. لم أفكّر لأن (راضي) أكمل جريّاً وعبر
هذا الباب ففعلت مثله وأنا أتجه إلى الشارع و(عمر) بجانبي
حتى خرجنا من البوابة إلى الشارع.

بعض الأراضي الزراعية تحيط بنا ورجل يركب حصاناً

يسير مزهوًا في طريق ممهد بأحجار على الأرض، رجل يجر حماراً ترکب عليه امرأة.. الجميع يرتدون ملابس تشبه ملابس الرجل الذي قابلناه منذ ثوانٍ، لكن المارة في هذا الطريق ظلوا ينظرون لنا بدھشة يتأملون ملابسنا.. قال (راضي) مذهولاً:

- مش قولتكم إننا سافرنا في الز...
قطع جملته لأنه وقع مغشياً عليه.

2004

أمام منزل أبو خطوة

خرج (أحمد عصفور) من باب المنزل لكن وجهه قد تغصن من فعل التجاعيد التي ملأته، ملابسه ممزقة وشعره أبيض اللون يمتلي بالفراغات، كان عمره قد تجاوز التسعين ولم يستطع السير لكنه تحامل على نفسه ليسير بضع خطوات خارج المنزل، سمع صوتاً من خلفه فنظر لباب المنزل ليرى (عمرو) بعلامات الشيخوخة على وجهه يحاول أن يخطو خارج المنزل، لكنه فشل ووقع ميتاً.

أما (أحمد) فانحدرت من عينيه دمعة وهو يعاود السير خطوات للأمام لكنه فشل في التحمل ووقع على ركبتيه ثم

تحشرجت أنفاسه وهو يمسك بكتفه الأيسر ويغمض عينيه
مستسلماً للموت بعد أن مال جسده ناحية اليمين ليقع أرضاً.

لن يلومني أحد إن تركت (راضي) مغشياً عليه ولو لقليل
من الوقت كي أكمل تأملي فيها حولي وأنقبل أنني في عصر محمد
علي باشا، في البداية أشعر أن الملابس التي يرتديها المارة هزلية
بعض الشيء بسبب تعدد اللوانها كأنني أحضر مسرحية تاريخية
لفرقة جامعية، إن صبح ما أراه فالذى أراه تلفزيونياً ومسرحية
قريب الشكل من الواقع.

خارج المنزل وجدت عربة خشبية مزданة بالنقوش
والألوان ربطت بحصان مسروج بسرج مزخرف بشكل مبالغ
فيه، العربة لا تشبه (الكارنة) التي أراها في أفلام الأربعينيات
عندما يركبها الباشا ليمر على أرضه الزراعية قبل أن يخرج
السوط ويضرب الفلاحين، لكن بها قليل من تصميمها، إن
كان ما أراه هو خارج منزل (أبو خطوة) فلم يختلف كثيراً عما
سيكون مستقبلاً، (عمر) قرر أن يوقظ (راضي) الذي استفاق
سريعاً بعد بعض صفعات محترمة، خرج من باب المنزل الرجل
الذى كان يصرخ واتجه إلى العربة التي يجرها الحصان وهو
يتسللها ويقول بدون أن ينظر إلينا:

- إنتوا مصريين؟؟

- آه.

ألقى علينا نظرة أخيرة وقال وهو يمسك بلجام الحصان:
- اركبوا بسرعة.

ساعدنا (راضي) ليتسلق تلك العربية وانحشرنا داخلها والرجل يلسع الحصان فتسير العربية وأنا أنظر حولي أحاول تجميع أكبر قدر من الأشياء، بعد قليل من سير العربية ونحن الثلاثة نطل برأسنا منها كالكلاب التي تنظر من نافذة السيارة.. هب على عقلِي خاطر يتعلق بلهجة قائد العربية، لهجته مصرية عادية أفهمها بسهولة، هي نفس لهجتي لكنها أسرع قليلاً وتحمل ل肯ة بسيطة.. أعتقد أني تخيلت أن الناس في تلك الفترة تتحدث باللغة العربية الفصحى.

- أنا صاحب البيت اللي كنتوا جواه.. اسمى (عزام أبو خطوة).

نظرت أنا و(راضي) لعمر الذي اكتفى بالنظر لعزم، تشجعت وقلت:

- إنت عايش في البيت ده؟

- لا.. أنا ساكن قريب، بس الروحانية بلغتني إن فيه حاجة بتحصل في البيت

- الروحانية دي قرييتك؟

قالها (راضي) فرد (عمر) ببساطة وهو ينظر خارج العربية.

- الروحانية دي خدمة الجن بتاعتة.

ألقى (عزم) نظرة على (عمر) ثم نظر لنا سريعاً وقال مشمسزاً:

- إنتوا نايجين كده ليه في الكلام؟

- نايجين!

- بتتمرقعوا في الكلام.

طقطق (راضي) بفمه وهو يقول بغضب:

- لا لا يا أبو الكباتن، اضبط كلامك دا إحنا من شبرا.

- شبرا كلها رجاله، وكمان إنتوا لا مربين شنب ولا دقن،

مفيش غير الرجال المدع اللي معاكم ده هو اللي كدة.. انتوا ماليك والا متفرنجين والا خ....

قاطعه (راضي) بغضب:

- لا دا إنت زودتها أوي وشكلي ها عملها معاك.

سحب (عزم) لجام الحصان فوقت العربية فجأة وهو

يقول:

- والله أعلم إنت بتشتم.

شم مد يده أسفل مقعده وأخرج مسدسًا مزخرفًا أعتقد أن
هذا ما كانوا يسمونه بالغدارة، قال وهو يبحث عن شيء ما
أسفل مقعده:

- استنوفي حبة الله يكرمكم.

نظرنا له وهو يخرج كيسًا جلديًا صغيرًا، فتحه وأفرغ منه
بودرة رمادية اللون في أحد زخارف المسدس ثم حرك قطعة
زخرفية فيه إلى الوراء وهو يقول لنفسه:

- كده تمام..

ووجه المسدس ناحية (راضي) وقال:

- كنت بتقول إيه بقى يا ابن الوزة؟

رفع (راضي) يده مستسلماً

- لو البتاع ده بيضرب نار فأنا آسف، والله كبرت الموضوع
يا (عزم) باشا.

بدأ على (عزم) التفكير وهو ينظر لراضي ويقول:

- لو لا اني شفت ده بعيني مكتتش صدقـت اللي قالهولي.

- هو مين ده معاليك؟

أبعد (عزم) المسدس وأعاد القطعة الزخرفية للأمام

بموضعها الأصلي وهو يضرب الحصان فتتحرك العربية، وقال
بساطة:

- هاتعرفوا لما تشووفوه.

الصدق أكثر من اللازم فيها أعاصره، لأنني وجدت على
جانب الطريق في نفس اللحظة مبني مليء بالزخارف من
طابقين علقت عليه لافتة كتب عليها (كشري الخديو) بدون
حرف ياء، رغم غرابة ما أرى لكن لمأشعر بالصادفة إلا بعد
أن قرأت اللافتة على المبنى المجاور له.. (عصائر فرغلي).. إما
أن هناك شيئاً في السفر عبر الزمن وإما أن (فرغلي المستكاوي)
وضع بصمه في ذلك العصر بطريقة مجنونة.

باسوس 1836

على جانب الطريق الذي تجري فيه العربية ذات الحصان
ووجدت أول أشخاص يرتدون ملابس غير الجلباب، سروال
أسود منفوخ كسراؤيل صيادين السمك مدسوس في حذاء
جلدي برقبة طويلة، وصديري مليء بالزخارف الذهبية
وطربوش أحمر قصير، كانوا يقفون على جانب الطريق عددهم
عشرة أفراد يحملون بنادق بياسورة طويلة ويلوح أحدهم لنا

للتوقف.. لن أخمن كثيراً لأعرف أنهم من الشرطة أو الجيش.

- إيه ده؟ لجنة؟

قالها (راضي) فرد عليه (عَزَّام) وهو يوقف العربة بالقرب منهم:

- يعني إيه؟ دول نقطة درك (باسوس) علشان تصاريح تحميل العربات.

- أية يعني كمين، والله وحسوني.

اقرب أحدهم ونظر إلى (عَزَّام) وصافحه، ومن ثم قال بصوت أجنبي:

- كيف الأحوال يا معلم (عَزَّام)؟!

- على الله.. في نعيم وخير.

نظر الرجل إلى ملابسنا بريبة، ثم سأله:

- مين دول يا معلم؟ ماليكك؟

- دول ضيوف (فرغلي بك المستكاوي).

انتفاض الرجل في وقوته، وارتسم الرعب على وجهه، وبقية الرجال ينضمون إليه ليفهموا سرّ تبدل حاله أثناء حديثه معنا، أعتقد أنه لو ذكر له اسم (محمد علي باشا) نفسه لم يكن لينتفاض

بهذا الشكل، حاول الرجل تمالك نفسه وهو يسأل بأدب لا يليق بمظهره العسكري وشاربه وذقنه:

- اعتذاري يا معلم (عزّام).. لكن شكلهم يقول إنهم مش من البلد و..

- (فرغلي) بك مستنيهم، وإنك عارف إنه هايزعل لو ضيوفه زعلوا.

عند إعادة ذكر اسم (فرغلي بك). انتفض البقية، ولكن الرجل قال:

- لو هما من الفرنج فأنا مضطرك أشوف سركي القنصلية بتاعتكم.

- خلاص.. أبعث واحد من اللي معاك يرافقنا لفرغلي بك علشان يشوف التصريح بنفسه، أو ممكن تيجي إنت علشان تاخد قهوتك مع البك نفسه.

تراجع الرجل لا إراديا خطوة إلى الوراء، وهز رأسه موافقا بأدب جم، وهو يقول:

- ضيوف البك على راسي، افضل إنت يا معلم.. بس أنا مضطرك أعمل تقرير وأبعث عسكري مراسلة بيه لدار شرطة القناطر.

- اعمل شغلك زي ما تشو夫.
- قالها (عَزَّام) وابتسم لهم، وهو يضرب الحصان فتتحرّك العربة، بعد ابعادنا عنهم قال (عَزَّام):
- شكلكم هاتعملولنا مشاكل.
- قال (عمر):
- هو اسم (فرغلي المستكاوي) خوّفهم ليه؟
- اسمه (فرغلي) بك.. أنا عاذرك علشان متعروفوش، البك يبقى من مستشاري عزيز مصر.
- مال (راضي) على أذني، وقال برعبر:
- هو إحنا رجعنا لعصر النبي (يوسف) ولا إيه؟
- مين عزيز مصر ده؟
- قلتها فرد (عَزَّام) وهو يكاد يلطم:
- بتقولوا من شبرا وما تعرفوش عزيز مصر؟ خادم الحرمين..
- يا عم متلخبطناش إنت بتتكلّم عن ملك السعودية ولا عن مين؟
- نظر إلى نظرة سريعة، وهداً وهو يقول:
- (محمد علي باشا).. إنتوا حقيقي مش من عصرنا؟

- إحنا بعديكم بكتير.. بس إنت شكلك عارف كويـس لأنك أتعاملت مع اللي حصل معانا في البيت.

قلت العبارة وانتظرت منه الرد، لكنه صمت قليلاً؛ ثم قال:

- (فرغلي) بك حكالي من زمان حكاية عن إنه جه من مستقبلنا، وأنا ماكنتش قادر أصدقه، مستحيل حد غير عيلتي يكون تحت البيت، قالي إن فيه عيل اسمه (جعفر) موجود عند الخبيثة ويستخدمها علشان يكون زينا.. من أصحاب الخطوة، إنتوا فاهمين ولا أنا بكلم نفسي؟

تبادلنا النظر إلى بعضنا البعض، ثم قال (عمر):

- تعرف إيه اللي حصل للاتنين اللي كانوا معانا؟

- أخدتهم اللي عامل نفسه صاحب الخطوة، ابن الكلب شوفته بعيني وشافني، لكن أنا خوفته.

- خاف من الجن اللي حواليك؟

قالها (عمر) فرد (عزّام) وهو مشغول في توجيه الحصان إلى الدخول وسط الأراضي الزراعية:

- لا، أنا هددته إني ممكن أجبله، مش هاعمل كده طبعاً لكن لو كلام (فرغلي) بك صح، يبقى هو في المستقبل، وأنا في الماضي، ولو أنا نزلت تحت البيت للخبيثة وبعدتها عن البيت مش ه تكون في مستقبله.

أبهرتني كلماته، لا أعرف لم اعتبرته غبياً، أو للحقيقة اعتبرت كلّ من جاء في هذا العصر أغبياء، لمجرد أنهم متأخرن عنـا في الوقت، هبت رواحـع عطرية من المساحات الزراعية الشاسعة حولـنا، وال فلاـحـون يـنظـرون إـلـيـنـا بـدهـشـة كـبـقـيـة النـاسـ، حتى ظـهـرـ فيـ الأـفـقـ بنـاءـ ضـخـمـ بـثـلـاثـ قـبـابـ عـالـيـةـ يـطـلـ علىـ النـيلـ، أـضـخـمـ مـنـزـلـ عـلـىـ الطـراـزـ الـإـسـلـامـيـ رـأـيـتـهـ حـتـىـ الـآنـ، أـضـخـمـ حـتـىـ مـنـزـلـ (جاـبـرـ) الـذـيـ اـنـبـهـرـتـ بـهـ مـسـبـقاـ، أـمـامـ المـنـزـلـ رـجـالـ يـرـتـدـونـ مـلـابـسـ كـمـلـابـسـ رـجـالـ الشـرـطةـ فـيـ هـذـاـ الـعـصـرـ، وـيـحـمـلـونـ الـبـنـادـقـ وـاقـفـينـ فـيـ وـضـعـ الـحرـاسـةـ، تـوـقـفـتـ عـرـبـتـناـ أـمـامـهـمـ فـحـيـاـ أـحـدـهـمـ (عـزـامـ) الـذـيـ قـالـ:

ـ بلـغـواـ الـبـكـ إـلـيـ طـالـبـهـ فـيـ عـجـلـ.

فتحـ أـحـدـهـمـ بـوـاـبـةـ خـشـيـةـ بـطـولـ عـشـرـةـ أـمـتـارـ، وـدـخـلـ مـنـهـاـ، اـخـتـفـىـ لـدـقـائـقـ ثـمـ عـادـ بـعـدـهاـ جـريـاـ وـهـوـ يـشـيرـ لـنـاـ بـالـدـخـولـ، وـهـوـ يـقـولـ:

ـ الـبـكـ مـنـتـظـرـكـ فـيـ قـاعـةـ الـاحـتـفالـاتـ فـيـ السـلـامـلـكـ، هـوـ مـعـاهـ (أـبـوـ حـودـةـ) دـلـوقـتـ.

هـمـسـ (رـاضـيـ) بـأـذـنـيـ:

ـ دـاـ الـدـيلـرـ بـتـاعـهـ وـالـإـيهـ؟

لا يكف (راضي) عن السخرية في أي موقف، لا أتصوره وهو يموت إلا وهو يلقي بالنكات قبل صعود روحه، ضربت قدمه بيدي ليتوقف والعربة تدخل إلى القصر.. سارت العربية وسط حدائق بحجم حديقة الأزهر في عصري، ونحن الثلاثة لا نتوقف عن النظر بجنون لكل هذا؛ حتى وصلنا إلى بوابة خشبية أصغر يقف عندها رجال آخرون بأسلحة، ومعهم شاب بجلباب وعباءة عليها، قام بتوجيهه (عَزَّام) ليوقف العربية في موضع مخصص لها، إذاً فهذا الشاب هو السايكس في عصرنا حتى توقعت أن يترك له (عَزَّام) بضع أوراق مالية في يده عند خروجه لاستلام العربية.

انفتحت البوابة ودخلنا منها إلى مبني فخيم يمتلى بالقاعات، و(عَزَّام) يسير عالماً وجهته، ونحن وراءه، حتى دخل قاعة تمتلئ بنوافير المياه، والقناديل المعلقة في السقف، مختلفة الألوان والمقاعد الكبيرة المليئة بأعمال خرط الخشب والأرابيسك، مقاس القاعة يساوي مساحة خمس شقق من شقة أحلامي، وفي أبعد نقطة في القاعة يجلس شاب يرتدي جلباماً، وإلى جانبه أربع فتيات يظهر شعر كل واحدة منها متباين اللون والمنظر كأنهن من بلدان مختلفة، يقفن بخنوع..

وأمامهن يجلس على أكبر مقعد في القاعة رجل في منتصف الأربعينيات بلحية منمقة تملئ بمواضع الشعر الأبيض وشارب ضخم تظهر فيه شعيرات بيضاء قليلة، ووجه عادي لكنه يحمل هيبة غريبة، جلبابه رمادي اللون، بسيط، بأكمام واسعة جداً، وعمامته زرقاء ملفوفة بعنایة، يحمل بيده عصا طويلة يضعها بفمه.. طبعاً مع اللحظة الثانية لتأملي تلك العصا المليئة بالنقوش علمت أنها أقرب للغليون؛ لكنه غليون طوله متر ونصف، ب نهايته فوهه بها التبغ المحترق الذي يسجّبه الرجل إلى صدره، وينتفث دخانه الكثيف في الهواء، وهو ينظر إلى الفتيات بخيّة أمل ويقول للشاب:

- إيه يا (أبو حودة) ده ولا واحدة فيهم بتتكلّم مصري.

عندما تكلّم الرجل عرفته من نبرة صوته المضحكة، (فرغلي المستكاوي)، طابت صورته التي أعلمها بمظاهره الآن، وشعرت أنه يشبهه بالفعل، وهو يقول لإحدى الفتيات:

- إنتي يا ماما.. قولي أحل مسا عليك.

هزت الفتاة كتفيها بعدم فهم.

- شايف مجايك يا (أبو حودة).

رد الشاب بسرعة:

- ما يتكلموا باللغة اللي عايزيتها يا (فرغلي) بك، مقامك
مش محتاجهم علشان خدمة بيتك.

- لا لا... إنت شغلك مبقاش نصيف.

توقف عن الكلام ونظر إلى عَزَّام وهو يشير إليه ليقترب،
سرنا كلنا نحوه وهو يتأمل فينا؛ حتى تحررت عيناه علىَ ثم
زاغ بصره في ملابسنا وعاد لينظر إلىَ مرة ثانية، نهض من المقعد
ملقىً بغلونه الغريب، وسار ناحيتي فابتسمت له وهو يصرخ:
- إنت (حسام) ولا أنا اصطبحت بدرى.

فتحت ذراعي فاحتضنني لثوانٍ، قبل أن يبعدي ويتأملني،
وهو يقول بشك:

- إنت هنا إزاى؟

- (عصر).

تراجع إلى الوراء وهو ينظر إلى عَزَّام الذي اندھش فعلاً
لحراقة ترحيبه بي.

- أنا جبتهم من بيتي وملقتش حد أوديهم عنده إلا هنا يا
صاحب المعالي.

قالها (عَزَّام) فأشار (فرغلي) إلى الشاب والفتيات ليخرجوا
وهو يقول مرتبكاً:

- خد البنات إنت وامشي وعدي عليا بعدين.
- يعني مفيش جارية بعينها دخلت مزاجك.
- يا (أبو حودة) أخلص وامشي بدل ما أخليهم يحبوا
الفلكة ويعلقوك فيها.

هز الشاب رأسه، وسحب الأربع فتيات وخرج من القاعة،
قلت أنا مبهورًا:

- أنا مش مصدق إن شكلك متغير كده، مستحيل كنت
أعرفك لو أستاذ (عزّام) محكاليش عنك.
- أنا مش أستاذ يا ولد.. هما ماليك يا بك؟
تسارعت أنفاس (فرغلي) وهو يرد:

- لا.. هما مش فاهمين كلامنا لسه، علشان جم من نفس
المكان اللي جيت منه، بص يا (عزّام).. إنت تمسي وتعدي عليا
بكرة علشان نتكلم، وإوعى حد يعرف بيهم.

هنا قال (راضي):

- محدش يعرف إيه دي مصر كلها شافتنا، الحاج (عزّام)
كان مركتنا عربية حنطور مكسوفة، وفيه كمين ناحية الدائرى
باين وقفنا و... .

قاطعه (فرغلي) متسائلًا:

- إنت مين؟ أنا شُفتوك قبل كده بس مش فاكر فين؟
- تقديم (راضي) إلى الأمام ومدّ يده وهو يقول بطريقة آلية:
- مهندس (راضي)، موظف سابقاً ومسافر عبر الزمن حالياً.
- نظر (فرغلي) إلى يده الممدودة للحظة، ثم ابتسם بقوّة، وهو يتتجاهلها ويختضنه قائلاً:
- افتكرنك.. أنا شُفتوك مع (حسام)، منور بيت أخوك يا (راضي).
- قال (راضي) مشيراً إلى عمر:
- أعرفك بعمر أبو خطوة.
- الغبي يكشف كروتاً لا نعلم مدى تأثيرها، كان تأثير هذا الاسم صاعقاً على (عَزَّام) الذي نظر إلى (عمر) برببة بينها (فرغلي) يقول:
- أقابللك بكرة يا معلم (عَزَّام)، هستناك.
- لم يحرك (عَزَّام) عينيه من على (عمر)، وهو يغادر القاعة بينما (فرغلي) يسألني:
- (جعفر) أجبرك تيجي؟
- لا.. إنت بعتلي رسالة!
- نعم يا أخويَا.. ودي بعثهالك إزاي؟

كدت أن أشرح له حكاية المخطوط الذي وقع في يدي، لكن
(عمر) تكلم بهدوء وبعبارات لم أكن أنا نفسي أعرفها.

- إنت كتبت رسالة لحسام بتطلب منه يجيئك هنا في الزمن
ده، وسيتها في مقبرتك.

أصدر (فرغلي) صوتاً من فمه يشبه صوت القبلة، وهو
يحرك يده اليمنى فوق رأسه ويقول:

- فالله ولا فالك يا أخي.. بس أنا لسه ماكتبهاش.
- هو إنت لسه مت؟

قالها (راضي) فظهر التفكير على ملامح (فرغلي)، بدأت
هيبيته تذهب قليلاً من نظري بعد أن تأكدت أنه يتميز بنفس
خصاله القديمة، لا أعلم لماذا يرهبه الجميع هنا؟.. عدل
(عمر) من وضع نظارته، وهو يكمل كلامه:

- فيه جماعة من ألمانيا لقوا الرسالة دي في مقبرتك، وبعد يومها
الاتحاد السوفيتي عمل مشروع كبير بسبب رسالتك، علشان
يدرسوا الآثار المصرية.

- خلاص إنتوا تريحوا دلوقت وتغيروا لبسكم علشان
مانتفضحش، ونتكلم بعدين.

- إلا يا أسطى إنت كنت قاعد بتقلب في شوية مزز من
شوية، إنت كنت بتشتري جواري؟

قالها (راضي) وهو يغمز بعينيه، تلفت (فرغلي) حوله كأن
أحدهم يراقبنا، وهمس لنا:

- ما أنا مش نافع أتجوز.

ردّ عليه (راضي) بصوت خافت:

- سلامتك.

- لا مش اللي في بالك، أصل ماينفعش أتجوز لأنّي ممكن
أخلف، ولو خلفت هاغير في الزمن أكثر وأضيف أحداث
وأشخاص هتأثر على أيامكم، وهنا اللي مش متجوز لازم
يكون عنده جارية وإلا هيفهموني غلط ويفتكرولي...

لم يكمل جملته وهو يهز رأسه لراضي الذي شهد وهز رأسه
متفهّماً، لكنه قال بسرعة، وهو يضحك:

- بس إنت تلاقيك مغرق نفسك في الجواري.

- عليا النعمة ما لمست ست من ساعة ما جيت يا أخي
(راضي)، دا أنا بعمل ده منظر علشان الكل يفتكري فلاقي وبتاع
ستات ومش عايزة أستقر، لكن أنا مش هاخاطر وأبهلكم

علشان مزاجي.. يا (راضي) دا أنا بقىت كبير في السن وبتعمل حاجات المراهقين.

قالها بتتأثر وعيناه تكادان تتكون بها الدموع، حتى إن (راضي) احتضنه وهو يربت بقوة على ظهره.. دخل القاعة شاب في العشرينات من عمره يرتدي جلباباً وعباءة ووقف على بابها كأنه يتظر شيئاً ما:

- أعرفكم يا شباب بدراعي اليمين (سنقر)، واحد من أخلص رجالتي.. وهو هايشرف على إقامتكم، وقدروا تطلبو منه اللي إنتوا عايزيته.

ونظر إليه، وقال:

- دول يا (سنقر) تعتبرهم أنا بالضبط، إخواني وأصحابي..

قاطعه (راضي) وهو يتشمّم الهواء:

- إنتوا طابخين حاجة؟

- طواجن عكاوي.. ليه؟

- أصلـي شامـم ريحـة مشـاوي.

كان في القاعة رائحة شيء عطري يحترق، ظهرت بقعة لب صغيرة في القاعة من جراء إلقاء فرغلي غليونه أرضاً عند استقبالنا لأنـه أصبح (فرغـليـ) بكـ، ولكـنه لمـ يتـتبـه إـلـى السـجـادـ

الثمين، ولم يتتبه لهيبته وهو يجري صارخاً في (سنقر) أن يتصرف
ويدعونا لنجري معه مغادرين القاعة.

1970

المستشفى العسكري

في الطابق الثالث كان (جابر) يتحرك ومعه صديقه المهندس
(حلمي فضل الله)، هناك حركة غير طبيعية في المستشفى
بالإضافة إلى أجواء حزن تختلط بالقلق تنتشر في المكان، وتظهر
على المرضين والأطباء لدرجة أن أحدhem لم يسأل (جابر)
(حلمي) عن وجهتهم إلا مرة واحدة، وهم يتجهان إلى
إحدى الغرف التي وقف أمامها جندي منكس الرأس ينظر
أرضاً، ويُسرح في اللا مكان، وقف الاثنين أمامه و(جابر)
يقول:

- افتح الباب يا دفعه.

انتبه له الجندي وهو يقول بألمه:

- حضرتك مين؟

- (جابر عبد السيد) رئاسة جمهورية.

لم يعرف الجندي ما يفعله فرفع يده بالتحية العسكرية،
وقامته تتتصبّ، وهو يقول:

- ماعنديش أوامر بدخول حد غير الدكاترة والممرضين.
- إنت بتضرب التحية لمدى؟؟ افتح الباب يا ابنى إنت مش
قد اللي بيحصل.

- يا أفندي ميرضكش بهدلتي.

قال (حلمي) بعصبية:

- إنت سامع هو بيقولك إيه؟ مين..

توقف (حلمي) عن إكمال عبارته، ورجل يأتي جريأاً من آخر الممر يرتدي الملابس العسكرية، وهو يقول:
- إيه اللي موقفكم هنا يا بهوات؟ الغرفة تحت حراسة
البوليس الحربي.

وجه (جابر) جسده ناحية الرجل، ألقى عليه نظرة باردة،
وهو يخرج من جيئه تحقيق الشخصية، و "كارنيه" صغيراً نظر
فيه الرجل وأعادهم إلى جابر قائلاً:

- سيادتك عارف اللي حصل النهارده وفاهم...
- يا سيادة القليب الزيارة دي بشكل ودي فبلاش تخلينى
أجيئها من فوق.

تبادل الاثنان النظرات الباردة حتى قال الرجل:

- خمس دقائق بس يا افندم ولوحدك، ودا بشكل ودي لأنني
ُشفت سيادتك قبل كده وعارف إنك مش بتاع مشاكل.

أمر الجندي بفتح الباب، ليدخل (جابر) إلى غرفة المستشفى
وتغلق وراءه.. الغرفة عادية، بل أقل من العادية، لم تختوِّ على
أجهزة طبية بل فراش حكومي قديم، وكومود، ودولاب
ملابس، ومقطعين؛ على أحدهما جلس (عصام الدين خليل)
في ملابس المرضى، لكن حاله قد تبدل كثيراً، جسده أصبح
هزيلاً، ولحيته نامية بشكل غير مهندم، مع الشعر الأبيض
الذي نما على جانبي رأسه، أضافوا على عمره عشرين عاماً،
ساعد في إثبات ذلك السن الدموع التي ظهر آثارها على خديه
وعينيه الحمراوين من أثر البكاء.

ابتسم (جابر) بحزن وشفقة لرؤيته، في حين رفع (عصام)
رأسه له، ونظر إليه بحزن، وهو يقول:

- كل حاجة راحت.

جلس (جابر) على المقعد بجواره، وقال:

- إنت عرفت؟!

- الله يرحمه، البلد هتقع خلاص.

تسللت ابتسامة خفية ساخرة على وجه (جابر)، وهو يقول:
- ماكنتش فاكر إنك هتعيط كده لما (جمال عبد الناصر)
يموت.

- أنا بيكي على كل اللي إحنا عملناه.
- ولا بتبكي على حالك؟ (عبد الناصر) رماك في السجن
الحربى من 3 سنين من غير سبب، وقفل كل مشاريعك الحربية
اللى كنت بشرف عليها.

توقف عن البكاء ونظر إلى الأرض، وهو يمسح بيده
دموعه، ويقول:

- الروس ضغطوا عليه، ماكانش بمزاجه.
هنا وضحت ابتسامة (جابر) الساخرة، وقال:
- ولسه بتحبه حتى لما جالك السكر والكبد في السجن؟!
فكرة (عصام) قليلاً وهو يستنشق الهواء بقوة، وطلب من
(جابر) سيجارة، فأعطاه هذا الأخير من علبة واحدة، وهو
يقول:
- مش هتفرق.

أشعلها له، و(عصام) يسحب منها أنفاساً، ويحاول ألا
يسعل وهو يقول:

- أنا وإنْتَ وغيري ماكناش بنحب (عبد الناصر) نفسه، كنا بنحب الأمل اللي فيه، الأمل إننا نبقى قوة عسكرية تخوف بيها الغرب، الأمل إننا تقدم و..

سعل فجأة ثم عاد ليكمل:

- مش مهم إننا ماكناش عارفين نعمل طيارات ولا صواريخ ولا نصنع حاجة، المهم إننا كنا بنحاول، كنا بنحلّم، حتى لو صحينا على كابوس فكميّة أنا أستمتعنا بالحلم.

- بس إنْتَ ما استمتعتش وعشت سنين في الكابوس.

- يمكن الناس العاديّة كانت فرحانة، وده كفاية.

استرخي (جابر) بمقعده وأخرج سيجارة لنفسه، أشعلها ونفث دخانها وهو يقول:

- ومن قالك الناس فرحت، هما كان زيك كانوا بيحلموا بالأمل وعايشين مستنيين حاجة تحصل، حلوة أو وحشة مش مهم، المهم إنهم يستحملوا علشان يشوفوا بكرة.

ألقي (عصام) رماد سيجارته على الأرض، وقال:

- مفيش بكرة خلاص.

- لا ماتقلقش يا سيد (عصام)، فيه بكرة وبعده ولسه ياما هنشوف.

- اللي حوالين (عبد الناصر) هاياكلوا بعض والبلد هاتولع
لحد ما حد فيهم يمسك.

- (السادات) كان النائب بتاعه وهو اللي هيمسك.
ابتسم (عصام) وهي من المرات القليلة في حياته التي رأه
فيها (جابر) بيتسم، وقال:

- (السادات) طيب، هاي Shirley بعد شوية دا لو مقتلهوش.
ضحك (جابر) بقوه لدرجة أن (عصام) نظر إليه بذهول
 حقيقي، و(جابر) يتوقف عن الضحك ويقول:

- (السادات) هو اللي هايقش ويخلص عليهم كلهم، هو
الخسان الكسبان، وأنا راهنت عليه، أنا معاه وهاخليه يرجوك
الملعوب السياسي تاني و...
قاطعه (عصام) غاضبًا:

- لا.. أنا مش عايز أرجع، لو قدرت تخرجني من السجن
الحربى يبقى عملت فيا جليل، ولو رضيوا بدوبي معاشى علشان
أصرف على عيالى يبقوا متشرkin.

- طب ومشروع إيزيس؟

تبعدت ملامح (عصام) الحزينة الضعيفة واستعادت جزءاً
قليلًا من شدتها، وهو يلقي بعقب السيجارة أرضاً، ويدرسه
بحفيفه قائلاً:

- أنا مليش دعوة بالمشروع خلاص.

- إنت عارف يا سيد (عصام) إن كل حاجة كانت حوالين المشروع ده، إنت ما اتسجتتش علشان مشاريع الطيران ولا الأسلحة الصاروخية، أنا وإنت عارفين إن مدير مشروع (إيزيس) في مصر هو اللي ضغط على (عبد الناصر) علشان يبعدك، لازم المشروع يتوقف.

- إنت كنت بستفاد من المشروع زيه ما تعمليش فيها طيب.

- بستفاد إزاي؟

- ده اللي ماقدرتش أعرفه.

قالها (عصام) وعاد وجهه إلى حالة الضعف والوهن ثانية، وهو يرکن رأسه على يده اليمنى ويقول بأسى:

- من ساعة ما التحبيت ومحدش بيسأل عليا.. ولما تعبت ونقلوني هنا من سنة مفيش حد بيزورني.

نظر إلى جابر وأكمل حزيناً:

- كنت عايزكم تزوروني وتسألوا عليا، بس إنتوا بعدتوا.

- ما هو الأمل اللي حضرتك بتتحبه في (عبد الناصر) كان مخوفنا نسأل عليك، حتى علشان مانصحاش من الحلم على كابوس.

- لو عرفت تخرّجي من هنا يا (جابر) خرجني، وابقى
أسأل عليا من وقت للثاني.

تجلت الشفقة على وجه (جابر)، وهو يقول مبتسمًا:

- هاتخرج، وهتاخد معاش، وأتمني أشوفك واقف على
رجلك قريب.

أنهى كلماته وهو يقف ملقيًا بسيجارته أرضاً، اتجه ناحية
باب الخروج، ولكنّه توقف وابتسم وهو يستمع إلى صوت
(عصام) يخبره قائلًا:

- إنت ملکش في لعنة، ومش جاي تساومني، بس كان
نفسك تعرف معلومات وماقدرتش تطلبها مني، يمكن
صعبت عليك، أو ماحبتش تستغلني.

التفت له (جابر) محافظًا على ابتسامته، وهو يكمل:

- إنت يا (جابر) يهمك في المشروع ده بيت (سيد أبو
خطوة) اللي عايزين يخشووه وإنْت رافض، ويهمك المقبرة اللي
في (باسوس) اللي دخلتها إنت و (أليكسندر قسطنطين)
وما عرفتوش تخرجوا منها بحاجة.

- مكتبك دخل المقبرة بعدينا وأخذ كل اللي فيها.
عادت الحيوة إلى وجه (عصام) ونبراته، وهو يقول:

- إنت مش مهرب آثار ومتاكد من كده، لكن يهمك الحاجات اللي خرجناها، وطبعاً محدثش يعرف مكانها غيري، لأنى شايلها في مخزن من المخازن الآمنة تبع المكتب.

- أنا مش عايزة غير الحاجة اللي جوه القبر؟

- تعرف يا (جابر)، كان عندي فضول أعرف إنت مين؟ وأعرف الحاجات اللي جوه المقبرة الإسلامية دي هاتفيفيك بإيه، دورت فيها قبل ما أوديها المخزن ومافهمتش حاجة، بس كنت عارف إنك هتدور وراها، وهتحاول تتواصل معايا، وأدبيك جيت.

زادت ابتسامة (جابر) وظهرت أسنانه، و(عصام) يقول:

- احفظ العنوان ده كوييس.. وخليل بالك على نفسك.

1836

أين هيبة هذا الماضي؟! منذ استيقاظي اليوم في منزل (أبو خطوة)، في عصر (محمد علي باشا)، وخروجي مع (عَزَّام) إلى منزل (فرغلي)، لم أجد الهمة التي تحيط بالماضي، فمصر وناسها كما هم بنفس طريقتهم، بنفس كلماتهم هذا إذا افترضت أنني سافرت إلى الماضي بحق.

تجمعنا مع (فرغلي) على العشاء، معظمنا صامت إلا من سؤالي إياه عن تاريخ السنة وأجابني هو بالتاريخ الهجري، ثم عده إلى الميلادي لاستطاع فهمه، ولم يتكلم أحدنا حتى انتهينا من الطعام. أوصلنا (سنقر) إلى الحرملك في الطابق الثاني، لنرتاح في غرف النوم قليلاً، طبعاً لم يستطع (راضي) إلا أن يعلق -كعادته- على وجود نساء في الحرملك، باعتبار كلمة (حرريم) فأخبره (فرغلي) بحكمة كوميدية أن السلاملك يعني "السلام لك"، وهي أماكن استقبال الضيوف والغرباء، والحرملك يعني "حرام لك"، ويعني أنها غرف العائلة، والتي لا يقربها الضيوف، وبها أنها لسنا ضيوفاً فستنقيم به، كما أن القصر ليس به سوى بعض الخدم والجواري الذي يحتفظ بهم (فرغلي) لفترة، لا يمسهن فيها ثم يبعهن ويشتري آخريات، كي يعمق الصورة الذهنية عنه بأنه زير نساء وطوال فترة إقامة الجواري فإنهن يعشن في قاعات خاصة بهن، لا يقربها أحد حتى يغادروا، اللهم إن أراد (فرغلي) التحدث مع إحداهن -كذلك أخبرني هو- لتمضية الوقت لا أكثر في مواضع تافهه.

دخل (عمر) إلى غرفة النوم، وأنا و (راضي) اخذنا غرفة واحدة، وجدت ملابس نوم تنتظرنا على الفراش تناسب هذا العصر، لكنها لم تناسبني لأنني لم أعتد على الجلباب في حياتي،

لراضي فراش، ولي آخر، لكنني لم أنم مثل (راضي) الذي تعالى
شخيره بعد ثوانٍ من استلقاه، أما أنا فجلست على الفراش
أنظر إلى القنديل الزجاجي المعلق في السقف، وداخله يشتعل
لهب يتغذى على الزيت، لم أنم لأنني أفكر بعمق أو أحلم، لكن
الحقيقة أنني لاحظت أن كل من حولي يفهمون ما يحدث بشكل
أو آخر؛ لكنني لا أستطيع ربط أي حدث بالآخر.

(راضي) نائم لأنه يفهم، وأنا مستيقظ بجانبه جاهلاً بكل
ما يحدث، عقله -راضي- يمتلك بمعادلات ونظريات تجعله
يتقبل ما نحن فيه، و(عمر) يعلم أكثر مما يكشف ويتحرك بناء
على تعليات، أو مهمة كلف بها على حسب ما لاحظته، أما
(فرغلي) فمن تخميني لعمره، ومن الرسالة التي تركها بمقرته
فأعتقد أنه عاش سنين طويلة هنا وعلم الكثير من الأمور.

لكن هناك الكثير من الأسئلة التي لا حل منطقي لها..
(راضي) ما زال يحلم بصوت عالي كعادته، وهو هو ينطق
اسم (دعا) ويتحدث معها عن شيء غريب، حتى أخذ يردد
كلمتين بلا معنى (تعويض مكاني)، ظل يردد الكلمات كجهاز
التسجيل بلا انقطاع، حتى سمعت نقرات على باب الغرفة
وصوت (فرغلي) من الخارج يطلب إذنا بالدخول، دعوته
دخل ونظر إلى راضي وقال:

- (تعويض مكاني) إيه اللي بيقولها؟
 - لا سيبك، هي هربانة منه شوية.
 - كنت عايز أتساير معاك شوية وكويس إنك لسه مانمتش.
 - تتساير.. وماله، ما إحنا كده كده لازم نتكلّم.
 - تحب نقعد في الجنينة نشرب قهوة؟
 - قهوة دلوقت؟
 - القهوة هنا في أي وقت، حصلني على تحت.
- قالها فجريت وراءه، لأنّي لو تحركت في هذا المنزل وحدّي سأتوه على الأغلب بين مرات غرفه المعقّدة.. نزلنا درجات سلم خشبي، بعد بضعة مرات ووجدت أنّنا في حديقة صغيرة جدًا، بها بضعة مقاعد موضوعة حول منضيدة صغيرة مزخرفة، كل شيء في هذا العصر مزخرف بعناية، حتى إنّي أسرح في تلك الزخارف بشكل لا إرادي.
- جلسنا على مقعدين متباينين، و(فرغلي) يصرخ منادياً (سنقر) الذي أتى من اللا مكان مهرولاً، أخبرت (فرغلي) عن مقدار السكر الذي أريده في القهوة.
- قولهم يعملونا اتنين قهوة معنبرين مانو وهاتلي الشُّبُك بتاعي وواحد كمان للسيد (حسام).

- إيه الشُّبُك ده؟

فهمت عندما أجابني أنه الغليون الذي كان يدخنه عند مقابلتي.

- لا أنا تمام، مش ناوي أموت بالسرطان عندكم.

- ياد دا أنا عندي دخان صابع جاي من اللاذقية على هنا دوغرى.

- إيه المصطلحات الأوفر دي.. كفابة عليا القهوة المانو، إلا هما يعرفوا معنى مانو؟

صرف هو (سنقر) وضحك وهو يقول:

- أنا جيت لقيتهم بيقولوا على القهوة الزيادة مانو.
- إنتوا تعرفوا السكر؟

- لا دا إنت هاتندهش كتير على كده بقى، كل الناس عارفين السكر يجي من 500 سنة، كنت زييك كده لما جيت من 18 سنة، كانت البلد حاجة تانية، والوالى لسه ماسك، والماليك محاوطينه من جهة، والباب العالى من جهة تانية، وأنا كنت خايف.

ظهر التأثير عليه وهو يسرح بعينيه في المنضدة، ويقول:

- خرجت من بيت (عزّام أبو خطوة) واستكشفت كل

حاجة بنفسي، دُقْت طعم كل حاجة، سنة ونص شحات في الشوارع، بشحت الأكل مش الفلوس، وستين صبي في مغلق خشب في إمبابة، وجت سنة 1811 وافتكرت إن فيه حاجة هاتحصل في السنة دي، فاكر أبلة (عفاف) العقرية اللي كانت مدرسة دراسات اجتماعية وإحنا صغيرين؟!

ابسمت وأنا أهز رأسي، وأتذكر تلك المرأة الشمطاء التي كانت تردد ما في كتاب الدراسات الاجتماعية في طفولتنا كالرجل الآلي، بلا أي فهم أو معنى، أكمل هو:

- الست دي أنا بكرهها أوي، بس هي حفظتنا معلومات عن العصر ده، ربنا يديها الصحة لو كانت عايشة وتدخل جهنم لو ماتت.

قلت أنا:

- مذبحة القلعة!

- الله ينور على مخلك، طبعاً معظم اللي درسناه كان غلط،
بس الشوية الصح اللي أنا فاكرهم قدروا يخلووني أشق طريقي
من غير ما أغير حاجة في التاريخ.. أتصاحببت على العمال اللي
بيشتغلوا في قلعة الجبل.

فین دی؟

- دي اللي أخدناها في التاريخ باسم قلعة (محمد علي)، هناك أبهرت رئيس العمال، وعليت لحد ما وصلت لمسؤولين الأبواب بتاعة القلعة وافتكرت اسم باب العزب اللي يطل على ميدان الرميلة، واتعرفت على صاحبه المسؤول عنه (إبراهيم أغا)، ومنه قدرت أوصل لفوق لحد الوالي بنفسه، وعرضت عليه فكرة مجنونة، كنت عارف إنها بتدور في راسه، وغيري عرضها عليه قبل كده، نقضي على كل المماليك إما بالسم في وجبة أكل، وإما في احتفال مهيب، أو يتغفل عليهم باب العزب وهم خارجين، والأرناوٌوط يخلصوا عليهم بالسيوف.

- هي دي تفاصيل المذبحة؟

- لا مش بالظبط، أنا قصدت أعرض عليه أكثر من فكرة يختار منها، بصراحة الرجل كان عسلية، وسمعني لحد الآخر وسألني عن كل أفكاري وتصوراتي، وأنا فضلت أعدد ليه الفوائد من اللي هايحصل لحد ما خلصت.

- فخلالك مستشاره.

- لا، حبسني في مقشرة القلعة، وأكلت ضرب بعيد عنك ولا فيلم (الكرنك) بناع (سعاد حسني). توسيع حدقتا عيني، فقال بسرعة:

- لا لا لا أنا زي الفل، الموضوع ماوصلش لحد (فرج)
والاغتصاب، بس الوالي كان عايز يتأكد إني مش مدسوس من
حد من الماليك، ولما أتأكد إني واحد عادي.

- خر جك من القشاره دي؟

- لا سابني محبوس عادي، إنت قلبك طيب كده ليه يا
جدع، هو خرجني بعد ما عمل المذبحة، وشغلني في ديوان
مصروفات العلف في القلعة، متستقلش بالشغلانة، الوالي كان
يدرسن معايا شوية كل كام شهر ويسألني عن أحوالى، وكنت
يأبهره كل مرة أكتر من الثانية، والدردشة زاد وقتها وسنة ورا
سنة حذرته من كام حدث افتكرته لحد ما دخلت لعبة الماليك
واعلمتها منهم.

- من مين يابني؟ هما مش ماتوا؟

- لا، الماليك العسكريين القدام وجيوشهم هما اللي ماتوا،
لكن بقية الماليك اللي كانوا في أشغال مدينة اتسابوا في حالمهم،
دا حتى الوالي عنده لحد دلوقت 600 مملوك تبعه، وأنا عندي
75 مملوك بس مش محاربين دول بيشتغلوا في أعمال عادية
ويديروا شغلي.

جاء (سنقر) يحمل الشُّبُك لفرغلي ووراءه خادم يحمل صينية
عليها قدحان من الخزف الأبيض بها قهوة سوداء، بجانبها

كيس من الحرير، وحجران صغيران، علمت فيها بعض أنها من الصوّان، وضع الخادم الصينية وابتعد، و(سنقر) يقدم الشُبُك باحترام زائد

إلى فرغلي، الذي تناوله وهو يفتح الكيس الحريري الممتلئ بالتبغ، ويحشوه في قطعة بالشُبُك، وهو يقول مبتسمًا:

- (سنقر) دا بقى زي ابني يا (حسام)، هو أصلًا من مواليد النحاسين وأبوه كان صناعي نحاس مفيش أخوه، بس هو ماحبس شغلة أبوه وكان بيبيض النحاس الخسان بس.

- هو من ماليكك؟

ظهر الضيق على (سنقر)، ولكنه أخفاه قدر ما استطاع، و(فرغلي) يقطّع بفمه قائلاً:

- بقولك مولد في النحاسين، من ولاد البلد يعني، أنا ربّيته من وهو عيل صغير، من ساعة ما أبوه مات، وما سكّلي كل شغلي، دا حتى جوازه كان قريب، يا ريتكم حضرت ليته.

أخرج (فرغلي) من جيب جاني على الكيس الحريري مادة سوداء كالرمال نشرها على التبغ المحشور في الشُبُك، واستخدم حجرين الصوّان ليشعّل النار فيه، يبدو أنها مادة مساعدة على الاشتعال، لأن النار تعالت في ثانية واحدة، كنت مشغولاً

بمراقبة (فرغلي) وهو يعد لنفسه تلك الأداة المعقّدة التي تقربه من سرطان الصدر، عندما قال (سنقر):

- (فرغلي) بك أفضاله عليا ماتتعذر، حتى أداني 120 فدان وبنالي بيت خصوصي قبل ما أتجوز، هافضل خدامه لخد ما أموت.

استنشق (فرغلي) بضعة أنفاس، تصاعدت رائحة عطرية نفاذة في المكان، وهو يقول بفخر:

- أصل أنا كنت أشتريت حته أرض كده من فترة فقلت أديهاله، مكانها مش بعيد على فكرة دي جنبنا هنا في قرية صغيرة اسمها (أبو النور).

كنت أنا أهم بحمل قدح القهوة، قبل أن تصل يدي إليه توقفت متصلباً فنظر (فرغلي) إليّ بطرف عينيه مبتسمًا ليри تأثير عبارته على وجهي وأكمل:

- شكلك تعرفها يا (حسام)، (أبو النور) مكان جميل وأهلها طيبين، إن شاء الله (سنقر) يكمل فيها حياته، تعرف إن أهلها لما عرفوا إن (سنقر) كان بيبيض النحاس ويدنه بقوا يسموه إيه.. (سنقر الدهان).

هل هو الجد الأكبر لعائلة (الدهان)؟!! ما الذي يفعله (فرغلي)؟؟ في نفس اللحظة ظهر على (سنقر) أنه يريد أن

يقول شيئاً لفرغلي، فانتبه له هذا الأخير، فهال (سنقر) على أذنه
يهمس له حتى ضحك (فرغلي)، وهو يقول:

- هاتهولنا يقعد معانا بسرعة واعمله قهوة زينا.

ابتعد (سنقر) و (فرغلي) يقول:

- (راضي) صحي من النوم بيدور علينا، وتأية من شوية
في الحرملك.

- إيه حكاية (سنقر الدهان)، أنا اللي فاهمه صح؟

- مش عارف، أنا مهمتي إني أقتل جد عيلة (السلاموني)
اللي قتلوا (صفاء) بالغلط، بحكم حياتي هنا ومعارفي في سوق
النحاسين اتصاحت على ناس منهم، وربيت (سنقر) اللي
كانوا بيقولوه (الدهان)، كان الزمن دلني عليه، وحطني
في طريقه علشان أوصله لأبو النور، ويمكن من غيري كان
هيوصل ويكون عيلته، تقريباً الزمن مايسمحش إني أغيره،
لكن بيشركني في أحاديث أو بيخلي الأحداث اللي بعملها مش
مهمة.

تناولت قدر القهوة ورائحتها تهب عليَّ مع رائحة عطرية
خانقة، تذوقتها فامتلاً فمي بطعم يشبه القهوة لكنه مخلوط
بشيء ما معرف.

- إيه مش عجباك يا (حسام)؟

- إنت حاطط فيها إيه؟

- عنبر، حاجة عمر أهلك ما شافوها.

أعدت القدح إلى مكانه، و(فرغلي) يدخن ويقول:

- تعرف إنك في زمان تاني ممكن تكون بتشرب سجاير.

هل يقصد...

- عالم موازي مثلًا؟؟؟

- يعني إيه؟

هل علينا (راضي) وأحد الخدم يصطحبه، ويشير ناحيتنا
فيقبل ويجلس بجانبي، فائلاً:

- مساء الفل على عم الناس.

قالها (راضي) ورفع يده محيا فرغلي، الذي أعطاه الشعب،
وهو يقول:

- مساء الخيرات على الشبراوية الجدعان، خد عفر ونضف
صدرك.

استنشق (راضي) نفساً، سعل بعده، ثم بدأ يستمتع
بالتدخين، وأنا أقول:

- بتقول إني في مكان تاني.. ممكن أكون بشرب سجائر،
تقصد إيه؟

- بعد ما اتصاحبت على (عَزَّام) حكيمته حكايتها، فهو
فهمني كل حاجة يعرفها عن خبيثة بيت (أبو خطوة) واللي
أكدت كلامي ليه.

- إنت إيه اللي حصلتك؟ أنا لسه شايفك من يومين أصلاً لما
كنت بزور (حسام) في بيته.

قالها (راضي) فضحك (فرغلي) حتى سعل، وقال بعد
تمالكه نفسه:

- أهو أنا فاكر آخر أيام ليَا لما كنت عندكم كوييس، لأنها
ذكرياتي اللي بدأت أصدق إنها خيالات، عدى على الحكاية دي
ستين من عمري، بصوا فيه أحلام كانت بتجليلي غريبة، كنت
 بشوف فيها نفسي واقف مع (جعفر) وبكلمه وبهزز، وساعات
 كنت بشوف نفسي في فرح وإنْت يا (حسام) معايا، و(جعفر)
 هو العريس، الأحلام دي اتكررت بأشكال مختلفة، بس مش
 لأنها أحلام، لأنها أحداث عشتها فعلًا، طبعًا إنت صاحبي يا
 (حسام) علشان كده ما استغربتش من وجودك، بس (جعفر)
 هو اللي شغل بالي.

جاء خادم بالقهوة لراضي الذي استمتع بها هي الأخرى،

ثم أعطاه خادم آخر شُبُك وملاه، ثم أشعله له كي يعيد الشُبُك الأصلي لفرغلي الذي انتظر انصراف الخدم كي يكمل حديث قائلاً:

- في يوم لقيت الباب بيختبط، بفتح طلع (جعفر)، عاملني زي صاحبه اللي ماشفهوش من زمن، وطلب يقعد معايا، وحکالي حکایة طويلة عن إننا كنا أصحاب في مكان تاني، وإنه طالب مساعدتي، بيبي وبينكم أنا افتكرته عفريت في الأول.

- ليه؟

- لأنه حب يوريني إن الموضوع بجد، فاختفى وظهر تاني، وافتقت أروح معاه بيت (أبو خطوة) وأشوف بعيوني، وحتى كلمتك وأنا راكب معاه الميكروباص بس إنت نفضستلي.

- إنت لسه بتقول الكلمة دي؟

- أمال لو تعرف إننا بنقول هنا كلمة حلقي، المهم دخلت البيت وقالي (جعفر) إنه مايقدرش يخرج بعيد عن البيت كثير، ومحتجاني أكون مكانه أغير في أبعد نقطة في الزمن يقدر هو يرجعلها يوصلني ليها، وأنا اللي أغير في الأحداث، ولما أخلص هو هايرجعني لزمني الأصلي ومش هايكون عدى أكثر من كام ساعة حتى لو قعدت هنا سنين.

- ماتقولوش إنك وافتقت كده بسهولة.

قالها (راضي)، فرد (فرغلي):

- يا عم أنا عجزت هنا، أكيد وافت أمال بتكلم إزاي
دلوقت؟ وطبعاً ماوافتتش جدعنة ولا حب مغامرة، ممكن
تقول هبل، أو فضول، زي ما واحد يجي يقولك أنا أقدر
أخليلك تختفي فتقوله وربني، المشكلة إن (جعفر) وراني فعلًا،
وسابني بعدها هنا.

- مش يمكن لما تنفذ مهمتك يرجوك؟

- لو نفذت كلامه مشحتاج يرجعي لأن الزمن هيكون
أتغير خلاص، والتغيير البسيط اللي هايحصل هنا هيأثر في
المستقبل ويغيره كله، بس تخيلوا بقى إني كل ما أحارو أوصل
للسالموني الكبير تحصل حاجات غريبة، حوادث كنت هموت
فيها كلها لو لا ستر ربنا، كان فيه حاجة بتمنعني إني أغير حاجة
بحجل.

قال (راضي) بجدية:

- زي النهر لو رميته فيه حجر مش هايغير مساره، الحجر
هایعمل دوامة صغيرة وينتفي، (فرغلي) كان بيعاشر مع نهر
الزمن.

- حلوة نهر الزمن دي يا شقيق.

قالها (فرغلي) وهو يغمز له مهنتا، فقلت:

- بس إنت مافهمتاش كل حاجة.

- يعني أنا قاعد سنين أفهم ومطلوب مني الخصلك القصة
كلها في قعدة؟

- والله الرجال عداه العيب.

طبعاً (راضي) الذي هو نسخه منه لن يتوقف عن المزاح معه
حتى ولو قامت القيامة.

- (عفتر) جابكم هنا إزاي؟

- (جابر) هو اللي دخلنا البيت مقابل (عفتر).

- (جابر) دا شخصية (عفتر) بس في الماضي.

- إيه هو ححالك؟

- طب و(عمر) إيه حكايته؟

تبادلنا النظرات أنا و(راضي) و(فرغلي) يقول:

- باين إنكم مش واثقين فيه.

- أنا حاسس إنه فاهم كل حاجة ومش هايقولنا.

قلتها فقال (فرغلي):

- إحنا ممكن نعرف اللي مش عايز يقوله؟

- نضر به؟

قالها (راضي) فهز (فرغلي) رأسه نافياً وهو يرشف من
القهوة ويقول:

- (عَزَّام) معاه روحانية جنّ شديدة ويقدر يستجوب قرينه.

- أنا ممكن أصدق أي حاجة دلوقت؟

قالها (راضي) فقلت أنا متذكراً:

- كان فيه شنت أدهالنا (جابر) و...

قاطعني هو:

- (عَزَّام) عدى علياً وعرفني، الشنت هتفضل جوه البيت
لحد ما نروح لها بكرة بمشيئة الله، قولي يا (حسام) هو فيه
طريقة نرجع بيها لزمنا تاني؟

- بص ما أعرفش، بس معنديش نية أموت هنا.

- خلاص بكرة الصبح أول ما تصحووا نتحرك على البيت
وهانلاقى (عَزَّام) مستيننا.

هلّ علينا (سنقر) يجري ومعه خمسة من الخدم، وهو ينادي
فائلأً:

- سيد (عمر) بتحصله حاجات غريبة في أوضته، وبنحاول
نفتح الباب مش راضي يفتح.

- (عمر) اللي مش راضي يفتح ولا الباب بايظ؟
- الباب مفول من جوه وده مش ممكن.

نهضنا من أماكننا وسرنا، (فرغلي) يتقدمنا وهو يأمر أحد الخدم بأن يأتي بالغدارة، منذ عامين ظهرت أغنية (أنا اسمي سعيد الهوى) وذكر فيها مطواهه باسم (الغدارة)، لم أتخيل (فرغلي) يمسك أكثر من مطواه تحت أي ظرف، لكن الخادم أتى بالغدارة، وكيس البارود وكيس الطلقات، حالة أخرى من الإبهار يضعني بها (فرغلي)، وهو يضع البارود في ماسورة المسدس، ثم طلقة كروية صغيرة ويدسها إلى داخل الماسورة القصيرة، ثم يضع باروداً جديداً عند منطقة الشاکوش في المسدس، والتي هي قطعة صوّان تساعد على اشتعال البارود من الخارج إلى داخل ماسورة المسدس لتنطلق الطلقة، (فرغلي) صنع كل هذا في ثوانٍ معدودة، وهو يتقدمنا مهرولاً، كأنه استخدم هذا السلاح القديم مئات المرات.

صعد السلالم الخشبي ونحن وراءه، سار بالحرملك حتى غرفة (عمر)، فهمت الآن سبب لوعة (سنقر) منذ قليل، هناك أصوات خوار حيوانات تأتي من داخل الغرفة، وبرغم أننا ليلاً إلا أنني أرى ضوءاً أحمر يأتي من تحت باب الغرفة، أصوات طرقات سريعة وجذونية تأتي من الداخل مع صوت جهوري

يتكلم بلغة غريبة، ضرب (فرغلي) الباب بقدمه أكثر مرّة فلم يفتح، فنادي بأعلى صوت:

- سيد (عمر) أنا مضطر أكسر الباب، أبعد عنه لو إنت قريب.

وجه الغدارة (المسدس) ناحية مزلاج الباب وضغط الزناد فاشتعل البارود لهبًا عند شاكوشها، في أقل من ثانية دخل اللهب إلى الماسورة، وانطلقت الرصاصة محدثة ضجة مخيفة، تطاير جزء من خشب الغرفة، وانفتح الباب من نفسه لتشاهد ما لم نفهمه في البداية، ثم عند الفهم صرخ خادمان فزعًا، وكرر (سنقر) الشهادة وأيات قرآنية بغير هدى.

داخل الغرفة جلس (عمر) على ركبتيه عاريًا كيوم ولدته أمه، وأمامه كائن طويل أبيض الجلد، نحيل الجسد، طويل الأيدي، ليس له فم، ولا أذنان، ولا أنف، عيناه فقط هما البارزتان في وجهه الممتلئ بالتجاعيد، يخرج ذيل طويل من مؤخرة ظهره، يتتصبب متتحركًا يمينًا ويسارًا، والكائن ينظر إلينا بعين غاضبة كأننا قاطعناه عن شيء هام.

هذه هي أول نظرة، التفاصيل الأخرى فهمتها في الثانيةين الباقيين، بعض قطع الأثاث مرتفعة في الهواء، وفي خمسة مواضع

بالغرفة يقف خمسة كائنات متوسطة الطول بأقدام تشبه حواجز
الجمل، وشعر يغطي أجسادهم ما عدا الوجه الذي تظاهر
أفواههم بطريقة مرعبة فهي مشقوقة من الأذن إلى الأذن، لكل
منهم خصلة شعر طويلة من الرأس.. لم أكن قد استوعبت
صدمة ما أرى؛ لذلك لم أجدل واحتفظت بعين الفضولي
متاماً في كل هذا.. لكن الكائن لم يمهلنا وقت، وهو يشير
ناحיתنا فتجري قطع الأناث العائمة في الهواء ناحيتنا، وتخرج
من الغرفة لتصدم بنا عشوائياً، ويسقط معظمها، وبعض الخدم
يهرعون، عاد الكائن ينظر إلى (عمر) الذي رفع يده اليمنى،
والتي يرتدي فيها خاتماً وهو يقول:

- لكم مني الطاعة على عهد (أبو عشر الفلكي) ولني عليكم
الخدمة والطلسمة والسمع والإجابة حين الطلب.

اختفت الكائنات ونهضنا نحن متناقلين، وقف (عمر)
وقال بشقة موزعاً نظراته علينا:

- دلوقت أنا جاهز علشان أساعدكم.. وأحبيكم.

* * *

وصلت سيارة (جابر) إلى منطقة مصر الجديدة، توقفت عند منطقة هادئة خالية تقريباً من المارة؛ برغم أنه في متصف النهار، توقفت السيارة أمام عمارة حديثة نسبياً، لم يمر على إنشائها أكثر من عشر سنوات، خرج (جابر) و(حلمي) من السيارة وهم يحملون ثلاثة حقائب كبيرة ودخلوا العمارة.

ظهر بباب من مكان ما سألهما بشراسة عن وجهتها، فسأله (جابر) إن كان يستطيع القراءة والكتابة، نظر له الباب بغرور وأجابه أنه يستطيع، أخرج (جابر) بطاقة هوية من جيبه وهمس في أذن الباب الذي تبدل حاله بالطبع، و(حلمي) يسأله عن الشقق التي يمتلكها (عصام الدين خليل)، أخبرهما الباب بسرعة أنه يمتلك كل الشقق من الطابق الأول إلى الرابع، تركاه وصعدا إلى الطابق الثاني كما أخبر (عصام) (جابر) في المستشفى.

وقف الاثنان أمام الباب و(حلمي) يقول:

- ماتقولش إنك هاتطفلش الباب.

- لا ماتقلقش، كان معايا هدية قديمة من المخابرات العامة لما كنت في مشروع إيزيس علشان أعرف أفتح الأبواب.

تبع عبارته بأن أخرج من جيده قطعة معدنية في حجم علبة السجائير يخرج منها نصل على جانبيه أسنان معدنية صغيرة متحركة تعمل عمل أسنان المفتاح الأصلي، أدخل النصل في رتاج الباب وأخذ يحرك القطعة بسرعة للداخل والخارج حتى سمع صوت تكة منخفضة، أدار القطعة المعدنية فاستجاب له الرتاج، وانفتح الباب.

حلا الحقائب ودخلها وهما يبحثان عن زر الإضاءة حتى وجداه، وأضيئت الشقة التي كانت خالية من الأثاث لكنها تعلق بالصناديق مختلفة الأحجام والأشكال، على الأرض بجوار الباب تناشرت عشرات الفواتير من شركة الكهرباء، والتي فحصها (حلمي) سريعاً ثم قال:

- تقريباً الشقة مابتهالكش كهرباً، تفكّر علشان كده
مقطعوش عنها الطاقة؟

- سيبك من الكلام ده ووصل الأجهزة في أقرب فيشة
بسريعة.

سار (جابر) وسط الصناديق التي حللت أرقاماً ورموزاً حتى توقف عند مجموعة صناديق تحمل رمزاً يعلمه من (عصام)، أخذ يفتح كل ما تقع يداه في هذه المجموعة وأخرج بعض

القطع وضعها على الأرض، و(حلمي) يسأله وهو يوصل أحد الأجهزة بقباس كهرباء ويضبطه:

- إنت بتدور على إيه بالظبط يا (جابر)؟

- كل حاجة في المقبرة عايز أفحصها.

تأمل (جابر) القطع على الأرض وقال:

- فاكر لما دخلنا مقبرة (دهشور) اللي فتحها لنا (سيد أبو خطورة)؟

- آه، مش دي اللي (حسام) طلب إنك تدخلها وتأخذ الحجر اللي فيها هو وشوية صفائح معدنية؟

- إنت لسه فاكر (حسام) لما زارني في البيت؟

اقترب منه (حلمي) حاملاً جهاز ضخم، يتسلل سلك طويل منه موصول بقباس الكهرباء ووضعه بجانب القطع، ثم أخرج منه جزءاً يشبه سبعة الهاتف الأرضي وقال:

- عايز تفحص أهي قطعة فيهم؟

- شوف أي قطعة فيهم عندها استجابة مع الكهرباء عقبال ما أدور على حاجة معينة.

أخذ (حلمي) يوصل بعض الأقطاب بكل قطعة، ويقرأ على شاشة صغيرة بيانات ذبذبات كهربائية؛ بينما (جابر) يفتح

الصناديق بشكل عشوائي، حتى وصل إلى صندوق به كرة
معدنية سوداء أخرجها وهو يهتف:

- لقيت اللي أنا عايزه، خلص اللي معاك وافحص الكورة
دي بسرعة.

- هو (حسام) طلب منك تدخل مقبرة (دهشور) علشان
تاخذ الحاجات دي منها، وفي نفس الوقت طلب منك تساعد
(أليكسندر) وتدخلوا المقبرة الإسلامية في (باسوس) ليه؟

توقف (جابر) عند صندوق كبير، فتحه فامتلأت الشقة
برائحة كريهة لأن جثة متحللة لفت بالحال فيها.

- إحنا محتاجين حد ينقل الجثة دي وبقية الصناديق، أنا عايز
طبيب تشريح يحاول ينخرجي أي معلومات منها
فأها (جابر) وهو ينظر إلى (حلمي) الذي قال:

- ماردتش على سؤالي؟

- كنت بتقول إيه؟

لم يرد عليه (حلمي) وهو يراجع بيانات على تلك الشاشة
الصغيرة باهتمام، اقترب منه (جابر) وجلس على الأرض إلى
جواره، وهو ينظر إلى الكرة السوداء وبضع صفات معدنية
انشأت بمواضع عديدة.. فجأة رد سارحاً:

- إزاي الكورة دي هنا وهي موجودة مع (أليكسندر) في
بيت حلوان دلوقت؟

- (جابر).. كل الحاجات اللي قدمي دي مالهاش دعوة
بموصلات الكهربا، إنت مش ملاحظ إن الكورة نفسها
مصبوبة من سبكة رصاص.. أنا شفت الكورة اللي إنت
بحكى عنها في مقبرة (دهشور)، دي مالهاش علاقة بيها.

قال (جابر) شارداً:

- إذا كنت أنا المفروض أخرج الحاجات دي من مقبرة
(دهشور)، وابعتها في المستقبل في 2007 مع فريق تصوير
لعصر (محمد علي باشا) علشان يبنوا فيها غرفة تخليلهم يخترقوا
بيت (أبو خطوة)، يبقى إزاي الحاجات دي مش حقيقة؟

- (جابر)، إنت في المستقبل هتبعد مع الفريق الحاجات
دي، وده معناه إنك ضحكت عليهم وماساعدتهمش.
نظر (جابر) إلى الصندوق الذي يحتوي على الجثة طويلاً،
وقال:

- تفتكـر قدرـي أكون خـاين يا (حلمـي)؟

فعلاً لم تنقص المسألة إلا دخول الجن والعفاريت فيها، لم ندق النوم تلك الليلة مما شاهدناه جيئاً، عالم الجن يعتمد على التلميع لا التصريح، كل الناس تخبرك أنها لمحت شيئاً يتحرك في مجال إبصارها، أو سمعت صوتاً غير واضح لكن أن يظهر لك الجن بوضوح.. صدقوني مأساة لم أتخيل أن تصدمني لهذا الحد.

بعد أن تمالك الجميع أعصابهم، وارتداء (عمر) ملابسه، قررنا سؤاله عما حدث وهذا حقنا، وجاءنا الجواب منه بأنه كان يقوم بعهد مع أحد الجن ليستطيع الدفاع عنا في هذا العصر، سألهنا نحن عمن سيهاجنا، فيجيب هو بأن (جعفر) سيحاول قتلنا في أقرب فرصة، نعود نحن لسؤاله ما الداعي لقتلنا فيسألنا عن اختفاء (أحمد عصفور) و (عمرو) بمجرد وصولنا ومواجهة (عَزَّام) بجعفر.

- إيه حكاياتك يا سيد (عمر) وعارف إيه عن اللي بيحصل؟، يمكن نستفاد منك؟

قالها (فرغلي) بطريقة مهذبة وهو يجلس بجانبي، و(راضي) يقف على باب غرفة (عمر)، تم صرف (سنقر) والخدم بالطبع قبل بدأ الحوار، قلت أنا بعدما رتبت جملة جيدة في عقلي:

- أستاذ (عمر) أنا معرفكش قبل اليومين دول، لكن الأمر الواقع إننا دخلنا في سكة ولو ماكملنهاش مع بعض هنموت كلنا.

الجملة التي قلتها كانت أفضل وهي في عقلي، الآن أشعر أنها مهلاهة ولن تجدي نفعاً، (عمر) يوزع نظراته علينا بشقة غريبة وهو يقول:

- (جابر عبد السيد) بعنتي معاكم علشان أعمل محاولة.
حك (راضي) أنفه قائلاً:

- والله يا أستاذ (عمر) أنا ملاحظ إن مصر كلها بقت بتعمل محاولات علشان نرضي (جعفر).

- لا يا (راضي)، محاولتي إني آخذ مكان أجدادي تاني، أكون مكان (جعفر) وأعيد تشكيل كل حاجة من الأول.

- طب ما كنت تعمل كده قبل ما تيجي معانا.
قلتها أنا.

- في الزمن ده إحنا بعيد عن إيد (جعفر)، أو على الأقل هو هنا أضعف.

- وإيه الطريقة اللي هتنفذ فيها محاولتك دي؟

- إني ابني غرفة أنا حافظ تصميمها هتدينني فرصة واحدة أكون مكان (جعفر) وأستعيد السيطرة على البيت.

- أيوه إزاي يعني؟
- قالها (راضي)، فقال (عمر):
- الشنط اللي جينا فيها الأدوات اللي هتخليني..
- قاطعه (راضي) متملماً:
- يا سيدى إزاي هتسطر على أم البيت، يعني فيه مفتاح
مثلاً زي مفتاح العربية هتدخله في بيت (أبو خطوة) وتدور
الكونتاك特 وتسوق بینا ولا هتعمل إيه؟
- تحت بيت جدي فيه غرف كتير، منها غرفة لو دخلتها
ممكن أعيد السيطرة تاني.
- ممكن !!!
- قلتها مستنكراً والغضب ينفر عروقي لكن (فرغلي) قال
بحسّم:
- بكرة هنحتاج (عَزَّام) علشان يدخلنا بيته، اللي هو بيت
جدودك يا سيد (عمر)، وهناك هنعرف إنت تقصد إيه.
- قالها وغادر الغرفة بجدية زائدة وهو يرطم براضي، تبادلنا
النظرات فعاد (فرغلي) لنا وهو يدعونا لتنام في غرفنا حتى
شروق الشمس.

حتى هنا في هذا العصر هناك ما يشبه ماركات السيارات، ولكنها تطبق في شكل العربات الخشبية التي تجرها الأحصنة، (فرغلي) يمتلك أسطولاً منها بمقاسات وأحجام مختلفة والفارق واضح بين عربة (فرغلي) التي تستقلها الآن، وعربة (عَزَام) التي انحشرنا فيها بالأمس، فنحن نجلس الآن داخل عربة كبيرة مغطاء بأربعة مقاعد داخلية وثيرة، يواجه مقعدان منها الاثنين الآخرين.. ولها سائق خاص يسيطر على أربعة أحصنة يجرونها، ملابسنا الآن كملابس الجميع وإن كنت لم أرتح بعد لهذا الحزام الملفوف حول الوسط، (فرغلي) أخبرني أنه نوع من الزينة أو على حسب تعبيره (دا عشان القيامة والفخامة والروشنة).

أربعتنا نجلس في العربة و(فرغلي) يحمل علينا تدخينه الذي يشبه زعزع القصب و(راضي) يحتضن الغليون الذي أعطاه إياه (فرغلي) بحب وهو يقول:

- أنا عمال أشبه على العربية اللي إحنا راكبيها دي من شوية،
ودلوقت افتكرت أنا شفتها فين.

- فين؟

- في كارتون سندريلا، الحالق الناطق يا عم (فرغلي).

(عمر) الصامت بيتننا لم ينفك عن تحريك شفتيه همساً كأنه يخاطب نفسه، وكلنا انتبهنا إلى ذلك بالطبع، لكنني حاولت الكلام مع (فرغلي) حتى وعيوني متعلقة بعمر لا إرادياً.

- إلا إنت يا (فرغلي) اللي فاتح محل العصير اللي أنا شفته إمبارح؟

- لو بتكلم على عصاير (فرغلي) يبقى أنا، دا إنت لسه ماشُفتتش سلسلة مطاعم كنتاكى، هي لسه مانجحتش وبقدم فيها دلوقت حواوشى وكبدة وسجق لكن مسيري أعرف سر الخلطة.

- وإنتم إيه اللي معطلكم؟

- ما أنا لسه قايل ما أعرفش سر الخلطة، وفكري بقى أدقك كشرى الخديوي.

رد (راضي):

- إنت كده مابتغيرش في التاريخ؟ يعني مصر لسه ما عرفتش الكشرى.

- التاريخ هامحذف كل اللي أنا بعمله، ومصر مين اللي ماتعرفش الكشرى، دا أنا لقيت نص الصعيد عارفاه وبياكلوه خصوصاً أيام صيام المسيحيين، هو مش نفس الكشرى بالظبط اللي إحنا عارفينه لكنهم عارفينه باسمه و...

توقفت العربية وانفتح باب العربية من طرف السائق، نزلنا منها على سلم خشبي صغير وضعه السائق، ها هو منزل (أبو خطوة) في هذا العصر، وأمامه يقف (عَزَّام) وحوله رجال حراسة تعرفت على أحدهم فقد رأيته في حراسة قصر (فرغلي) بالأمس، لقد سبقنا بعض رجاله إلى هنا في عربة خاصة بهم، الفارق أنهم لا يحملون البنادق بل يدsson الغدارات في أحزمتهم القماشية الملونة واقفين متتصبّي الظهر على جانبي (عَزَّام) الذي تعلقت عينيه بعمر حتى وهو يخاطب (فرغلي) بتجليل.

- نورت بيتك الثاني يا بك، اتفضلو.

أشار لنا بالدخول، وهو يسبّقنا إلى الداخل ونحن نمر بالقاعة الخالية، ثم نقف في ساحة المترّل الذي تحيط بها أبواب القاعات، تلك الساحة التي استيقظت أنا بها بالأمس، قال (فرغلي) بجدية:

- معلم (عَزَّام)، الرجاله دي جاية تصلح غلطه كبيرة ومحتجين مساعدتك.

- الحاجات الغريبة اللي كانت في البيت إمبارح أنا حطيتها في ...

فاطعه (فرغلي):

- أنا عايزك تنزلهم عند الخبيثة.
- صعق (عَزَّام) فقال (فرغلي) بسرعة:
- بلاش تزييط يا معلم، ما إنت نزلتني قبل كده مرتين.
- إنت ثقة يا بك، لكن هما مش مضمونين، والدليل إن الولد ده بقى معاه روحانية على الخاتم اللي في إيده، وإمبارح كان طبيعي.
- أشار (عَزَّام) بإصبعه ناحية (عمر) الذي قال بهدوء:
- تقدر خدمتك تستجوب قرييني، وتعرف منها...
- قاطعه (عَزَّام) بخبث:
- خلاص بعد اللي شفته إمبارح مش هاوش في أي حاجة من ناحيتكم، ربنا وحده يعلم إنتوا تعرفوا إيه ما أعرفوش.
- شم صمت كأنه يفكر في شيء، وقال:
- لو اعتبرت إنك حفيدي، قوللي بتشتغل إيه في زمنك؟
- أعتقد أن الفضول غلب (عَزَّام) ليسأل هذا السؤال.
- اتعلمت من جدي (سيد أبو خطوة) إزاي أفتح المقابر وأفك رصدها، وإزاي أرصد المقابر بنفسي وأحميها.
- وتعرف إيه عن جدودك أصحاب الخطوة؟

- في حيافي ما عرفتش كتير لأن جدي (سيد) فضل إنه يدفن السر معاه وما علمنيش أتعامل مع البيت اللي إحنا بنحميه.

- إنت كنت السبب في دخول الكلب اللي اسمه (جعفر) عند الخبيثة؟

- مش فاكر، في زمني حصلت حادثة وكان فيها (جعفر) بتجيلى منها ذكريات مش متراقبطة.

مشى (عزّام) أمامنا جيئاً وذهاباً وهو يقول:

- لو إنت مش حفيدي وبتخدعني وعايز تنزل تحت البيت ممكن تقلب كل حاجة وتبوظها، ولو كنت حفيدي وانقطع علم عندك فده معناه إن عيلة (أبو خطوة) انتهت والباب تحت هايقى مفتوح لكل من هب ودب.

قال (راضي) متربداً:

- معلش أنا مش عايز أتدخل في اللي ماليش فيه بس حضرتك بتهلك وقت على الفاضي، شوفلنا طريقة نخلص بيهَا وحياة أبوك.

توقف (عزّام) عن المشي و(فرغلي) يقول:

- لو هو حفيدك فأكيد شايل دمك.

ابتسم (عَزَّام) لفرغلي مُتَنَّاً وسار ناحية أحد أبواب القاعات
المطلة على الساحة وهو يقول:
- تعالوا ورايا..

سجل عقلي ملاحظة غريبة قليلاً، في زمني منزل (أبو خطوة) كان يتمتع بالدفء الشديد داخله، لكن هذا المنزل مع
تمتعه بالدفء إلا أنه أقل بكثير من المنزل في زمني.

دخلنا قاعة بسيطة بها بعض الأناث، وقف (عَزَّام) عند
بضعة زخارف على الحائط وضغط على جزء فيها فسمعنا
صوت طرقات معدنية داخل الجدار وانفتح جزء منه ببطء
شديد مظهراً قاعة واسعة، لم ينس (راضي) أن يعلق بإحدى
تعليقاته السخيفة عن مغارة علي بابا وافتح يا سمسم إلخ..
دخلنا القاعة الثانية وفيها رأيت الأرض تمتلئ بالزخارف
المعدنية صانعة أشكال وتجاويف وتعاريف، تراجع (عمر)
خطوة إلى الوراء وهو يقول:

- أنا شفت الأرض دي قبل كده.
أدأر (عَزَّام) رأسه لعمر وقال:

- هنا مفيش خدع ولا الجن يقدر يدخل معانا، وباب
الدخول هو إنت.

أخرج خنجرًا صغيرًا من حزامه فصرخ (راضي) قائلاً:

- إنت بتسلمنا تسليم أهالي يا (فرغلي).

طلب (عَزَّام) من (عمر) أن يمد يده اليمنى ففعل، أحدث قطعاً صغيراً في ساعده فسالت الدماء و(عَزَّام) يأمره بأن يسير على النقوش الأرضية ليتساقط دمه عليها، فعل بتسليم شديد، ارتجت القاعة فجأة و(عَزَّام) يأمرنا بالابتعاد عن النقوش.. وانفتحت الأرض من منتصفها ليظهر سلم طويل، خلع (عَزَّام) حزامه القماشي ولف به يد (عمر) بلهفة، وهو يتسم له ويقول:

- أهلاً بك في بيت جدودك يابني.

قال (راضي):

- يا حاج (عَزَّام) الجرح ده ممكن يتلوث والراجل يموت فطيس.

- هاطهره بالنار لما نطلع.

قالها (عَزَّام) وهو ينزل درجات السلم للأسفل، و(راضي) يعرض على فكرة سلخ جلد (عمر) لمجرد التطهير، تبعناه ونحن نشاهد الكرات المضاء على جانبي السلم و(راضي) يقول مبهوراً.

- دي لض منورة يا جماعة، فيه مصدر بيلد الكهربا هنا،
بس مولد إيه اللي شغال عمال على بطال ده؟
همست في أذنه بالعبارة التي قالها لنا (جعفر):
- مفاعل نووي.

فجأة صرخ (عزّام) من أسفلنا أن نغلق أعيننا، فعلنا كالكلاب فهو في هذا المكان السيد ولن نتحمل أخطاء أو سهوًا من أي نوع، شعرت بضوء قوي بالقرب من عيني برغم إغماضها، لكن (عزّام) أمرنا بفتح أعيننا بعد دقيقة وصوته هذه المرة كان بأسفل السلالم لدرجة أنها سمعناه بصعوبة، أكمنا الطريق على الدرج والدفة يتزايد لكن بمعدل بسيط حتى وصلنا إلى قاعة كبيرة جدًا تذكرناها أنا و(راضي) لأن (جعفر) خاطبنا بها، هي هي نفس القاعة، ولكن لم أعرق كثيرًا كما كنت في حضرة (جعفر).

وقف (عزّام) وسط القاعة، وقال بطريقه مسرحية:
- لأنكم مش من زمان، وفي نفس الوقت ضيوف (فرغلي
بك المستكاوي)، والأهم إن بينك حفيدي ووريثي فأنا
ها حكي ليكم إنتموا فين.
همس (راضي) بأذني:

- يا رب نخلص.

قال (عَزَّام) وكأنه يتقمص شخصية مرشد سياحي:

- إنتووا هنا في مدخل أرض الحقيقة، عالم ما يدخلوش إلا المصطفين، كانت مداخله مالية المعمورة زمان.

- أكيد مش المعمورة المصيف صح؟

صرخت في (راضي) بعصبية حقيقة أن يغرس، فأكمل (عَزَّام):

- قبل زمن ملوك مصر وقبل زمن فرعون بآلاف السنين كانت أرضنا جنة، وأهلنا يدخلوا لأرض الحقيقة ويعيشوا مع سكانها، وأهل أرض الحقيقة يعيشوا معانا، نعلمهم ويعلمونا، لحد ما قامت حرب في أرض مصر عند جبل المقطم، واتسفكت دماء المصريين ودماء أهل أرض الحقيقة، حكام عالم أرض الحقيقة وحكام أرض مصر اتفقوا يسدوا المدخل اللي بتربط بين العالمين ويحظوا على كل مدخل فيهم حارس واحد يحرسها ويمنع دخول أو خروج حد إلا بإذن من ملوك الأرضين، وعلى كل مدخل اندفن ملك من ملوكهم اللي علمنا أسرارهم، ومن ناحية المدخل اللي في أرضهم اندفن في كل مدخل ملك من ملوك مصر اللي علّموا أهل أرض الحقيقة

أسرارنا.. في مصر كان فيه 9 مداخل، كلها اتسدت إلا المدخل اللي هنا ومدخل تاني.

- إيه اللي سدهم؟

قلت سؤالي بفضول قاتل محاولاً تفسير كلماته بطريقة أكثر عقلانية وعلمية فقال:

- لكل مدخل عيلة تورث سره وطريقة حمايته، وياما حصلت حروب على المداخل دي لكن إحنا كحراس كنا بننتصر في النهاية بفضل الخبيثة، فيه مداخل ماتت عائلتها من غير متورث سرها وانتسى مكانها، المدخل التسعة مربوطة ببعض وبتحمي بعضها علشان لو حارس من الحراس حب يغير في الزمن أكثر من يوم يتدخل حارس لمدخل تاني ويوقفه، وأآخر عيلة كانت بتتحمي مدخل تاني غير ده انتهت من أيام الظاهر (ببرس) ومدخلهم كان..

قاطعه (عمر) بسرعة:

- كان في الجيزة في (دششور).

نظر له (عَزَّام) بإعجاب وهو يقول:

- الظاهر إن جدك عرفك حاجات قبل ما يموت.

ثم أكمل قائلاً:

- لكل حارس مدخل خبيثة بيورثها وهي اللي تخلله يتتصر على أي حد يحاول يدخل .. لو حسينا بالفشل وإن الهزيمة بتقرب بنسخدم خبيثتنا.

قال عبارته وهو يسير ناحية هُمّ جانبيّ ويقف أمامه، اقتربنا من الممر فوجدت مقعداً يجلس عليه رجل مغطى بقماشة سوداء كبيرة و(عَزَام) يقول:

- بترجع في الزمن ليوم واحد ونعيد الصراع لحد ما ننتصر، ونبقي من أصحاب الخطوة، زي أول حارس من جدودنا كان هنا واللي متغطى بيها دي الخبيثة.

تكلم (فرغلي) لأول مرة منذ نزلنا إلى هنا، وقال:

- الخبيثة بتاعتك يا (عَزَام) اتكلم عنها (ابن عربي) وقال إنكم بتلبسوها للناس اللي بتعبر لأرض الحقيقة.

- دا كان زمان، العبور منع دلوقت، والخبيثة إحنا اللي بنلبسها علشان تحرك في الزمن لكن لازم نكون بتحرك هنا، عند المدخل.

أزاينا (راضي) من طريقه وهو يتوجه إلى عزام ويقول:

- يعني مانقدروش ترجعوا بالزمن لأي مكان؟

- لا.. لو عايزين نرجع ليوم في الماضي بترجع هنا ونطلع بعديها لفوق ونعيش اليوم عادي.

صرخ (راضي):

- التعويض المكاني؟

- مش ناقصة كلام مش مفهوم، إيه اللي بتقوله ده؟

- دا افتراض في السفر عبر الزمن بيلغى احتماليته، لأن كل مكان في الكرة الأرضية بيحصل فيه تغير دائم، يعني لو أنا هسافر في الزمن وأرجع الماضي أو أروح المستقبل مثلًا وحيث أروح بيتي مثلًا فمفيش أي ضمان إن بيتي يكون موجود في الماضي، يمكن يكون كان مكان عمارة تانية و ساعتها لو أنا انتقلت في نفس مكان بيتي جسمي هايترتك بمجرد ما يصطدم بأي شيء مكانه.

طلب (فرغلي) تفسيرًا أكثر فحاول (راضي) أن يشرح مثلاً عن أن منزل فرغلي يتحرك الناس في غرفه ليل نهار فإن سافرت إلى الماضي وطلبت بشكل ما أن أكون في غرفة بمنزل (فرغلي) فلا ضامن من أن يكون أحد الأشخاص متواجداً في نفس الغرفة لحظة وصولي إلى المنزل وستختلط ذراتنا بعضها البعض؛ لهذا في السفر زمنياً مستحيل بسبب تغيرات الأرض، لكن هنا في تلك تحت منزل (أبو خطوة) لا يوجد بناء لآلاف السنين؛ لذلك فاحتياطات الخطر أقل بكثير لمن يسافر زمنياً.

أضاف (عَزَّام) بحزم:

- بس أصحاب الخطورة مابينفعش يسافروا أكتر من يوم، وإن
هنصطدم بالزمن وجندوه اللي هايرجعوا أي تغيير ويصلحوه.
- (ستيفن هوكنج) لو سمعك هايضربك بالنار.
- مين ده؟

رد (عَزَّام) على (راضي) الذي فتح فمه ليتكلم لكنني سبقته
فائلًا:

- ولو قدرت تغير في الزمن هايحصل إيه؟
- سكت (عَزَّام) مفكراً ثم قال:

- زي ما قلت لفرغلي بك قبلكم، الزمن مش هايتغير،
لكن هايفتح زمن جديد وقته قصير علشان يستوعب التغيير
اللي حصل، وبعد فترة الزمن ده هايدمر لوحده.

قال (راضي) مبهورًا:

- يا حاج (عَزَّام) إنت نص كلامك شعوذة وعجبائب
وغرائب، بس النص الثاني موزون ولا كأنك بتشرح النظرية
النسبية الخاصة.

هنا قال (عمر) بجده:

- وإزاي بتحررك في الزمن؟

تحطى (عَزَّام) المقعد في بداية الممر وسار إلى الأمام، ونحن
وراءه نحاول ألا تصطدم أجزاء جسدهنا بالجثة المغطاة ولا
بالغطاء نفسه، على جانب الممر غرفتان، مَرْ (عَزَّام) على أولهما،
وقال:

- هنا مدفون ملك من ملوك أرض الحقيقة أو أرض
السمسمة، والمدخل بتاع الأرض من هنا برضو.

ألقيت نظرة على الغرفة فوجدتها منحوتة في الصخر على
حسب علمي الهندسي البدائي، يتوسطها تابوت ضخم طويل
من الحجر.. أين المدخل الذي يخبرنا عنه؟

- ودي غرفة أصحاب الخطوة.

وأشار بيده ناحية الغرفة التي تليها فوققنا على بابها، مساحتها
متوسطة لكن هناك عند كل حائط من حوائطها الثلاثة لوحات
معدنية مزخرفة بتقطيعات غريبة، سأله (راضي):

- إزاي بتسافر في الزمن؟

- بيدخل الحارس إلى الغرفة وبيفكر في وقت معين يرجعله.

- يا سلام بالسهولة دي؟

- آه.

قطب (راضي) جبينه مفكرا ثم قال:

- يعني على حسب تفكيرك بتنتقل للزمن المطلوب .. بس
(جعفر) مدخلش الأوضة دي لما نقلنا، هو رمى علينا الخبيثة
باتاعتكم وبس.

رد (عمر) حزيناً:

- لأن جسم (جعفر) مايقاشه يحتاج الأوضة علشان
تشحنه، خلاص هو مش يحتاج أكثر من إنه يفكر.
(جابر) اللي قالك كده؟

قلتها فهز رأسه بالإيجاب، فرد (راضي):

- (جابر) بيوصف الفيزياء الكمية ونظرياتها، إدراكنا للعالم
هو اللي مخلِّي العالم حوالينا بالشكل ده، لو إدراكنا اتغير هايتغير
العالم حوالينا.. وعشان كده فيه أبعاد للزمان والمكان موجودة
لو إحنا أدركناها، (جعفر) مخه بيبنشي العوالم.

قاد (عمر) أن يدخل من باب الغرفة لكن يد (عَزَّام)
اعتراضته، وهو يقول:

- إوعى يا ابني، لازم الدخول ليها يكون وإنْت لابس
الخبيثة.

- طب ما يلبس الخبيثة قشطة.

قالها (راضي) فردد عليه (فرغلي):

- هو يلبس الخبيثة وإننا نلبس كلنا في الحيط، إنت ناسي إن (جعفر) بيستخدم نفس الأوضة ويتحرك بالزمن، تضمن إن (عمر) مايغيرش حاجة دلوقت وتأثر على (جعفر) في المستقبل
ومانعرفش مين هايموت المرة دي؟

- هو إنتوا السه مش فاهمين إحنا فين؟

قالها (راضي) وهو ينظر لنا، ثم أكمل وهو يغادر المر:

- إحنا عالم أدركه (جعفر)، حاول يغير في زمنه الأصلي
فظهر زماناً إحنا، و(جعفر) بيملاه بالأحداث علشان يحافظ
عليه أطول فترة، كده كده خربانة.

- (راضي) بيتكلم صح.

قالها (عمر) وأكمل:

- وأنا هاعمق الزمن بأطول فترة أحداث لكن بعد ما أفصل
(جعفر) عن بيت أبو خطوة.

انتهى طبيب التشريح الجنائي الذي استدعاه (جابر) بشكل رسمي من تشريح الجثة الملفوفة بالحبال والتي نقلها إلى ثلاثة مشرحة حلوان بشكل سري، التف (جابر) والطبيب حول منضدة التشريح بينما وقف (حلمي) في طرف الغرفة يعطي أنفه بمنديل قماشي يتنفس منه بصعوبة.

- يا دكتور (جابر) أنا مش قادر أديلك تفاصيل عن الجثة.

- بس جزء كبير من الجثة لسه محفوظ.

- أيوه بس هو مش محفوظ في فورمالين علشان أفحصه، يعني المعدة أتحلل معظمها وما أقدرش أفحصها، القلب والكبد انتهوا خلاص مش هاوصل معاهم حاجة.

- طب إيه اللي ممكن تستخلصه؟

أشار الطبيب إلى الجثة وقال:

- فيه جروح دفاعية سلبية في مناطق متفرقة من الجلد، وكدة بيقى الكسور اللي في القفص الصدري وعضم الساعد أرجح إيهما جروح دفاعية سلبية هي كمان، يعني صاحب الجثة كان بيدافع عن نفسه ضد هجوم شديد بإنه يتلقى الهجوم في

أجزاء جسمه بس طبعاً ماقدرش يتتجنب الإصابات.. أنا مش
فاهم إنتوا محتاجين تفحصوا جثة لبسها بيقول إنها من 100
سنة ليه؟

- طلبات من الرئاسة، المهم قولي الخاتم اللي معاه أقدر
استلمه إمتنى؟

خلع الطبيب ففازيه واتجه إلى منضدة قريبة عليها وعاء
يمتلئ بسائل أبيض وهو يقول:

- عمكن دلوقت، أنا نعمت الخاتم اللي كان في إيد الضحية في
 محلول عملته علشان أشيل الصدا، هو جاهز دلوقت.

أمسيك الطبيب بملقاط كبير نظيف وسحب خاتماً من
الوعاء، وضعه في قطعة قماش أخذ ينظفها جيداً حتى ظهرت
بعض ملامحها بشكل جيد، أعطى الخاتم لخابر الذي قرَّبه
من عينيه مدققاً في تفاصيله وتفاصيل النقوش المنحوتة عليه
بعناية.. ظهر الحزن على قسمات وجهه وهو يزفر نفساً حاراً من
صدره ويقول:

- شكرًا يا دكتور لتعبك معانا، تقدر تفضل دلوقت وأنا
هارج بعديك بشوية.

غادر الطبيب ببساطة و(حلمي) يقول معتراً:

- كنا نمشي معاه يا أخي ونتكلم بره براحتنا بدل القرف
اللي هنا.

نظر له (جاير) ورفع الخاتم ليراه (حلمي) وقال:

- أنا عرفت مين صاحب الجثة.

- مش إنت عارف إنه (فرغلي) صاحبك؟

- لا مش هو، ده (عمر أبو خطوة) اللي علمني عن الجن في
شبابي لما كنت في 2005.

أنزل (حلمي) المنديل من على أنفه وقال بدھشة:

- يعني (حسام) كدب عليك لما زارنا من كام سنة؟

- مش كده وبس، أنا في المستقبل بعت (عمر) لعصر (محمد
علي باشا) مع فريق التصوير وما كانش معاهم الكرة اللي مع
(أليكسندر)، وأكيد (حسام) كان عارف ده ومع ذلك طلب
مني أدخل المقبرة (فرغلي) اللي في باسوس، تفتكر ليه؟

- مش عارف.

- علشان الرصد اللي فيها يشتغل ويقتلني، (حسام)
بيحاول يتقم مني على اللي عملته فيهم لما هابعهم للماضي.

بعد صعودنا إلى المنزل مرة ثانية، قال (عمر) لفرغلي:
 - عايزين ناخد معدات التصوير ليبيتك علشان هافكها
 وأأخذ منها أجزاء علشان أبني أوضة زي الأوضة اللي تحت
 البيت.

أوقفه (عَزَّام) بيده قائلاً:

- إنت عايز تعمل كده ليه؟
 - محتاج أوصل لنقطة في سنة 2005 وقت ما حصلتلي
 الحادثة، أقدر أوقف (جعفر) وأكون مكانه قبل ما يعرف
 يسافر في الزمن.
 - لكن إنت مش فاهم لو سافرت لمرة واحدة وبعد من يوم
 هايحصل إيه.

قالها (عَزَّام) بغضب فنظرنا له متظربين أن يكمل.

- هاتبقى حارس للمدخل ومش هتقدر تسيبه زي (جعفر)،
 وهتموت في الآخر.

- يمكن أكون أحسن من (جعفر) و...

توقف عن الكلام والألم المعروف يعود إلى رؤوسنا جيئاً،
 (جعفر) هنا أو سيظهر، قبل أنا أفك أرنا في تلك الحاطرة وجدت

(عمر) يرفع يده ذات الخاتم ويصرخ بكلمات غير مفهومة مردداً إياها أكثر من مرة ثم قال بعدها (أحضرروا واحبسوا من يدخل لحضرتنا)، انقلب الموقف لسيرك عندما أمسك (عَزَّام) هو الآخر رأسه متأنقاً وهو يردد شيئاً من التعاويذ في نفس وقت ظهور البخار الأبيض واللون الأزرق ينبض داخله وهو يقترب من (راضي) و(عمر).

ابعد البخار قليلاً عنهم وظهر داخله جسد رجل لثانية وهو ينظر لنا، فجأة اختفى البخار واكتشفنا أن داخله ليس شخصاً واحداً بل اثنين، (جعفر) أحدهم وهو ينظر حوله كأنه يبحث عن شخصٍ، أما الثاني فقد صعد من الأرض من خلف (جعفر) وتشكل جسده ووجهه، الثاني هو أنا.. (حسام) الآخر الذي رآه (راضي) من قبل، نظر لنا هذا الآخر لثانية قبل أن يتتحم مع جسد (جعفر) ويدخله وجسد الاثنين يتتحول إلى ضباب في جزء من الثانية ثم ينقشع البخار الأبيض وتزول آلام الرأس تاركة الجميع في حيرة ما عدا (عمر)، الجميع نظر لي بدهشة ما عدا هو، (راضي) رآه مرة في السابق ومع ذلك ظهر الذعر الآن على وجهه، أما (عمر) فتعامل بشكل أكثر توقعاً مع الحدث.

قبل أن ينطق أحدهما بكلمة دوى صوت طرقات قوية على

الباب الخارجي للمنزل، أشار لنا (عزّام) بأنّ نبقى في أماكننا وذهب هو إلى الباب الخارجي ثم عاد، لم يكن وحده بل معه أكثر من عشرين جندياً في ملابس عسكرية مهيبة ويحمل جميعهم البنادق ذات الماسورة الطويلة ويحيطون بنا بتناغم عسكري جدّ الدم في عروقي، (عزّام) يظهر على وجهه الرعب ورجل كبير السن أشيب اللحية بملابس عسكرية يتقدم الجنود ويقف أمامنا وهو يحمل ورقة كبيرة، ابتسם (فرغلي) بود وهو يصيغ: - (سلیمان بك البواب) والله ليك وحشة.. أخبار الأنجال والأحفاد إيه؟ بتشوف (حوکمة الصربي) و... .

رفع الرجل يده أمامه ليوقف (فرغلي) عن الاسترسال ثم قال:

- تخيلي لك يا بك، لكن أنا هنا بأمر علي.
انتفض (عزّام) وظهرت الخيبة على وجه (فرغلي) والرجل يقول بصوت جهوري:

- بأمر من جناب خديو مصر والشام ومهرور بختمه يطلب منك صاحب العزة والمقام (محمد علي باشا) حفظه الله وأدام خيره بأن تحضر للممثل أمامه إنت ومن معك في ساعة الاستماع.

أنهى الرجل العبارة وأعطى الورقة إلى فرغلي الذي قرأها
بسرعة ونظر إلى الرجل قائلاً:

- هو الخديوي مقريف النهارده؟

الفصل العاشر

ينتهي كما بدأ

نسخ كثيرة من (جعفر).. هناك نسخة ثانية مني ومتلك قوة غريبة تشبه قوة (جعفر).. هذا العالم يمتلىء بالنسخ المستقبلية والقديمة، يتشاربون مع بعضهم جيئاً بالأطفال، الآن لن أندesh لو ظهرت خالتى تخبرني أنها أنت من المستقبل أو الماضي لتقول لي السر الذي لن أتوقعه، وهي أنها أنا في النهاية.. أقول هذا بناء على كلمات (عمر) التي أخبرني بها الآن ونحن جميعاً ما عدا (فرغلي) نركب عربة خشبية مغلقة يطلقون عليها عربة الترحيل وهذا الاسم أعرفه في زمني بالطبع الفرق أنها تخبر بالأحصنة، بينما (فرغلي) فهو في عربة كارتون سندريلا خاصته لكن معه حارسان.

بعد ربع ساعة من دخولنا إلى عربة الترحيل واتجاهها إلى قلعة (محمد علي باشا) تكلم (عمر)، أفضى بكل ما عنده كأنه يتخلص من ثقل يحمله، حكى من أول فقدانه الذاكرة عام 2005 إلى عام 2007 عندما كشف (جابر) أوراقه أمامه

وأخبره بأنه (جعفر) وأنهم يمرون بدائرة مفرغة لا تنتهي، حتى علم تفاصيل عن (حسام) الذي جاء من الماضي ليأمرهم بإرسالنا لبناء غرفة حدد هو تفاصيلها بدقة وموضعها وطريقة عملها التي تحاكي عمل منزل (أبو خطوة) لكن بطريقة أبسط تجعل (عمر) يستطيع الانتقال لمرة واحدة فقط دون عباءة إلى منزل (أبو خطوة)، وكيف أن (حسام) هذا -الذي من المفترض أنه أنا- طلب من (عمر) ألا يخبرنا بشيء كي لا يتأثر الزمن.

الآن بعد ظهور (حسام) الذي هو شخصيتي المستقبلية بهذا الحال فهذا الشخص كان يكذب، ولكن ما سبب أنني رأيت صراع مشابهة للذى حدث منذ قليل بين (جعفر) وبين نفسي ولكن قبل السفر إلى هنا و(جعفر) يخبرني وقتها أنه يشق في !! كيف وهو يراني أصارعه؟ أم أنه لم يكن قد علم بعد أم ماذا، رویت لهم ما رأيته فألقى (راضي) برأسه على كفيه وهو يزوم ويقول بحسرة:

- أنا دماغي لفت يابا.

توقفت العربية فجأة وانفتح بابها الخلفي لنرى الجنود يأمروننا بالنزول، لمحت عربة (فرغلي) تدخل من باب صغير في سور قلعة كبيرة، بالتأكيد هي القلعة التي أعرفها بزمي

لكنها متغيرة الشكل بـ 180 درجة، أعتقد أنها أكثر خشونة وحدة خاصة مع كمية الخيام المنصوبة أمامها ووقف عشرات الجنود المدججين بالبنادق في موضع نزولنا من العربة. أدخلونا من باب آخر أعتقد أنه خاص جدًا، بالطبع تأكيدت شكوكي عندما عبرنا هذا الباب لنسير في مجموعة مرات معقدة أفضت بنا إلى قاعة فسيحة يقف بها بضعة رجال.

- اقلعوا ملطا.

لو كنت سمعت عن التفتيش الذاتي فأبشرك أنه لا شيء أمام ما رأينا، لم يفتحونا ذاتياً فقط بل قاموا بعد أسناننا وسجلوها، ربما لن تصدق أنهم أعادوا تفتيشنا ثلاث مرات وكل مرة بإهانة أكثر من السابقة، أعطونا ملابس جديدة لترتديها وبدأوا في سؤال كل منا منفردًا عن اسمه وبلده وحياته وعلاقته بالبقية وبفرغلي.. طبعًا فضح أمرنا لأنَّ كلاً منا قام بتأليف قصة مختلفة عن الآخرين.

أخذونا وألقونا في غرفة معزولة مدة لا تزيد عن نصف ساعة جاءنا رجل بعدها عليه خيلاء وهيبة وحوله بضعة جنود قال لنا بلهجة مصرية متكسرة:

- إنْتوَا كذايِّن، ومع كده الباشا عايِز يشوفكم.

كبلوا أيدينا بأغلال حديدة تتصل بسلسلة مع أقدامنا واقتادونا إلى الخارج لنسير في ساحات القلعة حتى دخلنا مبني عادي ربها كان قصر (فرغلي) يدل على الترف أكثر منه.

داخل المبنى صعدنا كثيراً حتى أوقفونا أمام باب خشبي كبير وقديم في نفس الوقت، عند الباب وجدت (فرغلي) يتحدث مع هذا الرجل المدعو (سلبيان الباب) بطريقة توحى بوجود مصيبة، كنت أعتقد أن (فرغلي) قابل الباشا قبلنا وربما اعتقله، لكنه على ما يبدو لم يدخل له بعد لأنه جرى ناحيتنا وهو يقول:

- دا إحنا هانتتفخ جوه لما ندخل.

عاد لسلبيان مرة ثانية بينما أناأشعر بحكمة في رقبتي مع صوت أنفاس عند أذني اليمنى وكلما نظرت على يميني لم أجد شيئاً، افتح الباب وخرج منه بعد الرجال وأحدهم يرتدي بدلة هزلية كالتي نرتديها في عصري، لكنها مضحكة فعلاً، خرج رجل إلينا وهو يدعوه (فرغلي) إلى الدخول ويشير لنا نحن أيضاً، هنا همس صوت في أذني يقول:

- ماتخافش.

تصثبت لثوانٍ بموضعي صدمة لكن أحد الحراس جرني معه لتدخل إلى القاعة، قاعة تملئ بالأثاث الذي هو خليط

من الإسلامي والأوربي القديم وإن كنت أرى أنه خليط غير متجانس يجلس ثلاثة رجال على مقاعد يكتب أحدهم على ورقة شيئاً ما والاثنان الباقيان ينظران لنا بترقب، عيني كانت تتجول بحرية في القاعة حتى اصطدمت بعين (محمد علي باشا) التي كانت تتأملني.. لا لم تكن تتأمل بل تخترق روحي، هذه العين تعودت على التحديق طويلاً بدون أن ترمش، هو كما صورته اللوحات القديمة لكنه أقصر مما تخيلته قليلاً ولم يكن ممتلي الجسد إلى هذا الحد.

لا أعرف هل يشع الرجل هيبة وخوفاً، أم لأنني درسته في التاريخ بطفولتي يأتيني هذا الشعور، بعد تفكير لثوانٍ وبعد تركيزه نظراته على وحدى تأكدت أنه كتلة من الرعب تمشي على الأرض، بغض النظر عن أنه كان يجلس الآن على مقعد وثير، أين هي الأريكة التي يرسمونها دوماً وهو يتکع علىها؟؟
تقىمنا (فرغلي) رافعاً يده اليمنى عالياً وهو يصيح مبتسمًا:
- باشا مصر.

لو كنت مكان (محمد علي) الآن لأمرت بضرب عنق (فرغلي)، لكنه أدار عينيه من على وجهها إلى (فرغلي) وقال بوجه صلب بلا تعبيرات وبلهجة مصرية تحمل لكتة غريبة:
- ماجتش تبارك إمبارح ليه يا (فرغلي) بك؟

قرأت في مكانٍ ما أن (محمد علي باشا) لم يكن يعرف العربية نهائياً، هل هو تغيير في أحداث التاريخ أم معلومة ضائعة بين الكتب!

- كل سنة وأنت طيب يا باشا.. تعيش وتتفكر.

قالها (فرغلي) بعشم زائد فرد عليه الوالي:

- إمبراح صكينا أول جنية مصرى وأول قرش وأول باره.
في عبارته شيء ما من الابتسام أكاد أقسم إنني أشعر به، ولم
أراه على وجهه، أعتقد أنه يحب (فرغلي) أو يستلطفه.

- ولا كنت مشغول مع ضيوفك؟

قالها الوالي فهز (فرغلي) رأسه باستسلام وقال:

- الصراحة آه، أصلهم جم على غفلة.

تكلم أحد الرجال الحالسين بود شديد:

- إمبراح فيه تقرير وصلنا من دار الشرطة العمومية عن حادثة تواجد أجانب بدون تصاريح من قنصليتهم، وأنهم يبعك وضيوفك، وبعد التحري والاستفسار جالنا النبا إنهم خرجوا من دار السيد (عَزّام أبو خطوة) الواقعة بالقرب من باسوس، واتجهوا لمنزلكم الكريم، واليوم ظهروا بملابس أولاد البلد واتجهتكم كلكم لدار السيد (عَزّام) مرة ثانية.

- تعرف (فرغلي) بك معناه إيه مستشاري يستقبل أجانب
بطريقة مريبة في بيته ويلبسهم ليس مصرى؟
قالها الوالى بصوته الرنان الحامل بعض الغضب، فرداً عليه
(فرغلي) بسرعة:

- أنا عارف مقامك إن فيه تخوفات في البلد كلها علشان
المشاكل اللي بينا وبين الباب العالى في أسطنبول، لكن دول
أصدقائي من زمن وأنا كنت بعثتهم مهممة خارج البلد كعيون
ليا في اليونان.

نظر لي الوالى فجأة وأشار بإصبعه لاقرب منه، فاقتربت
وهو يقول:

- شكلك بيقول إنك قائدhem، قولي، الكلام اللي بيقوله
صح؟

في لحظة واحدة تداعت لرأسي كثير من الاختهارات انتهت
كلها إلى أننا في كل الأحوال واقعون في قبضته خاصة بعدما
تم استجوابنا وظهر عدم توافق كلامنا؛ لذا قلت وأنا أحارو
تمالك أعصابي:

- أنا مش قائدhem، وكلامه مش صح.
لم يظهر على وجهه شيء أو أيّ تعبير يدل على سماعه لي من

الأساس، لا شيء إلا النظرة القوية الباردة التي يركزها علىَ
بدون أن يرمش جفنه، فأكملت من نفسي:

- هو خايف يقول لحضرتك الحقيقة فهاتصدقش وإن كنت
حضرتك مش هتصدقها لو قلتلهالك دلوقت.

لا إجابة منه ثانية، فقلت وعين (فرغلي) ترجوني أن أتوقف:

- إحنا جايين من المستقبل، وبالتحديد سنة 2007 ميلادي،
وعندنا مهمة لازم نعملها هنا.

هذه المرة لم يحتفظ الوالي بوجهه الجامد بل ظهر تعبير
الاستنكار على وجهه وهو يستد ذقنه الكثيفة على قبضة يده
المغلقة ويقول:

- وإيه كمان؟

- مفيش حاجة تاني، أنا كنت صادق معاك وعارف إن
الصدق مش هايتجيني منك.

- ليه؟

- علشان أنا لو كنت مكانك ما كنتش هاصدق.

صمت طويلاً وهو ينظر إلى عيني حتى قال:

- إنت مصدق نفسك، وأنا مش مصدق إن فيه واحد
يكدب الكدبة دي قدامي، عندك دليل على كلامك؟

سمعت في أذني نفس الصوت الذي تخيلته منذ قليل ولكنه قال هذه المرة: "هاخر جك من هنا".

نظر (راضي) لي، لقد سمع الصوت معندي، لست مجنوناً إذاً، لكن هذا الصوت أعرفه جيداً.

- أكيد مش هنسافر في الزمن قدامك.

قاها (عمر) بتحدد فنظر له الوالي وقال:

- إنت لابس على عينك عدسات غريبة، دي منظار ضعف رؤية؟ جبتها منين من أوروبا؟
عاد الصوت ليهمس في أذني:

- وقف (عمر) عن اللي بيعمله، الجن مش هاي ساعده.

الللاحظة الأولى أني تأكدت أن هذا الصوت لي، هذا صوتي وإن كنت غير واثق في نبرة الصوت فطريقة الكلام هي طريقتى، الللاحظة الثانية أني فهمت تقريباً أن (عمر) يأمر الجن بكلمات، لأنه كان كان يحرك شفتين بلا صوت مسموع بعد أن سأله الوالي، افتحت الكلابات المحيطة بمعصمي وقدمي وسقط جزء منها كذا حدث مع (راضي) و(عزم) و(عمر) الذي ألقى ببقية السلسل أرضاً وهو يقول:

- أعتقد إن ده دليل كافي على كلامنا.

سمعت صوت استلال سيف وختاجر الحراس المحيطين
بنا من أجربتها المعدنية ثم في أقل من ثانية وضعت تلك
الأنصال على أعنافنا، وللعلم فهو لاء الحراس يعلمون كيف
يذبحون البشر جيدا لأنني شعرت أن نصل خنجر يرتاح على
وريدي الودجي برقبتي ويد الحراس الأخرى تمسك ذقني
وتجذبها للخلف، لو تحركت لستيمتر واحد بأي اتجاه سيتمّ
ذبحي بدون أدنى تأخير، بسبب ارتفاع ذقني للأعلى قليلاً
تركز نظري على سقف القاعة لكنني سمعت صوت الوالي
يوضح ويقول:

- شُفت كتير من أمور السحر والشعودة من وقت ما جيت
مصر، ومش انت يا علوج اللي هتخوفوني، جربوا تسحروا
ونشوف مين أسرع، انت ولا الحراس.

صوت (فرغلي) يقول بلهجة:

- يا عزيز مصر أقبل شفاعتي وخليل الحراس يسيبوهم، أنا
خدمتك عمري كله بإخلاص

- وأنا بحبك يا (فرغلي) بك، لكن الخيانة...

توقف صوت الوالي عن الحديث، أنا لا أراه لكنني لم
أفهم سبب قطع حديثه المفاجئ، ما هذا الدفء؟ لماذا ضغط
الحارس أكثر على رقبتي؟ أصوات الرجال الجالسين بجانب

الوالى تستعيد بالله من الشيطان وهناك أصوات جلبة بالقاعة..
صوت (فرغلي) يشقق، والوالى يقول كلمتين بلغة لم أفهمها
ولكن يبدو الخوف على صوت.. ثم في النهاية سمعت صوتي
يتردد ويقول بدون أن أحرك شفتي:

- وأنا موافق على التحدي، نشوف الحراس أسرع ولا أنا..
قولهم يبعدوا السيف عنهم يا مولانا.

صمت يلف القاعة لا يتردد داخله إلا أصوات استعادة من
الشيطان وبعد الأدعية غير المفهومة والتي تصدر من الحراس
خلفنا، سمعت صوتي يتردد ثانية ويقول:

- لو عايزك تموت كنت قتلتك يا باشا، وإنْت دلوقت شايف
صدق كلامي.

صمت طويلاً ثانية قطعه صوت الوالى يقول:
- سيبوهـم.

ارتفعت الأنصال من على أعناقنا في نفس الثانية من صدور
الأمر وأنزلت رأسي لأرى ما توقعته، صورة مني تقف أمام
الوالى لا يفصله عنه سوى متر واحد، وبرغم عمالك الوالى نفسه
إلا أن القلق كان يظهر على وجهه بعينيه المتسعتين وفمه المفتوح
الذى يتنفس منه ليأخذ أكبر قدرٍ من الهواء لرئتيه.

أما الصورة التي كانت نسخة مني والتي سأطلق عليها (حسام) الآخر فقد نظرنا حيتنا لأرى وجهه مليء بالحروق ويداه هما الآخرين حراوان في بعض المناطق، وعلى وجهه إعياء شديد كأنه يتآلم بصمت، ارتعشت صورته واهتزت كأنه صورة هولوغرامية ليست حقيقة، خطر لي أنه لو كان هذا الشيء هو أنا فأنا أحتج لنظام غذائي سريع لإنفاص الوزن، كما لم أتوقع أن أكون بهذا القبح بعيداً عن الحروق بوجهه، لو كان الناس يرونني على هذه الصورة فإن هيئتي مضحكة قليلاً كما أن صوقي مزعج.. لا يلومني أحد على تلك الخواطر التي فزرت برأسني في هذا الموقف الجاد؛ فالواحد لا يرى نفسه كثيراً إلا إذا كان مجنوناً.

قال أحد الرجال الذين كانوا يجلسون منذ قليل لكنهم الآن واقفون يرتدون خوفاً:

- إنت بسم الله الرحمن الرحيم من تحت الأرض؟
نظر له (حسام) الآخر ببساطة وهز رأسه نافياً فارتعد الرجل أكثر بينما (فرغلي) يقول:

- والله الموضوع كبر على القاضي يا باشا مصر، تيجي ننسى اللي حصل ده ونبداً من جديد.

نظر له (حسام) الآخر والذى اختفى جزء من حروق وجهه
وقال ببرود:

- هانسى يا (فرغلي)، بس مش هايتفع نبدأ من جديد.
اختفى فجأة من مكانه وسمعت صرخة مكتومة من خلفي،
نظرت للحارس ورأى فوجده صريعاً على الأرض وجسده
ووجهه وكفاه محترقون بالكامل عدا ملابسه، كذا بقية الحراس
من خلفنا وإن كنت رأيت (حسام) الآخر يختفي ويظهر خلف كل
حارس منهم ويده تشع ضوءاً أزرق يلمس كل حارس فيتفحّم
وجهه ويسقط، لن أبالغ إن قلت أن كل هذا حدث في ثانيةين
وربما أقل حتى إن الحراس لم يفهم معظمهم ما حدث وانتهت
قدرتهم على الاستيعاب وهم يستقطون واحداً تلو الآخر.

نهض الوالي وهو يصرخ:

- خيانة.

لكن (حسام) الآخر ظهر أمامه فجأة وقال وهو يمد يده
إلى مني ناحية رأسه:

- حراسك ممكن يقتلوهم من الخوف.

لمست يد (حسام) الآخر عمامه الوالي فسقط أرضاً، كذا
فعل مع الثلاث رجال الباقيين، ونظر لنا و(فرغلي) يصرخ به:

- قتلت ناس ماهاش ذنب ليه؟؟

- كان لازم الوالي ينسى كل حاجة عنك وعنهم، والحراس
مش هايستنوني لما...

قاطعه (راضی) فائلا:

- إنت من أئمـة عصر وـلا مـنين وـلا حـكاية أـمك إـيه؟
سقط (حسام) الآخـر عـلـى رـكـبـتـيـه وـعـادـت الـحـرـوق تـزـيدـ
بـجـسـدـه وـعـيـنـيـه تـعـلـقـ بـعـيـنـيـ وـهـو يـقـولـ بـوـهـنـ:

- من مستقبلكم، بس فشلت خلاصن، كل ده ما كانش المفروض يحصل.

سار (عمر) ناحية (فرغلي) قائلًا:

- خدنا ليتك بسرعة، لازم نبني الغرفة وأنا هاصلح كل حاجة.

- اهربوا.. (جعفر) يقدر يعمل زبي ويحيى ليكم في أي مكان.

فاما (حسام) الآخر بوهن أشد كأن وثيره آلامه ترتفع
تدر يحيى:

- إنت بتتحرك في الزمان إزاي؟ المفروض (عمر) يكون هو اللي مكانك.

- قلتها وأنا أخطو ناحيته و(فرغلي) يقول لعمر:
- إنت فاكر قاعة الحكم يحصل فيها كل القتل ده وهنعرف نخرج من هنا؟ باب القاعة لو افتح الحراس هايقتلونا.
 - قال (عزام) بشقة:
 - الروحانية اللي معايا أنا و (عمر) هتأمن خروجنا.
 - لوح (فرغلي) يده باستهزاء وهو يقول:
 - والنبي تقدعوا في حنة ناشفة إنتوا والجن اللي معاكم دول.
 - توقفت عين (فرغلي) عند المهد الذي كان يجلس عليه الوالي، لمعت عيناه وهو يقول:
 - إحنا ممكن نخرج.

جرى ناحية المهد وعندما مرّ بجسد (محمد علي باشا) المغشى عليه أخذ يرفع يده وينحنني وهو يردد كالمجاديب (باشا مصر.. باشا مصر)، ثم تخطاه حتى وصل إلى المهد وأخذ يبحث في الحائط الملافق لظهوره وهو يقول بعصبية:

- حد يساعدني بسرعة يا بهائم.
- أيوه يعني نعمل إيه؟
- قالها (راضي) وهو يجري ناحيته فردّ (فرغلي) وهو يحاول خلع المهد:

- فيه مهرب قديم للوالى معمول في حنة هنا.
- شد الاثنان المقعد فتحرك معهم بعد بذل الكثير من الجهد، حتى انضم لهم (عمر) و (عزم) يساعدانهم وأنا أقف أمام (حسام) الآخر الذى بادلني النظرة وهو يقول بوهن:
- إنت مش فاهم حاجة، كان لازم كل حاجة تمشي صح علشان تتحول وتبقى أنا.
- طب اعمل أي حاجة، ارجع بالزمن قبل ما ندخل القاعة دي.
- ما أقدرش أرجع في الزمن إلا وأنا في (دهشور).
- كما توقعت.. (حسام) الآخر يستخدم المدخل الثاني كما يستخدم (جعفر) منزل (أبو خطوة)، قال لي وهو يكافح ألمًا ما:
- اهرب وحاول تحافظ على حياتك.. لو انت مت أنا كمان هموت.
- ثم نظر لباب القاعة وقال:
- وأنا هحاول ألغي تفاصيل وجودكم النهارده من دماغ كل اللي شافوكم في القلعة.
- فجأة اتسعت عيناه وهو يقول بخوف:
- (جعفر)..

أعتقد أن (فرغلي) والبقية أزاحوا المقدد في تلك اللحظة، فظهور في الجدار خلف المقدد فتحة دائيرية كبيرة داخلها درجات سلم تتجه لأسفل، اختفى (حسام) الآخر بلمح البصر ودخان أبيض يظهر عند أحد أركان القاعة ويتشكل مكانه (جعفر) بملابسه السوداء، لكن نظرته كانت أشرس هذه المرة وهو ينظر ناحيتي، اختفى من مكانه وظهر بجانبي فأجللت مبتعداً لكنه تخطّأني وأكمل حركته ناحية (فرغلي) والبقية، تجمّد (جعفر) في موضعه لثوانٍ وكأن قدمه مثبتة، نظر حوله ثم وجّه عينيه باتجاه (عمر) الذي كان يردد كلماتٍ ما من تعاويذه.

هل الجن قبل حركة (جعفر)؟ لم أنتظر الإجابة لأن هناك ضوءاً أزرق خرج من جسد (جعفر) كأنه أشعة ضوئية ثم تحول إلى اللون الأصفر وأتت أصواتٌ من أركان القاعة تشبه الصراخ لكنني لم أرَ من يصرخ.. تحرر بعدها (جعفر) من القيد الخفي واختفى ليظهر أمام (عمر) وهو يمد يديه ناحيتي، قبل أن تلمس يده جسد (عمر) ظهر (حسام) الآخر خلف (جعفر) وأمسكه لكن (جعفر) شعر به والتفت له بسرعة وأمسك به والأبخرة البيضاء تغلفهم وزيادة في عروض السيرك التي رأيتها اليوم سقط فمي دهشة، عيني لا تصدق أن (جعفر)

احتضن (حسام) الآخر وجّه صاعداً إلى سقف القاعة حتى
اخترقها كالدخان.

أعتقد أن العرض انتهى مؤقتاً علينا أن نغادر القاعة قبل
أن يعود المجنونان ثانية، دخل أصدقائي في الفتحة الدائرية وأنا
أتبعهما على السلم والظلام يحيط بكل شيء حولي.

لو قتل (جعفر) (حسام) الآخر لن أموت لأنّه هو مستقبلٍ،
أما لو قتلت أنا فهو سيموت، من فرط قوّة (جعفر) أشك أنه
سيقتل، لكن على الجانِب الآخر زاد إعجابي بنفسِي المستقبلية
التي تبدو القوّة عليها، الحقيقة أن جسدي وعقلِي غير مؤهلين
لهذه الأعماال المبهرة التي يفعلها (حسام) الآخر، ولن أتخيل أو
أفكِر بأنني سأصارع كالأبطال الخارقين في الأفلام الأمريكية.
سمعنا صوت (فرغلي) الذي يتقدمنا في الظلام وهو يقول:

- أنا لقيت باب بس مش عارف أفتحه، إيديكوا معايا.

أبطأت نزولي الدرجات كي لا أصطدم بمن يسبقني حتى
ظهر ضوء من جراء فتح باب ما وظهر ضوء الشمس، خرجنا
لنجد أنفسنا في فناء خارجي من المفترض أنه مُهمَل لأنّ به
بعض الأثاث المحطم وهناك كلب أو اثنان، لكن الخازوق
كان في اثنين من الجنود يقفنان يدخنان غليون بعصا قصيرة،
وجودهما هنا غير طبيعي فهما أشبه بطلاب المدرسة الهازرين

من الحصبة لتدخين سيجارة في الحمام، أجهلا ودارى كل منها
غليونه فصرخ فيها (فرغلي):

- خيانة.. عايزين يقتلوا الباشا.. اقفلوا أبواب القلعة.

ارتبك الجنديان وهما يلقيان يرفاعن بنادقهما ويخرجان
أكياسا من أحزمتها، لكن (فرغلي) عاد ليصرخ عليهم:

- نفذوا الأمر.. اللي يحاول يخرج من القلعة اقتلوه.

جرى الجنديان مبتعدين وأنا أقول لفرغلي هامسا:

- هنخرج إزاي دلوت؟

لم يرد علي وهو يجري بالتجاه سور جانبي ونحن معه، توقف
وهو يبحث في الأرض الترابية وجلس على ركبتيه يضرب على
الارض بجنون حتى وجد حلقة معدنية كبيرة جذبها بقوة
فانفتحت بوابة حديدية صغيرة حشر نفسه فيها وهو يقول:

- دا باب هروب سري، أظن واضح.

لم يكن يحتاج للشرح لأننا سندخل لأي مكان هرباً مما
يتظروننا لو قبض علينا، وهذا الباب الأرضي لم يفض إلا إلى مر
عطن الرائحة مليء بالمياه الجوفية سرنا فيه لدقائق نحاول ألا
نسقط في الظلام حتى وصلنا إلى سلم خشبي تسلقناه وخرجنا
من بوابة معدنية أخرى.

صعدنا لنجد أننا نقف في منطقة مرتفعة عن الأرض، تحيط بنا الرمال والصخور وتطل على طريق مهد نراه بأسفلنا تسير به بعض الحمير المحملة بأشياء لن أراها بسبب ارتفاعنا الشاهق.

- ماتقلقوش أنا عارف طريق من هنا ياخذنا على ...
انقطعت جملته لأننا سمعنا صوتاً يأتي من مستوى أعلى منا،
صوت صارخ ينادي بأقصى قوته ويرن صدى صوته حولنا
فائلاً:

- حرس سلاح.. حرس سلاح عند باب الانكشارية.
رفعت رأسي لصدر الصوت لأنطلع إلى نقطة بعيدة في أحد أجزاء السور الخارجي للقلعة، نقطة بها بناء مربع صغير كأبراج الحراسة الفردية، ويتواجد فيها فعلاً جندي يحمل بندقيته ويصوبها ناحيتنا، المسافة بيننا كبيرة جداً حتى لا أراه إلا كنقطة، وهذا الجندي المسكين ببنادقته البدائية سيهدر طلقته الوحيدة ثم يعيد تعبيتها في فترة طويلة تكون قد هربنا بل وسافرنا عبر الزمن حتى.

أطلق الجندي طلقة الرصاص فتردد صداها وأنا أفك جدياً في تلك اللحظة بأنه من المحتمل أن يصيب أحذنا، جاءتني هذه الفكرة وشيء ما يدفعني للخلف لأقع أرضاً على ظهري، تحياي مدرب هذا الجندي الذي جعله يقتضبني من كل هذه المسافة،

متى عرفت أني أصبت؟ حسناً لا يوجد ألم في أول ثلاثة أو أربع ثوان، ثم شعرت بألم يزيد تسارعه برقبي، الطفة من قوتها دفعتني للخلف لكنني لم أتبين موضعها بجسدي لذلك حاولت النهوهض .. وفشلت، لم تطاوعني أطرافي، أشعر بالضعف حتى أن تحريك جفن عيني يتطلب مجهاً جباراً.

الألم يزيد برقبي وأحدهم يحملني، أعتقد أنه (عمر)، الألم يزداد وأشعر بأن قدرتي على تحمله تضعف، ثم ظلام دامس.

أحلام كثيرة تراودني لا أتذكر منها شيئاً سوى ألم في الرقبة أيقظني، فتحت عيني لأجد نفسي بفراش لم أتبين ملامحه بسبب الظلام الدامس، صرخت منادياً على أي أحد فخرج صوتي ضعيفاً واهناً، ناديت مرة ثانية وثالثة حتى افتح الباب ودخل (راضي) يحمل شمعة طلبت منه ماء فسحب دورقاً نحاسياً من كومود بجانبي وأجلسني نصف جلسة وألم رقبتي يضغط على أعصابي لكنه في الحقيقة ألم يمكن تحمله هذه المرة، شربت الماء مستخدماً يدي بشكل طبيعي ثم تحسست رقبتي لأجدها مغطاة بضمادات كبيرة في جنبي الأيمن، دخلت الرصاصة فوق الترقوة بقليل على الأرجح لأنني أشعر بموضع الألم في هذا المكان، قلت له بوهن:

- بسرعة.. قولي إيه اللي حصل؟

- حد ضربك بالرصاص.

ابتسمت وأنا أرد:

- آه ما أنا عرفت، إيه اللي حصل بعديها.. ولا عايزني
أقولك أنا فين وأنا مين.

- بعد إصابتك هربنا من الحراس، (فرغلي) وصلنا لبيت
من بيته، مش طلع خبيث وكان باني تلات بيوت ومش
معرف حد بيهم.

- مبروك يا سيدى.

- مفيش.. أدينا قاعدين فيه من ساعتها.

- خلاص كده؟ طب وإصابتي..

- آآآآاه انت بتسأل عملنا معاك إيه، معلش أصل الموضوع
بقاله فترة، عدى عليه يجي أسبوعين.

- وعملتوا إيه؟

- عالجناك.

- إنت بقىت بارد ليه كده يالا!! محسسي إني فرحة ملهاش
لازمـة كانت ماشيـة معـاكم واتـعورـت.. ما تحـكي أنا مش قادر
أزعـقـ فيـكـ.

- طب ما إحنا عالجناك وخلاص.

- إنتوا شيلتوا الرصاصية بيإيه؟

- لا دا إنت حظك كان بمب، الرصاص خرجت من الناحية الثانية، الدكتور جه وفحصك.

- جبتو منين دكتور؟

- بص يا صاحبي أنا قعدت هنا كتير وبطلت أندesh، الدكاترة هنا بالهبل، أهو حظك إن (فرغلي) جاب دكتور لسه راجع من بعثة لإيطاليا بنار الفرن، نصف جرحك وركبك أدوية سايهالنا هنا نديك منها.. لأنت مش فاكر؟

- فاكر إيه ياد؟

- ما إنت كنت بتتفوق كتير الأسبوعين اللي فاتوا، حقيقي كنت مدروخ ومرتين جاتلك حمى وكنت هتموت بس ساعات كنت بتسأل على حاجات، وساعات كنا بنعرف نأكلك أي حاجة، بس الحاجة المقرفة إننا كنا بنغير لك هدوتك لما...

قاطعه بسرعة:

- مش عايز أعرف مانكمليش.

قال وهو يجلس على الفراش وما زال ممسكاً بالشمعة:

- إحنا صحobiيتنا انضررت في مقتل يا (حسام) خلاص،

شوفت اللي امينفعش تشووفه غير أملك، أو مراتك لو كنت أوين مايندد.

- ما خلاص بقى ماتخنقنيش.. يعني محصلش حاجة الأيام اللي فاتت؟

- لا.. اتفقنا إن حدش فينا يتحرك من البيت إلا للضرورة القصوى، رجالة الوالي بيدوروا علينا، يمكن الوالي نفسه واللي معاه ناسين اللي حصل بس مسرحية الهروب اللي عملناها دي خلتهم عايزين يوصلو لنا.. حتى (عزم) خبى أهله في مكان أمين ورجع قاعد معانا من ساعتها لحد ما تنتهي المشكلة.

دخل الغرفة (فرغلي) يحمل مصباح جاز.. وهش وجهه بمجرد أن رأني وهو يقول:

- إنت صحيت ولا لسه بتختظرف؟

- أظن إني فوقت خلاص.

نظر هو إلى (راضي) وقال:

- أمال انت ماسك شمعة ليه هاتحرق الأوضمة يا أسطي.

تعبيرات (فرغلي) لا تناسب سنه ولا شاربه ولا لحيته الأنثقة، كما أنه عاد لاكتساب بعض الكلمات من (راضي) والتي كان قد نسيها طوال السنوات السابقة، ردًّا (راضي) بحاجة:

- ما أنا كنت رايح بيت الراحة ما أعرفش إنه صحي.
- بيت راحة إيه؟ إنت بقىت تتكلم زيه يا (راضي)؟
- اسكت مش أنا عملت (شطاف)، هو بسيط بس فظيع،
هاتلاقيه في بيت الراحة هنا.

قال (فرغلي) بامتنان:

- والله أنتشت الواحد يا (راضي) بعد كل السنين دي.
- إيه يا جماعة؟

قلتها فنظروا لي بعيون متسائلة فقلت:
- أنا ملاحظ إن البال رايق والدنيا جميلة، هو خلاص كده
هنفضل في البيت ده طول حياتنا؟
- لو خرجننا الشرطة هاتقفشنا، أو الأسوأ، (جعفر) يعرف
مكاننا.

قالها (فرغلي) وهو يستند على جدار بجانبه و(راضي) يقول:
- الفترة اللي فاتت بعد تفكير قدرت أكون معلومات عامة
عن اللي بيحصل تحب تعرفها؟
- بعد إذن سيادتك لو تحب.

قال (فرغلي) قبل أن ينصرف من الغرفة:
- أنا هاخليهم يحضروا أكل لينا كلنا.

الحقيقة إنني شعرت بالجوع بعد استيقاظي لكنني خجلت من ذكر شعوري، أما (راضي) فأعاد ذكر كل ما حدث لنا من البداية حتى وصل إلى الفيديو الذي تركته لنا (صفاء) وظهرنا به نحن الاثنين معها

- فاكر يا (حسام) اليوم ده؟

- يوم إيه؟ أنا مش فاكر إننا كنا معاها في البيت أو باللبس

.٥٥

- بس ده اللبس اللي إحنا سافرنا فيه للعصر اللي إحنا فيه دلوقت.

- أيوه يعني عايز تقول إيه؟

- عايز أقول إن ده لسه في المستقبل ومعناه إننا هتتحرك من هنا ونكون في بيت (أبو خطوة) اليوم اللي (صفاء) دخلته علشان تقضي ليلة هناك.

قال لي أن (صفاء) دخلت المنزل وحدث تداخل فيه بين الماضي والحاضر والمستقبل، فصفاء كانت جالسة وشاهدت أجزاء من المذبحة التي حدثت، كما كنا نحن في اليوم الذي دخلنا لهناك لتصوير حلقة البرنامج شاهدنا خيالات لصفاء جالسة تبكي وشاهدنا وقائع المذبحة، لم أترجم كلماته في عقلي في البداية لكنه أعطاني مثلاً بأن الغرفة التي أرقد فيها من

المفترض أن هناك أحداثاً مرت عليها أمس وأحداث ستمر عليها غداً، على حسب كلامه فإن كل هذا الأحداث تحدث في نفس الوقت الآن، فلا وجود للحاضر أو الماضي أو المستقبل في الزمان والمكان، كل الأحداث تحدث في نفس الوقت، ومستحيل أن تظهر أحداث الماضي والحاضر بوضوح إلا لو كان الزمان ينهر نظرياً.

ولو تتبعنا (جعفر) وعلمنا أنه قام بتغيير في الزمن عندما جذر ابن كبير عائلة (السلاموني) فكان نتيجة هذا مذبحه داخل المنزل، من هنا تكون الزمن البديل للزمن الحقيقي، زمن تحدث فيه هذه الأحداث، وفي هذا الحدث يكون الزمن الجديد الذي نعيش فيه أقرب للانهيار لذلك حدث تداخل للأزمنة هذا اليوم.

- هاعمل نفسي فاهم اللخبطة دي بس بسط كلامك أكثر
وحياة أمك.

عاد ليبيسط لي أن (جعفر) عندما قام بتغيير ضخم في زمنه الأصلي انشق عالم جديد وهو عالمنا بنفس شخصياتنا ولكن بتغيرات عليها بسبب اختلاف الأحداث التي أدت لنشأتنا، فحدث بسيط يمكن أن يغير معتقداتك. وأفكارك وبالتالي يغير طريقك في الحياة، فلو كان (راضي) مثلاً أستاذ موسيقى في عالم

(جعفر) الأصلي فهو هنا مهندس بسبب تغيير الأحداث التي قام بها (جعفر) عام 1993 وصنع المذبحه بالمتزل وهذا التغير أثر على كل ما حوله وجعل (راضي) يتوجه لدراسة الهندسة ومن ثم تغير حياته، وإن كل من تغيرت حياته تأتي له ذكريات من زمنه الأصلي كما كانت تأتي لراضي أحلام عن (دعاة) لأنه ارتبط بها في زمنه الأصلي برغم أنه لم يرها هنا من قبل.

وعندما أراد (جعفر) أن يجعل هذا الزمن الفرعي مستديم وكامل أخذ بتغيير أحداث في زمنه الأصلي مثل إرسال نسخته التي تعيش هنا إلى الماضي البعيد وإرسال (فرغلي) لزمن تاريخي أقدم ليحدث تغيراتٍ تصنع تاريخاً يطيل عمر الزمن الفرعي.

- معلش أنا عمال أعديلك، بس إنت تقصد إننا مش حقيقين؟

- والله ما أعرف، دي كلها افتراضات ونظريات علمية عليها حبة خيال علشان تفسرها وماتنساش إن فيه نظريات علمية عليها إثبات رياضي إن الذرات عندها إدراك وقدر تغير براحتها.

- وأنا مالي بالذرات دلوقت متتغير زي ما هي عايزة.

- يا حاج (حسام) أنا بيسطهالك، تخيل الذرات اللي بتكون الكون اللي حوالينا ممكن تتغير وتكون كون ثاني.

- طب والكون الأولاني راح فين؟
- هايفضل موجود، انت بس لو أدركت إن فيه كون تانى
هاتشوفه، والظاهر والله أعلم دا اللي بتعمله الغرف اللي تحت
بيت (أبوخطوة)، بتحول إدراكك (جعفر) أو الحراس اللي كانوا
بيحرسوا المداخل لعالم حقيقي متكامل، كأنها بتنفذ ليك
أمنياتك.

دخل (عمر) علينا حاملاً مصباح جاز وهو يقول مبتسمًا:
- (فرغلي) صحاني من النوم ويشرنى إنك بقىت كوييس.
- إزريك يا (عمر)؟ إنتوا كلكم ماشين شايلين لمبة جاز.
- أصل البيت هنا فقير شوية مفيهوش البتاعة اللي بتعلق
في السقف دي.. اسمها إيه يا (راضي)؟
- قنديل أم هاشم.

جلس على طرف فراشي وقال:

- طبعًا (راضي) مسك ودنك ويبحكيلك على نظرياته
العقلية.
- هو حكالك؟

- دا ماسابش حد إلا لما حكى له، دا بيقعد في الحمام يكلم
نفسه في الأفكار دي.

- ما أنا بسللي نفسي.

قلت أنا:

- هو لحد دلوقت مقالش حاجة مفيدة.

- سمعته لما بيقول إن (حسام) اللي هو إنت في المستقبل
يستخدم المدخل اللي في (دهشور)؟

نظرت لراضي الذي صرخ معتراضاً:

- إنتما كلکم اتعمیتم، دا هو نسخة من (جعفر)، الحرائق
والبعض اللي في جسمهم اللي بتظهر وتحتفي شبه سرطان الجلد في
آخر مرحلة، خالي الله يرحمه مات بيها وأنا صغير، جسم الاثنين
يتعرض لنوع من الإشعاع النووي أو مجال كهرومغناطيسي
عالٍ لفترات طويلة أوي، يمكن علشان بيسافروا في الزمن
فيتعرّضوا للأضعاف أضعاف اللي يتعرض ليه شخص عادي،
لكن الاثنين يتعرضوا لمصدر طاقة، (جعفر) في بيت (أبو
خطوة)، والمكان الثاني المتاح حسب كلام (عزم) هو المدخل
الثاني اللي في (دهشور).

- أمال ليه طلب من (جابر) إني أروح وأبني غرفة في بيت
(فرغلي)، الأدوات اللي ادهالي والمفروض أبني بيها الغرفة
(جابر) أخذها من مقبرة (دهشور) على حسب كلام (حسام)
نفسه.

- أكيد (حسام) هو كمان بيغير في الزمن اللي إحنا فيه دلوقت
بس من غير ما يخلي حد يسافر معاه، يمكن فيه حاجة في دماغه
إحنا مش فاهمنها.

تنحنحت أنا وقلت بصوت خافت:

- (راضي) بيتكلّم صح.. وإحنا قدام (محمد علي باشا) فالـ
إنه مش هايقدر يسافر في الزمن إلا لما يكون في (دهشور).
ارتفع حاجب (عمر) وهو ينظر لي بينما شهق (راضي)
وأشار ناحيتي وقال:

- كلامي صح، شفت، (حسام) كان بيعركنا زي قطع
الشطرنج، نفس اللي بيعملوا (جعفر)، والاثنين في صراع مع
بعض في كل الأزمنة لأن كل واحد فيهم عنده رؤية مختلفة
للأحداث اللي بتحصل والتاني معارضه وعايز ينفذ رؤيته.
يمكنني بسهولة لو رأيت هذا الحوار يتم بين ثلاثة أشخاص
في غرفة أن أتوقع أن تكون تلك الغرفة في مستشفى المجانين لا
غرفة نوم عادية، قلت لهم مبتسمًا:

- عارفين أنا نفسي في إيه؟ نفسي أدور على فيشة الكهربا
بتاعت كل حاجة وأشيلها وأرتاح.

- أنا بكلمك عن نظريات علمية وإننت بتلخص القصة في

فيشة هاتشدوا من الكوبس.. إيه هو تلفزيون هاتطفيه وتدخل
تنام.

هرش (عمر) في ذقنه وهو يقول مفكراً:

- لو عرفت أروح بيت جدي اللي سينبا فيه الشنط وأخذ
الحاجة وأبني الغرفة عمكن نتأكد من نظرية (راضي).

قلت أنا:

- طبعاً البيت دلوقت عليه حراسة.

- لا الحراسة مش مشكلة، أي جني عمكن يخليني أدخل
البيت.

ردّ (راضي) بدهشة:

- إنت مش قولتلي إن الجن اللي معاك اتحرقوا وماتوا بسبب
(جعفر) يوم ما كنا مع الباشا.

- آه بس عمكن أعمل عهد عادي مع قبيلة جديدة.

قلت أنا:

- طب ما تعمل كده.

- أنا خوفي من (جعفر)، لو عرف مكانى عمكن يوصلكم
هنا، واللى فهمته من اللي شفته منه إنه بيصطادنا واحد ورا
الثاني.

من منطقة بعيدة في عقلي لمعت فكرة ضعيفة غير منطقية
لكني لم أصرّح بها بل كل ما فعلته أبني قلت:

- (عزم) موجود في البيت دلوقت؟

- آه بس نايم، تحب نصحيه؟

- لا خلية لبكرة لما يصحى براحته.

- تلاقي (فرغلي) صحاه علشان يشوفك، هاقوم أندھولك.

قالها (راضي) وهو ينهض لكتني أوقفته وقلت:

- أنا هابقى أكلمه بعدين.

مرّ يومان ولم أحدث (عزم) بها أريد، ربما لأن الفكرة ما زالت تختمر بذهني، في هذا الوقت اكتشفت أبني قادر بشكل جيد على تحريك يدي اليمنى حتى ولو كانت هناك آلام في رقبتي وجزء من كتفي، أعتقد أن الأدوية التي أتناولها تعطي مفعولاً جيداً برغم أنها أدوية سائلة تم تركيبها بناء على وصفة، أي أن احتفالات الخطأ عالية لكنها كانت أكثر من جيدة، خاصة ذلك المهدئ أو المخدر الذي يخفى الألم عنِي دائمًا، لم أكن أتناوله بانتظام منذ استعدت وعيي لأنني لا أريد الإدمان عليه.

سألت في مرة (عمر) لماذا لا يذهب إلى هذا المكان بدھشور ويحاول تشغيله فربما نجح واستطاع أن يكتسب نفس قدرات (جعفر)، لكنه أخبرني بأن لو (حسام) الآخر فعلًا يستخدم هذا المكان كان أولى به أن يستطيع مهاجمة (جعفر) وتوقيفه عن تغيير الزمن.. تزاحت الأفكار في رأسي بشدة، (عمر) هو الآخر ينويأخذ مكان (جعفر) عندما سيدخل قبله للمنزل ويعدّل فيه، ويعتقد أنه سيستطيع حل كل المشاكل، و(حسام) الآخر هو أيضًا يتحرك في الزمن مغيرًا من الأحداث، لكن ما حدث بالأيام السابقة لم يخطط له (حسام) وهذا واضح، فما الذي ستنتهي به الأمور بالأيام القادمة؟

اليوم اختارت الفكرة برأسى واقترحتها عليهم ونحن نجلس على الطبلية نتناول طعام الغداء.

- إيه رأيكم لو نقابل (حسام) الثاني ونخليه يكشفلنا هو عايز إيه ونساعد بعض.

توقف (راضي) عن تناول قطعة اللحم الحمراء وابتلع ما بفمه من طعام ثم قال:

- وده نوصله إزاي يعني؟ نتصل على موبايله.

ضحك (عزم) وفهمت أن (راضي) أو (عمر) حكى له عن بعض الاختراعات في عصرنا، بينما قال (عمر):

- أنا عارف هو عايز يعمل إيه، إنت عايزنا نروح (دهشور)
ونقابلة هناك.

- مش يمكن لو روحناه مانلاقهوش هناك، يكون الرجال
مسافر في الزمن ولا حاجة.

قالها (راضي) وقهقة ضاحكا بساجة بينما أنا أقول:

- أستاذ (عزم)، إنت تعرف بالتحديد مكان المقبرة؟

- يا ابني أنا مش أستاذ ماتتعبيش، وآه أعرف مكان المدخل
الثاني اللي في (دهشور)، بس هي مش مقبرة دي.

- ماشي ماشي مش مهم مقبرة ولا مدخل، لكن إيهرأيك
لو تاخدنا هناك ونحاول نخش لحسام إذا كان هناك فعلاً.

قلت عبارتي والمحاسة تتملكني فقال (فرغلي):

- ولو ماوصلناش حاجة ممكن نكشف نفسنا و(جعفر)
يوصلنا.

- لو اتكلمنا بالعقل فشكل (جعفر) و(حسام) اللي من
المستقبل ده بيعرفوا يسافروا في الزمن من خلال الأوضة لكن
لو بعدوا عنها بيكونوا أضعف، ممكن يتنقلوا من مكان لمكان
أو يختفوا، لكن مايعرفوش أماكناً إلا بشكل عادي، يعني
احتمال إنهم يوصلونا قليل، دا بالعكس عساكر الوالي أقرب
لينا منهم.

كان قائل العبارة هو (عمر) والذي لم ينْهِ كلامه بل أكمل:
- طالما كده كدة هنخرج يبقى أنا هاروح بيت جدي وآخذ
الشنط من هناك والباقي يطلعوا على (دهشور).

قلت أنا:

- بس إنت لو دخلت البيت أكيد (جعفر) هايحس بيـك،
أكيد إنت ملاحظ حاجة زي كده من كل اللي شفناه.

- هي محاولة ويمكن تنجح.

- بس دي محاولة انتحارية.

ردّ على مبتسماً بسخرية:

- ولو إنت رحت لحسام اللي من المستقبل واكتشفت إنه
خبي لينا مفاجأة ويطلع أوسع من (جعفر) نفسه، كله انتحار،
أناحتاج بس أبني الأوضة وأعمل التجربة دي، ولو أنا فشلت
ممكن إنتوا تنجحوا.

- إنت مصدق إزاي موضوع الأوضة دي، المفروض تشـك
في أي حاجة حواليك دلوقت.

صمت (عمر) وتراجع بظهره للوراء ليبتعد عن الطلبة
وقال بنبرات بطئية كأنه يفكر فيها يقول:

- الأيام اللي فاتت فكرت كتير في اللي إحنا فيه، (جعفر)

عنه دافع يعمل اللي بيعمله، بيدافع عن البت اللي بيحبها، حتى لو الدافع بتاعه تافه لكنه مصمم عليه ومستعد يدمر أي حد يقف في طريقه، حتى لو غير الزمن كله، و(حسام) اللي من المستقبل هو كمان عنده دافع إحنا مش عارفينه، دافع إنه يصارع (جعفر) وإنه يتحرك في الزمن بتاعنا ويشكله من جديد، إحنا بقى إيه دوافعنا؟؟ (فرغلي) و(حسام) و(راضي) و(أحمد) و(عمرو) وأنا.. إحنا كان بيتلعب بحياتنا من غير ما حد يأخذ رأينا، لقينا نفسنا في وسط خناقة كبيرة ويتسحب لصراع مش متكافئ، قطع دومينو بيحطونا مكان ما يجيروا، وكل ما الدور يقفل يهدوه ويبداوا دور جديد، من اللي فهمته إننا عايشين في دائرة بسببهم، وكل ما تبوظ نرجع من الأول، إحنا دافعنا هو يأسنا، بنجري زي الفيران في متاهة وحد بيراقبنا من فوق، مجرد فيران تجارب، لازم نقلب الترابيزه عليهم، ونأخذ إحنا زمام المبادرة، كان عندك حق يا (حسام) أنا مش واثق في الكلام اللي اتكللي، مش هابني غرفة، أنا هاستخدم الأصل، هانزل تحت البيت وأكون حارس زي جدودي، كنت خايف لو استخدمت البيت في الزمن ده يأثر علينا كلنا، لكن لازم أعمل حاجة، هانزل وأطلع في الزمن بعد 2005 وأمنع (جعفر) يدخل البيت.

- بس كده إنت بتخاطر إنك تعمل زمن جديد.
- أنا عارف هاعمل إيه، (جابر) حكالي على تفاصيل اللي حصل في البيت مع (جعفر) في 2005، وأقدر أبعده من غير ما أضره.

قال (راضي):

- لو الهرى اللي إحنا فيه ده صح فمعناه إن الزمن اللي عايشين فيه ممكن ينهار لو غلط إنت كمان.

ابتسم (عمر) وهو يقول:

- أنا مش زي (جعفر) وكل اللي هاعمله إني هاصلح.
لم ينظر (عزم) لأحد واكتفى بالنظر لطعامه قائلاً:
- ومنين قالك إني هاخليك تنزل وأسيبك تتحرك في الوقت
زي ما كيفك يجييك.

- هاتخليني أعمل كده، لأنني هاصلح حياتك، وهخلي
(فرغلي) يكون في زمنه الحقيقي.

لم يرفع (عزم) عينيه عن طبقه وكأنه سلم بالأمر الواقع
وهذا يدهشني، هل تغيرت قناعاته في الأربعين الماضيين؟ أم
أنه أحس بالضياع ولم يعد يثق بالقوانين الصارمة التي علمها

له أجداده!!، الطريق إلى جهنم مفروش بالنوايا الحسنة، عبارة لمأشعر بأهميتها إلا هذه اللحظة، هل كان (جعفر) يفكر بنفس طريقة (عمر) عندما بدأ كل شيء؟ هل اعتقاد فعلاً أنه يحمي الجميع ويعيد الأمور لنصابها؟ هل ما زال يفكر بنفس الطريقة حتى هذه اللحظة؟

- السيد (عزام) هايدلني على المكان بتاع (دهشور)
وهاروجه لوحدي.

قلتها أنا بعد نضج الفكرة في ذهني فضرب (راضي) بيده
على الطبلية قائلاً:

- يا فتاح يا عليم يا رزاق يا كريم، إنت مش لسه قايل
هنروح كلنا!!!

- (حسام) الثاني مهمتم بحياتي أنا وده طبيعي عشان خايف
عل نفسه، بس زي ما قال (عمر)، إحنا منعرفش إيه اللي في
دماغه، مضىمنش حد يروح معايا منكم ويحصله حاجة.

- أنا جاي معاك وش علشان نخلص وما تجاولش.

قالها (راضي) فتنحنح (فرغلي) محرجاً وهو يقول:

- هو أنا ليه حاسس إنكم بتقسموا فريقين كورة وأنا ابن
البطة السودة اللي محدش عايز ياخده فيكم.

- مين قال، دا فيه مهمه كبيرة أوي ليك، تقدر تحيب حاجة من قصرك؟ ولا هتنقفش؟
- أقدر طبعاً، عندي وسيلة أوصل بيها لسنقر وهو يعرف مداخل وخارج سرية للقصر.
- ماتقولش هتتواصل معاه بالحمام الزاجل.
- الله ينور عليك.
- طب أنا عايزة منك تحبلي اللبس بتاعي اللي أنا جيتلك بيه أنا و(راضي) و(عمر).
- سهلة، هايكون عندك بعد كام ساعة ماتحملش هم.
قال (راضي) بسرعة:
- وماتنساش اللبس بتاعي لأنني رايح معاه.
- هاجيب كل اللبس علشان نخلص، بس فيه سبب؟
- بصراحة مش طايق الجلاليب.
- كداب بس هامشي وراك للآخر، وماتنساش إنك هتبس اللبس بتاعك ده تحت الهدوم علشان ماتلتفتش النظر.
- وهنسيب (عمر) يلبس لوحده في بيت (أبو خطوة)؟
نهض (عمر) وهو يقول:
- هاقدر أتعامل لوحدي.

رَدًّا (فرغلي) بسرعة:

- إنت هاتعمل نفسك ربع في رغيف، أنا هاجي معاك
علشان أوصلك من غير ما حد يشك فيك.

نهضت أنا الآخر وسرت باتجاه المطبخ حيث الخادمان
اللذان يساعدان (فرغلي)، فمعهما إبريق المياه الذي سأغسل
فيه يده، سبقني (راضي) جريًا وأبطأ خطاه عندما مرّ بجانبي
وقال همسًا:

- إنت عايزة نلبس لبسنا اللي ظهرنا فيه في الكاميرا مع
(صفاء)، عايزة تحقق المستقبل بالظبط، شكل (حسام) الثاني ده
هاینقولنا للبيوم ده.

نظرت له ولم أنطق بكلمة وأنا أراجع ما يدور بعقولي وأستعد
نفسياً لما سيحدث.

جاء الليل وبدأت الترتيبات، كان (فرغلي) قد صعد لسطح
المنزل وأطلق حمامه زاجلة لمنزل (سنقر) بها طلب مقابلة في
موضع يعرفه الاثنان بمعنى الروضة، ولأن (فرغلي) - كما
شرح لي - يمتلك حماماً زاجلاً يعرف الطريق لمنزل (سنقر) ولا
يمتلك (سنقر) حماماً يعرف طريق هذا المنزل فعل (فرغلي)
الذهاب للمكان والانتظار على أمل استلام الرسالة، لذا فقد

غير (فرغلي) ملابسه الثمينة بملابس أكثر فقرًا، وقام بتغيير شكله بآخر طريقة توقعتها؛ حلق لحيته بكل سهولة، ولكنه ترك الشارب الضخم المبروم الطرفين فأصبح وجهه مضحكاً بعدما زالت الهيبة، كلنا ضحكتنا على تغير وجهه حتى (عزم) الذي كتم ضحكته في البداية ثم انفجر بعدها بقوة وجسده يرتعج، حتى أخبره (فرغلي) بأن عليه هو الآخر حلقة شاربه ولحيته.

رفض (عزم) بجنون وأقسم بحياته على ألا يفعل حتى ولو قبض عليه وأعدم.. جلسنا ننتظر وال ساعات تمر والليل قد حان ولم يعد (فرغلي)، بعد سدول الليل بخمس ساعات عاد (فرغلي) وهو يحمل صندوقاً كبيراً وبضعة أكياس من القماش مغلقة، قلت له:

- تعرف إن (سنقر) ده لو شخصية في فيلم مصرى قديم
كان خانك وبلغ عنك.

- طب احمد ربنا إنه مشافش الأفلام دي، الرجل خاطر
 بحياته ودخل قصري وهو تحت الحراسة وجابلي المدوم
وغضارات وبارود وذهب.

- إيه كل ده يا عم هي حرب!

- أنا بورّيك بس إنه لو كان اتفتش بال حاجات دي كان
الواي قعده على الخازوق.

أعطانا الملابس والتي تم غسلها كما يبدو يوم وصولنا
لقصره، فارتديت ملابسي وكذا فعل (راضي)، ثم أعطانا
(عزم) ملابس الخادمان وشدد على حلق لانا وشواربنا حتى
ولو لم تكن طويلة.

- إنت عايز شكلهم بيان إنهم ماليك تبعك يعني؟
قالها (فرغلي) وهو يتأمل مظهرنا بعد الحلاقة و(عزم) يهز
رأسه بالموافقة ويقول:

- إوعى حد فيكم يتكلم طول الطريق مع أي نفر، طريقتكم
هاتفضحكم.

قال (راضي):

- هو إحنا خايفين منهم كده إزاي؟ يعني هيعرفونا من
أوصافنا مثلًا؟

- لو حد من الشرطة أو الجنود أو البصاصين شك فيك
وكلمك هيأخذوكوا من غير كلام ويبيقوا يدوروا وراكم على
رواقه، ماتستهونش باللي حصل في القلعة، البلد كلها واقفة
على رجل، سيبوا نفسكم للمعلم (عزم) وهو يكفيكم شر

الطريق، أما (جعفر) لو وصلكم فادعوا ربنا إن (حسام) الثاني
يلحقكم زي المرة اللي فاتت.

أخذني (فرغلي) جانباً وحدثني بصوت خافت قائلاً:

- المفترض إنكم راحيين تقنعوا (حسام) لو لقيتهو بإنه
ينضم لينا وبدل ما يحركتنا نشتراك إحنا معاه، بس كلنا عارفين
إن مش ده اللي باللك، قلبي حاسس إننا مش هتقابل تاني هنا
في الزمن ده.

ابتلع ريقه وهو ينظر حوله ويقول:

- ويمكن (عمر) هو كمان عارف ده وبيشتريكم وقت بإنه
يشغل (جعفر)، أنا هكون معاه وأتمني حد فينا ينجح.
- طبعاً انت خايف لكن مش هتقول كده.

ابتسم بأريحية وعلا صوته بشكل طبيعي وهو يقول:

- لا خلاص مش خايف من حاجة، حياتي خلصت هنا
ووصلت ل نهايتها، ما أعرفش شكل النهاية لكن متأكد إني
هارتاح مع أي نهاية.

قفزت بذهني كلمة الفشل فقلت:

- لو أنا فشلت في اللي أنا عايشه وإنتوا مُتو في بيت (أبو
خطوة) تفتكر هايحصل إيه؟

- مفيش، هايبدأوا من جديد ويمكن شخصياتنا الجديدة
تحاول تعمل اللي إحنا بنعمله ده، ويمكن إحنا مرينا بالحوار ده
قبل كده ونسينا ويدأنا تاني.

- كنت بتقول إن دي النهاية.. تفتكر هاتبقى نهاية سعيدة
زي بتاعة الأفلام؟

- ما فيه أفلام نهايتها سودا يا جدع.. تنتهي بأي طريقة
المهم ماتبقاش نهاية مؤلمة.

قالها واحتضنني وهو يقول:

- كان نفسي أقلش وأنا بقول الكلمتين اللي فاتوا بس منعت
نفسني.

- مش عارف بس حسيتك بتتكلم زي (عادل إمام) في فيلم
(سلام يا صاحبي).

اتسعت عيناه وهو يبعدني عنه ويقول:

- إنت عرفت منين إني كنت بفكري في الفيلم ده.

يخيل لي أنه يحاول استعادة خفة دمه في المزاج لكنه يفشل،
الجميع يشعر بشيء قادم، لكننا لا نعلم ماهيته.. عدنا لهم
وتصافح الجميع بحرارة زائدة كأنها النهاية فعلاً.

- لما تدخل الأوضة الأخيرة يا (عمر) سيب نفسك

وماتقاومش، ولما تحس إن جسمك بقى خفيف استخدم
الخبيثة.

قالها (عزم) وهو يضع يده على كتف (عمر) الذي هز رأسه
متفهمًا وقال:

- ماتقلقش عليا.

- ولو ما كانش لينا نصيب نتقابل قول لولادك إن جدهم
الكبير بيسلم عليكوا.

- يوصل يا حاج.

قالها (عمر) ضاحكةً.. لطالما أبهري الإيمان، تنق في شيء
ما حتى ولو لم تره، بل وتحرك في طريقك على أساس هذا
الإيمان، جميعهم مؤمنون بأنهم سيحدثون تغييرًا، لكن هل
يا ترى حدث هذا المشهد من قبل وفشلنا فعلاً ونحن نعيده
بحذاريه؟؟ ربما حان الوقت لاختبار الإيمان.

الفصل النهائي
بأبسط الطرق

1836

خرج (عمر) وفرغلي قبلنا من المنزل ليذهبا بطريقهما، أما (عزم) فقد غير قليلاً في هيئته وقام بتعمير الغداره بطلقة اختياريه ودسها بين ملابسه بالإضافة إلى خنجره الصغير، ثم اطمأن على ملابسنا وأعاد تعليمه ثانية، بالطبع لم أنس أن أشرب جرعة كبيرة من الدواء المخدر كي يقتل ألم رقبتي وكيفي ثم غادرنا وهو يتقدمنا.

المنزل الذي غادرناه كان في منطقة (بركة الحبش)، أعتقد أنها اختفت في عصرى ولم أعلم كيف أصبح هذا المكان في الألفية الثانية، لكنها امتلأت بالأراضي الزراعية والبساتين وكان لها قرب من النيل.

- طريقنا هايكون إزاى؟

قالها (راضي) ونحن نمشي الهويني بجانب (عزم) الذي رد ببساطة:

- لا مش بعيد، هنطلع على الجيزة مشي ومن هناك هنأجر عربية كارو تاخدنا للبدرشين ونكملي إحنا بعدها لوحذنا.

- طب ما ناخذ عربية كارو من هنا؟

- العربيات بتتفسّر أكثر من البني آدمين، ممكن حد يوقفنا
يُفتشنا طبعاً بس الاحتمال أقل.

- والله عمار يا مصر ، ربنا ما يقطع لنا عادة.

قالها (راضي) فسأله (عزم) عما يقصد لكنه قال إنه تذكر شيئاً غير مهم.

السير ليلاً كان أفضل فحركة الناس قليلة ونادرًا ما نظر إلينا أي شخص، المسافة القليلة التي تكلم عنها (عزام) كان يقصد أنها في حدود الساعتين سيرًا على الأقدام وهذا تقدير يوربها كان أزيد، قدمي أنا (راضي) آلتنا بشكل لا يوصف حتى إنني جلست على جانب الطريق مرتين لأرتاح قليلاً وفي النهاية وصلنا لدكان مغلق بالجizza نادي (عزام) على صاحبه الذي كان يقطن أعلى، نزل الرجل وعرفت أنه يعمل بالاتفاق لمشاوير محددة، سائق أجرة أو تاكسي إن وصفت لك عمله الآن لكن (عزام) يناديه بالعربيجي وهي ليست سُبة بل وصف لعمله.

أخرج العربي عربة الكارو من الدكان وربطها بحماره، هذه هي وسيلة الركوب الوحيدة في هذا العصر التي جربتها في زمني وأنا في عمر العشر سنوات عندما كنت بمصيف في (جمصة) قبل أن يعتبره البعض سبة هو الآخر ككلمة عربيجي.

ذهب بنا العربي إلى (البدرشين) ومنها لدهشور حتى وصلنا لأطرافها السكنية والزراعية وامتدت رمال الصحراء أمامنا إلى ما لا نهاية وضوء القمر يصبغها بلون مقبض كثيب، رفض العربي الدخول في الصحراء وهذا حقه فنحن تخطينا منتصف الليل، نقده (عزم) بضعة نقود معدنية واتجه يسبقنا إلى الصحراء صامتاً وأقدامنا تغرس في الرمال لأكثر من ساعة حتى وصلنا إلى شيء ضخم يلقي القمر عليه بظلاله فيظهر ظل هذا الشيء خفياً.

- دا الهرم الأحر.

قالها (عزم) ثم أكمل:

- إنتوا عندكوا خطة تنزلوا بيها تحت؟

- تحت فين ولا مؤاخذة؟

قالها (راضي) فرد (عزم):

- المدخل مدفون تحت الأرض ولو (حسام) تحت هتخشوا ليه إزاي؟

قال (راضي):

- ما هو لو دخل قبلينا المكان يبقى أكيد حفر وفيه طريق
نخشله عادي يعني.

توقف (عزم) عن السير وقال لائئم:

- وأنا اللي قلت عليك واد حدق وابن بلد ويتفهم، ما هو
(حسام) اللي إحنا رايحنه هو صاحبك في المستقبل، وأكيد لو
دخل هناك يبقى عمل كده في المستقبل.

- آه والله غلبتني يا عم (عزم)، طب هنعمل إيه؟
- يا ابني أنا اللي بسأله.

- خلاص يبقى هتنادي عليه.

ابتسم (عزم) وقال:

- ولو ماردش؟

- أنا قتيله هنا، مش هاروح كل المسافة دي تاني.

ضحك (عزم) بينما قلت أنا:

- خلي عندك إيهان.
- ونعم بالله.

ربما كانت عبارتي هي نوع من جبر الخواطر في الكثير من
مواقفنا الحياتية، لكنني قصدتها بالفعل، فها أنا الآن أسير في

طريقي إلى الإيمان وأتخيل أن الكوميديا الحقيقة لو كان ذهابنا إلى هذا المكان تم تدبيره لنا لنسير إلى قدرنا معتقدين أنه اختيارنا، أعتقد أن تلك الرحلة يتراقص فيها الشك والإيمان على نفس الأرض وإن اخترت الإيمان فقد اختerte أملا في النجاة لاثقة فيه.

بعد فترة من السير لم أحسب وقتها توقف (عزم) عند منطقة أقرب ما تكون إلى الصخور تحيطها الرمال.

- المكان هنا.

نظرنا لبعضنا البعض ولم يتحدث أحد كأن كلامنا ينتظر اقتراحًا من الآخر.

- طب هنعمل إيه؟

قالها (راضي) فقلت أنا:

- ننادي عليه.

- طب ما ننادي، ولأ مكسوف حد يسمعنا يقول مين الناس الحمير اللي بينادوا في وسط الص...

لم يكمل عبارته وهو ينظر خلف ظهره ويشير بإصبعه لهناء، التفت لأرى البخار الأبيض المميز لظهور (جعفر) أو (حسام) الآخر، عدا أن من ظهر داخل البخار هو (حسام)

الآخر والدهشة تظهر على ملامحه المكتملة والتي لم تظهر بها الحروف كثيراً.

- كنت عايز أسألك سؤال بس دلوقت عرفت إجابته.
قلتها فلم يتكلّم، أكملت أنا قائلاً:
- كنت عايز أعرف إنت مستيننا نجيلك ولا لأ، بس
شكلك متفاجئ.

حرّك شفتّيه وقال ببرودٍ:

- جاين ليه؟
ردًّا (راضي) بسرعة:
- عايزينك تكون معانا.
- لا.

من قال لا هو أنا، حتى إن (راضي) و(عزم) نظراً لي
باستنكار فأكملت عبارتي:

- أنا عايز أكون معاك تحت علشان أقولك على حاجة.
لم يرد لفترة طويلة وهو ينظر لي فقلت أنا:
- أنا مش ناوي على غدر وإن أقوى مني بمراحل وتعرف
تدافع عن نفسك لو أنا ناوي آذيك.
قال بعد فترة صمت ثانية:

- إنت عايز إيه؟

- مش هتكلم إلا وأنا وإنت لوحدنا.

فكرة محادثة صورة مني شيء جنوني ولكنني كنت قد وصلت
لحالة من السلام النفسي جعلتني أقبل كل شيء في الدنيا، أما
هو فنظر لراضي و(عزم) وقال:

- بس إنت بتحب (راضي) وبتشق فيه وبتأمنه على كل
أسرارك، ليه مش عايزه يسمعك المرة دي.

- مابحبش حد يسمعني وأنا بتكلم مع نفسي.. أصل شكلي
بيبقى مجنون.

ابتسم هو والبخار يزداد من حوله ويغطي جسده و(راضي)
ينعني بالغبي إن فكرت على النزول وحدي، البخار يحيط
بجسدي أيضاً ونفس الأحساس التي أحسست بها و(جعفر)
يسحبني تحت منزل (أبو خطوة)أشعر بها الآن، ألم الرأس
الذي يرتفع فجأة بقوة وينخفض فجأة، النار الحارقة بجسدي،
شعور الهبوط من الأعلى وسحب روحي للأسفل، الاصطدام
بالأرض لكن هذه المرة اصطدم ظهري بالأرض، زالت كل
الألام ماعدا ألم رقبتي وأنا أنهض وأشعر بدفء المكان القوي
وعرقي يغمرني ويحرق جرح رقبتي.

نهضت سريعاً ونظرت حولي للمكان الذي هو قريب من التصميم في منزل (أبو خطوة) ولكنه لا يشبهه بالكلية، لم أجد حجراً أسود هنا في موضع ظاهر لكن الكرات البيضاء المضيئة موجودة على الجدران، رسوم لشخص مجنح وكلمات بجانبه بالهiero غليفية.

- المرسوم ده هو حارس المدخل.

قالها هو فابتسمت وأنا أزيح العرق عن فمي وقلت:

- طبعاً هو مرسوم بأجنحة علشان إنتوا بتطروا.

لم يتسم فالسماحة طبع لصيق بي، قلت له:

- إنت مستقبلين صح؟

حرّك جزءاً من ياقه القميص الذي يرتديه وظهر جرح على رقبته في موضع الرصاصه التي تلقيتها وقال:

- أنا مستقبلك لكن أي حاجة بتحصلك بتوصلي.

- إنت مخطط إني أنصرب بالرصاص؟

جلس هو على الأرض بأريحية لا تناسب أجواء الموقف، ولاحظت أن المحقق عادت لظهور بوجهه ثانية وهو يتكلم:

- كل اللي حصلك من ساعة ما قابلت (فرغلي) مكتتشن خططله، (أحمد) و(عمرو) كانوا في الخطة.

- ماتوا؟

- (جعفر) رجع بالزمن لما شاف إنه غلط لما بعتك تقابل (فرغلي)، وحب يمسح الغلط فإنه يقتل كل اللي حواليك وبعديها يقتلوك.

- قتلهم إزاي؟

- هو مش قتلهم قتلهم، تقدر تقول إنه جبسهم في نقطة من الزمن عاشوا فيها مسجونين وسنهم بيكبر لحد قبل ما يموتوا كان بيسبهم يطلعوا من البيت، وده كان مصير (عبد الرحمن) أبو (صفاء).

- والباقي مصيرهم إيه؟

استند هو على يديه ونظر بعيداً عنى وقال ببرود كأنه يحكى قصة ملأة:

- (عمر أبو خطوة) دفنه حي بعد خنافة طويلة بينهم، بس دا كان هايحصل بعد سنة من دلوقت لما يحاول ببني أوضة تشبه المكان اللي إحنا فيه جوه بيت (فرغلي) وبمساعدته، وإن كنت هاتتعلم على إيد (عزام) كام سنة وتحجي تفتح المكان هنا وتبقى حارس من حُرّاس المدخل علشان تحاول تغير اللي حصل وتنقذ أصحابك

جلست أنا أيضًا على الأرض محاولًا الاسترخاء وقبل ما
أسمعه قلت:

- (راضي) هيموت إزاي؟

نظر لي نظرة بلا معنى، ربما كان يهشّتي على استنتاجي وقال:
- بعد ما تشغّل المكان هنا هتاخده وتسافر بيه على سنة
2007، هو اقترح عليك إن فيه تداخل في الأبعاد السنة دي
وبالتحديد في اليوم اللي اللي بتتدخل فيه (صفاء) البيت أول مرة
وحدها، كان معتقد إنكم هتعدلوا في المذبحة وخرجوا (صفاء)
من البيت، لكن (عفرا) هايتبعك ويقدر ياخد (راضي) ويعمل
فيه زي اللي عمله مع (أحمد) و(عمرو).. هيموت بالشيخوخة
والناس هتلacci جثته قدام البيت سنة 1998.

- وبعديها أنا هبقى زي (عفرا)، هتحرّك في الزمن وأعمل
تجارب مش كده؟

لم يرد علي فقلت له:

- إنت حاولت تعدل في اللي حصل كام مرة؟

- كتير أوي حاولت أقدر أصحابنا لكن ما بعرفش، إنت
الوحيد اللي بلحقك.. الموضوع مش زي ما إنت متخيّلة، أنا
أول ما أعمل تغيير باشوف كل احتمالاته في المستقبل وأقدر

أروح للاحتمال وأحاول معااه لحد ما يتحول لواقع، لكن
فشلت، ومش باقي غير صراع بيسي وبين (جعفر) مالوش
معنى، مخدش فينا يقدر يقتل الثاني لكننا هنموت لوحدينا،
بس قبل ما نموت هنكون عملنا مليون تغيير في نفس الوقت
وجريدةناهم.

- إنت جسمك مبقااش بشري خلاص؟
ابتسم هو للمرة الثانية في هذا اللقاء وقال كأنه يتذكر شيئاً:
- أكيد (راضي) فلنك بنظرياته عن جسم (جعفر) اللي بقى
ذرات مش مستقرة وبتقدير تخترق الجمادات ودايمياً مشحونة
بالطاقة وإنها لازم تفضل جنب مكان شحن الطاقة اللي هو
المدخل لعالم أرض الحقيقة علشان ذرات جسمه تفضل
متهاaskaة وإلا هيموت بالسرطان.

ابتسمت وأنا أقول:
- (راضي) رغاي فعلـاـ.
- كان رغاي بس عبوري وفاهم كل حاجة، الله يرحمـه،
شفته بيـموتـ كـتـيرـ.
- إنت بقالك قد إيه فيـ الحـالةـ ديـ.
- مفيـشـ وقتـ هناـ،ـ منـ أولـ ماـ شـغلـتـ المـكانـ وكـلـ حاجـةـ

بتحصل قدامي في نفس الوقت، جسمي بقى جزء من الأرض
دي، بموت بس ممكن عقبال ما أموت بالنسبة ليك أكون عايش
ألف سنة، لأن الألف سنة أنا بتنتقل بينهم في نفس الوقت، تقدر
تقول إني هاموت بكرة بس من هنا لبكرة أقدر أعمل حاجات
كتير علشان أحاول أحافظ على الزمن ده وأوقف (جعفر).

زادت لسعة العرق المالح بحرجي فتحسست الضماده بيدي
وقلت:

- وهتوقفه إزاي؟

- هامنعني من إنه يغير في الزمن وأعدل الزمن بنفسي علشان
(جعفر) يتقبل موت (صفاء).

- هو الزمن ده ملوش أهل يسألوا عليه، كلكم جاين
تعدلوه.

- دا مستقبلك إنت كمان.

- إحنا بتتكلم عن أمي زمن؟ اللي إحنا فيه؟

- آه، ولا إنت عايزة ينهار؟

- إيه رأيك لو حلينا المشكلة من أصلها؟

ابتسم هو وقال:

- إنت لسه مش عارف حاجة، كل الاحتمالات أنا بعملها
خلك..

فاطعنه:

- تعرف تسافر في الزمن وتوصل للزمن الأصلي اللي بدأ فيه
ـ (جعفر) كل حاجة.

مال برأسه وهو ينظر لي ويقول بيطء:

- ولو سافرت للزمن الأصلي ما أقدرش أعدل حاجة، دا
ـ زمن خاص بـ (جعفر)، أنا لو وصلت لزمنه الأصلي هكون مجرد
ـ مشاهد ومش قادر أخرج من المكان هنا.

- إنت ماتقدرش تخرج لكن أنا أقدر، إنت مابقتش بشر،
ـ بس أنا طبيعي لسه ومحنن أعمل تغيير.
ـ لم يرد علىَّ، أعرف هذه النظرة لأنني استخدمها كثيراً، هو
ـ يحاول قراءة نوایاي، قلت له بسرعة:

- كل مهمتك تسفرني في الزمن وتوصلي لنقطة واحدة،
ـ يوم فرح (جعفر) على (صفاء) وتسيني أتصرف بطريقة بشرية.
ـ بس إنت مش هتعرف تنقذها، (جعفر) سبقك وكانت
ـ بتموت برضو.

- أنا مش هانقذها، لكن هاخليه يتقبل موتها.. ويعرف إيه
ـ اللي هايعلمه فينا.

قال باستهزاء:

- هتقنعه إزاي؟

- فيه (حسام) زبي في زمنه والمفروض إنه صاحبه، لما يلاقي
أتنين منه هايفهم.

- إنت غبي؟؟ أنا أعرف إني مجنون بس مش غبي، تقنع مين
هو جوز خالتك هاتعمله قعدة عرب.

- مفيش حد هايختسر حاجة، سيبني أحاوول.

نهض من جلسته وتأملني بشك وهو يقول:

- بس إنت لو أقعته مش هايغير الزمن والزمن اللي إحنا
فيه هايختفي ويفضل زمن (جعفر) الأصلي.

- إنت ماتعرفش الاحتمالات ممكن تبقى إيه، يمكن الزمن
هناك يلغى وجودي، ويمكن أموت قبل ما أوصله، لكن تخيل
لو نجحت ممكن يحصل إيه؟ كل حاجة هتصالح لوحدها

- إنت عايز تنهي وجودنا؟

- إنتي عايزني أعمل حاجة زي كده، ويمكن فكرت فيها
كمان بس اللي مانعك إنك خايف، أو مش هاتقدر تغيير في
الزمن الأصلي، وديني هناك يوم فرح (جعفر) وأنا هاستخدم
الطبيعة البشريةلينا وأخاطب روحه علشان يتقبل موتها.

- إنت هتفشل، (جعفر) محدش هايقدر يقنعه إنه ينسى
(صفاء).

- اعمل محاولتك وابعثي هناك.

نهضت من موضعه وهو يقول:

- لو رُحْتِ الزَّمْنِ الأَصْلِيِّ احْتَمَالِ (جعفر) يَعْرُفُ بِوُجُودِكِ،
إِحْنَا بِنَشْوَافِ التَّغْيِيرَاتِ الَّتِي فِي الزَّمْنِ كَأَنَّهَا أَلْبُومُ صُورٍ، وَلَوْ
صُورَةٌ جَدِيدَةٌ حَدَّ ضَافِهَا بِنَشْوَافِهَا فِي سَاعَتِهَا، مَشْ هَاقِدُرُ
أَحْيِكَ هَنَاكَ، أَنَا أَقْدَرُ أَحْيِكَ لَوْ عَايِزْ تَتَحرُّكَ فِي زَمْنِنَا دَهْ.

- لو (جعفر) الَّتِي فِي الْبَيْتِ وَصَلِيْ أَنَا الْمَسْؤُلُ.

هَذِهِ هُوَ رَأْسِهِ بِعَدْمِ فَهْمٍ وَهُوَ يَقُولُ مُسْتَنْكِرًا:

- إِنْتَ عَايِزْ تَتَحرُّ بِطَرِيقَةٍ مُحْتَرِمَةٍ؟ عَايِزْ (جعفر) يَقْتَلُكَ
مُثَلًاً وَلَا عَايِزْ إِيهِ؟

- إِنْتَ مَشْ خَسْرَانَ حَاجَةً.

قلَّتْهَا وَأَنَا أَسِيرُ نَاحِيَتِهِ حَتَّى وَجَدْتُ مَمْرَأَ جَانِبِيَاً بِهِ نَفْسَ
الْمَقْعَدِ الَّذِي بِمَنْزِلِ (أَبُو خَطْوَةِ) وَعَلَيْهِ الْجَثَثَةُ الْمَحْنَطَةُ الْجَالِسَةُ
الْمَلْقَى عَلَيْهَا الْعَبَاءَةُ السُّودَاءُ، نَظَرَتْ لِلْعَبَاءَةِ فَنَظَرَ هَا هُوَ أَيْضًا
ثُمَّ نَظَرَ لِي لِثَوَانٍ، تَرَكَزَتْ نَظَرَتِهِ فِي عَيْنِي، تَخَرَّكَ بَعْدَهَا بِسُرْعَةٍ
وَسَحَبَ الْعَبَاءَةَ وَهُوَ يَلْفُ بِهَا نَفْسَهُ ثُمَّ يَلْقَى طَرْفَهَا عَلَيَّ وَأَنَا
أَسْمَعُهُ يَقُولُ قَبْلَ أَنْ تَغْطِيَنِي الْعَبَاءَةُ:

- لَوْ إِنْتَ مَتْ فِي الزَّمْنِ الأَصْلِيِّ هَامُوتْ أَنَا كَهَانَ.

2005

استقطت بالام مبرحة برقبي ومعدتي وحرارة شمس الظهيرة تزيد الطين بلة لاني تعرضت لها لفترة طويلة حتى أستيقظ، فتحت عيني فاصطدمت بضوء الشمس واضطررت لإغلاقها مجرّاً، لكنني نهضت وأناأشتم رائحة شياط تأكّدت بعد ثوانٍ أنها من أطراف شعر رأسي المحترق ثم اكتشفت آثار لحروف بسيطة بالجلباب الذي كنت أرتدّيه على ملابسي فنزعته ليظهر قميصي وسريري، لهذا صممت على ارتدائهم كي أبدو طبيعياً هنا إن قبل (حسام) الآخر بإرسالي.

نهضت بصعوبة واقفاً على قدمي فدارت الأرض بي وسقطت ثانية، ارتفعت العصارة المعدية وفوجئت بتقيؤي مواد سائلة تبعتها بعض الدماء مع ألم المعدة الزائد.. هدأت قليلاً وأنا أحرك وجهي يميناً ويساراً أتفحص المكان من حولي، رمال تحيط بي من كل جانب لكن على امتداد بصري

أرى تكوين يشبه الهرم من بعيد، هل أنا الآن فوق المدخل
والرمال تحجبه عنِّي؟ أم أنَّ (حسام) الآخر قفز بي في مكان
أبعد !!

لو صحت حساباتي فإن سرت إلى الهرم ومررت بجانبه
فقد أصل لقرية (دهشور)، تحاملت على نفسي، ونهضت ثانية
محاولاً السير إلى الهرم الذي كان بعيداً عنِّي في الواقع لكنني
أوهمت نفسي بأنِّي اقتربت.

قبل أن أصل له رأيت سراباً لسيارات تقف بجانب الهرم،
حسناً ليست سرابة لأنَّ إحداها تحرك وتأتي نحوِي، أم هو
السراب؟ اقتربت السيارة حتى توقفت بجانبي وهبط منها
شابين في العشرينات:
- مالك يا أستاذ؟

قالا أحدهم وهو يسند جسدي بيديه كي لا أقع وقد كنت
معرضاً لذلك فعلاً، قلت لهم بصعوبة:

- عايز أروح القناطر.

ابتسموا وأحدهما يقول:

- إنت كنت ناوي تروحها مشي؟

- عايز أروح (أبو النور) طريق القناطر.

قلتها ثم ظلام دامس، فتحت عيني بعد هذا الظلام مفروعاً
لأجد نفسي على فراش كشف في مكان يشبه العيادة وبجانبي
مجلس طيب شاب يشرب كوب من الشاي باستمتاع ويدخن
بجانبه سيجارة.

- حمد لله على السلامة.

قالها لي الطبيب بلا اكتئاث لأن وجودي هنا أمر طبيعي أو
كأننا نعرف بعضنا البعض منذ عشرات السنوات.

- هي دي مستشفى ولا عيادة؟

- دا الاستقبال بتاع مستشفى الصفا والمروة.

قالها ونظر أمامه ليكمل استمتاعه بالشاي .. مصر بها ألف
مستشفى تحمل اسم الصفا والمروة، هل يعتقد أنني فهمت الآن
وسأصرخ من السعادة. بعد أن أعرف أنني في مستشفى الصفا
والمروة التي حلمت بدخول استقبالها منذ مراهقتي.

- أيوه فين المستشفى دي؟

- آه إنت مش عارف إحنا فين، إحنا في البدرشين.

نهضت من على فراش الكشف وتحسست رقبتي لأجد
ضمادة جديدة وضعت عليه، هل سيبلغ البوليس بسبب آثار
الطلق الناري؟

- حضرتك اللي غيرتلي على المجرى ده؟

- آه.. دا كان متهدل وخلاص هايعرفن، إلا مين الدكتور اللي خيطهولك ده، دا شكله حمار.

كدت أقول إنه طبيب منذ أكثر من 150 عاماً وأنه أفضل منه بتلك السيجارة التي يدخنها بجواري، وقفـت بجانـبه فقال بلا أن ينظر لي كـأنه يخاطـب شخصـا آخر في تلك الغـرفة.

- فيه اتنين ولاد حلال جابـوك هنا من 3 ساعات وكانـوا فاكـرين إن عندـك ضربـة شـمس، بـس المـوضـوع كان هـبوـط في الضـغـط فـرفـعـناه..

آه.. ليس معي نقود لأدفع شيئاً حتى ولو كانت لـمستشـفى الصـفا والنـور التي لا يـوحـي هذا الطـبـيب بأنـها مرـكـز طـبـي عـالـمي.
- اللي جـابـوك قالـوا إـنك كنت ماـشي في حـتـة صـحـراـويـة، إـنت كنت تـاـيهـة وـلـا حد طـلـعـ عليك ثـبـتك؟

قال عـبارـته بـنفس البرـودـ والـغـرـورـ فـقلـتـ أنا:

- هو مصاريف العـلاـجـ كـامـ؟

- لا خـلاـصـ أنا عـارـفـ إنـ مـاعـكـشـ فـلوـسـ.

غـزـتـ دـمـاءـ الـخـجلـ أـورـدةـ وجـهـيـ لكنـ الطـبـيبـ نـهـضـ وـوـضـعـ كـوبـ الشـايـ جـانـبـاـ وأـخـرـجـ منـ جـيـبـهـ وـرـقـةـ مـالـيـةـ فـتـةـ 20 جـنيـهـ وـأـعـطـاهـاـ لـيـ قـائـلاـ:

- علشان تركب وتروح المكان اللي إنت عاوزه.

- لا شكرًا.

صرخ في بجنون أن أقبلها ثم حلف بالطلاق ثلاثة بغضب حقيقي كأنه يهددني بأنه سيطلقني أنا شخصياً، أخذتها منه وشكرتـه، الطيب تعامل معي بشهامة لكن طريقـه في الحديث تجبرـي على تحطيمـ محتوياتـ تلكـ الغرفةـ علىـ رأسـهـ.

خرجـتـ منـ المستشفـيـ التيـ هيـ أقربـ لمـجمـوعـةـ عـيـادـاتـ فيـ الطـابـقـ الـأـرـضـيـ،ـ أـوـقـفـتـ أحـدـ المـارـةـ وـسـأـلـهـ عنـ السـاعـةـ وـعـنـ كـيـفـيـةـ الـوصـولـ لـشارـعـ الـهرـمـ الرـئـيـسيـ..ـ السـاعـةـ الـآنـ الـرـابـعـةـ عـصـرـاـ،ـ يـحـبـ أـصـلـ بـسرـعـةـ لـلـقـرـيـةـ إـنـ كـنـتـ فيـ حـضـرـتـ فيـ الـوقـتـ الـذـيـ أـرـيدـهـ.

ركبتـ المـواـصلـاتـ منـ (الـبـدرـشـينـ)ـ إـلـىـ (الـهرـمـ)ـ إـلـىـ (ـشـبراـ الخـيـمةـ)ـ ثـمـ اـسـتـقـلـلـتـ مـيـكـرـوبـاـصـ إـلـىـ (ـأـبـوـ النـورـ).

لو كانـ هـذـاـ العـالـمـ هوـ عـالـمـاـ وـزـمانـاـ غـيرـ زـمـنـيـ فـحتـىـ الـآنـ لـمـ أـرـأـيـ اختـلافـ بـيـنـ الـعـالـمـيـنـ،ـ غـيرـ أـنـيـ عـنـدـمـاـ كـنـتـ دـاخـلـ الـمـيـكـرـوبـاـصـ وـمـرـرـتـ عـلـىـ (ـبـاسـوسـ)ـ ثـمـ اـقـرـبـتـ مـنـ مـنـطـقـةـ (ـالـحـادـثـةـ)ـ التـيـ يـقـعـ بـهـاـ مـنـزـلـ (ـأـبـوـ خـطـوةـ)ـ شـعـرـتـ بـانـقـبـاضـةـ فـيـ قـلـبـيـ..ـ أـهـوـ خـوفـ نـفـسـيـ أـمـ شـعـورـ حـقـيقـيـ!!ـ اـقـرـبـ الـمـيـكـرـوبـاـصـ أـكـثـرـ وـبـقـىـ بـضـعـ ثـوـانـىـ عـلـىـ الـمرـورـ مـنـ أـمـامـ الـمـنـزـلـ،ـ هـاـ هـوـ يـمـرـ،ـ أـلـقـيـتـ نـظـرـ

مرتعبة من نافذة الميكروباص، فجأة توقف الميكروباص على بعد بضعة أمتار من المنزل وسمعت صوت سباب السائق وهو يقذف سيارته بأقدع الألفاظ، السائق يحاول إدارتها لكنها تأبى. نظرت خلفي لأرى من الزجاج الخلفي للميكروباص، السائق الغبي يملأ النافذة الخلفية بملصقات تشرح حالته العاطفية والنفسية، لكن بين تلك الملصقات استطاعت تمييز ما كنت أخاف منه.. (جعفر).. يقف أمام المنزل بملابس السوداء بياضني النظر، نظرته هادئة باردة خالية من المشاعر، كأنه لم يندهش لوجودي.. ما الذي سيفعله؟ هل سيخطبني من وسط الناس؟ أم.. دار مotor الميكروباص فانطلق السائق وأنا أنظر لجعفر الذي أبعد عنه لكنه لا يتحرك، ابتعد الميكروباص عن المنزل لدرجة أنني لم أعد أراه لكنني ما زلتأشعر بجعفر ينظر لي بعينيه المخيفة.

نظرت أمامي وأنا أتخيل ما الذي سأواجهه، هل سيقتلني؟ لن أخسر كثيراً، على الأقل سيقتلني وأنا أحاول التحرر.. حاولت إبعاد الأفكار المخيفة عن رأسي وأنا أراقب الطريق شارداً حتى لمحت مدخل قرية (أبو النور) يظهر جلياً أمامي والميكروباص يدخله، في تلك اللحظة بالذات تأكيدت أنني في التوقيت الصحيح، المدخل الفسيح للقرية يمتلىء بأقمصة

الفراشة ومقاعدها بطول مدخل القرية إلى داخلها، مسافة تساوي كيلو متر كامل حتى موقف الميكروباص الذي توقف فيه السائق.

هذه الزينات تناسب فرح حفيد كبير عائلة (الدهان)، بقى أن أسأل على... صدمت وأنا أرى (جعفر) يقف بعيداً بجانب تجمع للشباب، هذا هو (جعفر) من داخل المتزل، أصبحت أعرفه بسهولة، لماذا يقف هكذا ناظراً لي؟ هل يعرف ما في ضميري؟ سرت بعيداً عنه لداخل القرية لأغرق في حشود الناس السائرة والذي جاء معظمهم لحضور الفرح على الأغلب برغم أن الليل لم يأتِ بعد، العجيب أن (جعفر) ظل يحرك رأسه متبعاً إياي وأنا أغيب في الحشود حتى اختفيت عنه.

هل يتبعني فقط ليعرف ما أنتوي! أم يتنتظر لحظة معينة لينقض عليّ؟، ألقيت تلك الأفكار عن بالي وأنا أقول بيني وبين نفسي أن العمر واحد والرب واحد.. سالت أحد المارين عن متزل (جعفر) العريض فنظر لملابسي الملهلة وشعرني المنكوش والضيادة على رقبتي وسألني هل أعرف (جعفر).
- دا صاحبي.

نظر على هيئتي ثانية ثم أشار ناحية شارع جنبي وقال:

- ادخل هناك دا عب ولاد (الدهان)، ما اعرفش العريس
فين بالتحديد، ممكن يكون في أي بيت من بيوتهم.

تركته وأنا أحاول ألا أصطدم بكل هذه المقاعد التي تفترش
الطريق يميناً ويساراً في كل شوارع القرية وبعض الشباب
يحضرون منا ضد لرصفها استعداداً لبدء العرس.

دخلت الشارع الذي امتلأ بشباب ورجال ونساء يسيرون
في كل مكان بلا وجهة، لكن على وجوههم جميعاً ترسم
الابتسamas ويعضمهم يتكلم بصوت جهوري يلقي بنكتة أو
يلقي السلام على أحدهم أو يأمر أحد الشباب برص مقاعد
أكثر.

حالة جميلة من الفرحة تغمرهم، في الغالب هم جميماً من
عائلة (الدهان).. يا ترى هل منهم من قتل في زمني داخل
منزل (أبو خطوة) أو حتى هنا في القرية عندما كانت العائلتين
تصفيان بعضهما البعض !!

- مالك يا (حسام)؟ إيه اللي بهذلك كده، دا أنا سايبك من
ساعة.

نظرت للمتكلم الذي سمعته بصعوبة وسط كل أصوات
الضجيج من حولي.. (فرغلي المستكاوي)، في سنة الطبيعي
يرتدى بدلة زرقاء تلمع ببرقة شديدة وقميص وردي اللون

وربطة عنق زرقاء لامعة هي الأخرى، وعلى رأسه وضع أطنان من مثبت الشعر وبعض الملمعات والجليتير الذي أنار شعر رأسه كأنه مصباح أفراح.

ضحكـت من قلبي لرؤـيـتي له بـهـذا الشـكـل وـشـعـرـتـ بالـفـرـحةـ لـسـبـبـ لمـ أـتـيـنـهـ،ـ قـلـتـ لـهـ:

- فيـنـ (ـجـعـفـرـ) عـايـزـ أـشـوـفـهـ.

- قـولـيـ إـنـتـ بـسـ مـالـكـ؟ـ أـنـاـ سـيـتـكـ عـلـشـانـ تـلـبـسـ وـتـحـصـلـيـ،ـ إـنـتـ عـمـلـتـ حـادـثـةـ وـإـلـاـ أـكـلـتـ عـلـقـةـ وـإـلـاـ إـيـهـ؟ـ

- هـاـحـكـيـلـكـ بـعـدـيـنـ،ـ قـولـيـ أـلـاقـيـ فـيـنـ؟ـ

- طـبـ تـعـالـىـ نـقـفـ مـعـ أـصـحـابـناـ.

أـمـسـكـتـ فـجـأـةـ تـلـاـبـيـبـ مـلـابـسـهـ وـجـرـرـتـهـ نـاحـيـتـيـ وـأـنـاـ أـقـولـ عـبـارـتـيـ فـيـ أـذـنـهـ:

- أـخـلـصـ وـقـولـيـ أـلـاقـيـ (ـجـعـفـرـ) فـيـنـ؟ـ

- بـالـراـحـةـ يـاـ عـمـ الـجـامـدـ،ـ هـاـتـلـاقـيـهـ بـيـلـبـسـ الـبـدـلـةـ فـيـ بـيـتـ عـمـهـ (ـمـتـوـلـيـ).

- فـيـنـ بـيـتـهـ دـهـ؟ـ

أـشـارـ نـاحـيـةـ أـحـدـ الـمـنـازـلـ فـتـرـكـتـهـ وـذـهـبـتـ لـهـنـاكـ وـأـنـاـ أـسـمـعـ يـنـادـيـ عـلـيـ،ـ اـخـتـرـقـتـ حـشـودـ الـجـمـعـةـ أـمـامـ الـمـنـازـلـ حـتـىـ

وصلت للمنزل ذي الباب المفتوح الممتلئ بالشباب في كل مكان حتى على درجات السلم، الجميل أني سمعت ترحب بهم جميعاً بالتقريب والكل يناديوني باسمي ويسألني عن سبب إصابتي، مثلت أنني أعرفهم وطلبت منهم أن يوصلوني بعصر لأنني أريد إخباره بشيء قبل أن أذهب لارتداء ملابسي، أخذني مراهق منهم ييدو أنه يعرفني لأنه ثرثراً في كلام لم أفهمه وهو يتقدمني صاعداً السلم إلى الطابق الثاني الذي امتلأ على آخره هو الآخر بالشباب، اخترقنا الجموع وهم يلقون على التحيات والاستفسارات كالعادة، لا أصدق أنني أعرف كل هؤلاء البشر في هذا الزمن، كيف أحافظ أسماءهم حتى.

دخلنا شقة ثم توافينا أمام غرفة طرقتنا بابها ففتح لنا أحد الشباب مبتسمًا وصافحني بقوة، سأله عن (جعفر):

- إيه ده مالك يا (حسام)؟

كان هذا (جعفر) وهو يظهر من خلف الشاب مرتدية سروالاً وقميصاً بدلة الفرح، اطمئن قلبي له ونبض قلبي يتسارع كي أ الحكم فيها أقول.

- عايزك في موضوع مهم لوحدنا، مش هاخد من وقتكم كثير.

ابتسم لي وهو يقول:

- إنت بتتكلم بأدب كده ليه ياد؟ تعالى خشن.

دخلت لأجد شاين آخرین بالداخل، فهمست بأذنه مؤكداً
أني أحتاجه وحيداً، أخرجهم جميعاً وهم يلوحون لي سلاماً
قبل أن يغلق الباب ويجلس على مقعد بجانب فراش نوم قديم
وهو ينظر لي ويقول بدھة:

- إنت داسك قطر ولا إيه؟

- أنا كويس.

قلتها وأنا أجلس على طرف الفراش.

- كويس إيه !! انت كنت معايا إمبارح وإحنا بنتغير الجزمة،
لخت تتخرشم كده إمتى؟

- (جعفر) أنا عايز أقولك كلام ماينفعش حد يخش علينا
وإحنا بنقوله، ممكن تقفل الباب بالفتح.

نظر لي باستغراب وقال:

- إنت حصلك مشكلة؟ قول خضتنى.

- ريخنى واقفل الباب الأول.

نهض يقدم قدماً ويؤخر الأخرى واتجه للباب وأدار مفتاحه
فيه دورتين فائلاً:

- إنت متغير كدة ليه؟

عاد ليجلس فابتلعت أنا ريقني وبيللت شفتني بلساني وقلت:
- أنا مش (حسام) اللي إنت عارفه، أنا من زمن تاني إنت
كنت السبب إنه افتح.

ابتسم وهو يعتدل على مقعده لا يجد ما يقوله أو حتى ما
يفهمه من حديثي لكنني أكملت:

- النهارده عيلة (السلاموني) هيحاولوا يقتلك، لكن
(صفاء) هتموت بحالك، دا قدرها بس إنت مرضتش بالقدر

.٥٥

صرخ هو:

- بتقول إيه؟؟؟ إنت الجمنت يا (حسام)
رددت عليه متعددًا ويايسًا:

- افهم اللي بقوطولك، إنت بغوروك هتفتكر نفسك الله
تحكم في حياة اللي حواليك، لدرجة إنك هاتعمل عالم جديد
وتحكم على الناس فيه بالموت والحياة بكيفك، وأنا واحد من
الناس دي وجاي أقولك إنه خلاصن مش هاينفع تكمل..
لازم تقبل الموت زي ما بنتقبل الحياة.

- (حسام) أنا مش طايق نفسي، لو كنت بتعمل مقلب
وقفه.

نهضت ومشيت حتى وصلت إلى الترسيرحة ونظرت للمرأة التي تعلو زجاجات العطر وعلب كريهات الشعر، رأيت صورتي شاحبة خائفة يائسة غير آدمية، رأيت في المرأة (جعفر) ينهض من على المبعد ويقترب مني قائلاً:

- مالك يا صاحبي؟ إيه اللي تاعبك؟

أمسكت زجاجة عطر وقلت:

- إنت يا (جعفر)

استدررت بحركة حادة وأنا أهشم زجاجة العطر على رأسه، صرخ وتراجع للوراء والدماء تسيل غزيرة من رأسه ومن يدي التي دخلها بعض الزجاج المهمش، أما هو فلم يصدق ما رأه، عيناه قالتا هذا وكأن جرح رأسه لا يعنيه أكثر مما يعني أن أكون أنا مسببه.

أعطاني ظهره وحاول فتح الباب لكن قفزت ناحيته وتعلقت به من ورائه وأنا ألف يدي اليمنى على رقبته محاولاً خنقه لكنه كان أقوى مني وحملني وهو يتراجع بظهره للوراء ليضرب جسدي بالمرآة، لكنني تشبتت به أكثر والمرآة تهشم وأشعر بزجاجتها المتطاير يخترق شعري ويتناثر على جسدي.

مُث يا (جعفر) وانشر السعادة لكل من عرفتهم.

نقل جسدي في النهاية جذبه للأرض فوق فوقي وأنا
مازلت أطوقه خلف رقبته وظاهري يسقط على الزجاج المتناثر
وأشعر به يخترقني.

مت يا (جعفر) ولا تقاوم فأنت لم تسمع لنا بمقاومتك
وأنت تحكم في مصائرنا.

بدأ يختنق وتحشر حجمه صوته وهو يقول:

- ليه !!!

لأنك كنت صديقي وتلاعبت بي لأجل فناتك، لأن عائلتك
ذبحت لأجل فناتك، لأنه قد حان الوقت لوضع الأمور في
نصابها الصحيح، كان يجب عليك أن تموت اليوم لكنك ظللت
تهرب.. أنت تموت ويحيا الجميع.

زادت حشرجة صوته فمددت يدي اليسرى إلى ذقنه
أسحبها للأعلى وأبعدت يدي اليمنى عن رقبته، أبعدتها
لأنني أستخدمها الآن في البحث عن أي قطعة زجاج مهمش
من حولي، وجدت قطعة أمسكتها بقوه فجرحت كف يدي
لكني لم ولن أتوقف، مدلت قطعة الزجاج أحاول أن أذبح
رقبته بها لكنه فطن فاعتراض يدي المسكة بقطعة الزجاج
بيده، جرحت يده بالزجاج فتاوه ثم وضع القطعة على رقبته
وصنعت شقًا بعرض كامل رقبته وجسده يتفسد وتزيد قوته

وأنا أسحب بيدي اليسرى ذقنه للخلف بقوة أشد.. سمعت صوت طرقات قوية على الباب وأصوات شباب ينادون على (جعفر).. الدماء تتناثر في كل مكان وصوت غرغرة يخرج منه وهو يحاول الإفلات مني، طرقات الباب تزداد والدماء تقل والثواني تمر وحركة جسده تهدأ وتخفف ارتعاشاته نسبياً حتى خدت.

أنا الآن مستعد للموت أو حتى لما هو أسوأ، لقد انتهى كل شيء لي.. الشباب بالخارج يحاولون كسر الباب وأنا أغمض عيني مستسلماً لما سيحدث.

خاتمة

لا أصدق أنني أكتب ما أكتب الآن، ولا أصدق نفسي حين أتذكر ما حدث، آخر ما أعرفه بعد أن قتلت (جعفر) أنني صحوت من النوم لأجد نفسي في فراش بشقة غريبة، لكنني وجدت أبي وأخي يعيشون معي وبالطبع اندهشوا من طريقي في معاملتهم، لكن الذي أرعبهم أنني بكيت عندما سالت عن والدي لأعرف أنها ماتت عندما كنت بال>sادسة.

أمي كانت تعيش معنا وأنا واثق من هذا، لكنها هنا ميتة منذ زمن، نعم هنا، لأنني في نفس يوم استيقاظي اندهش أبي أنني نمت من الأساس وسألني كيف أنام وقد عدت من الخارج منذ قليل بعد أن كنت مع (فرغلي) صديقي.. عدت لأرتدي ملابس تليق بعرس (جعفر) المقام الليلة.

بعد قليل من حديثه معي رن هاتف محمول أكثر من مرة، اكتشفت أنه ملكي وفيه أرقام مسجلة بأسماء لا أعرفها، ردت على أحدها لأجد أنه شاب يبكي ويبلغني بمقتل (جعفر) في

الغرفة التي كان يرتدي فيها ملابسه، وجدها مذبوحة ولم يعرفوا الفاعل ولا كيف دخل للغرفة التي أغلقها (جعفر) على نفسه!

هل كنت في حلم طويل واستيقظت منه الآن؟ لكن مرأة الحمام كان لها رأيا آخر، هناك أثر لجرح قديم على رقبتي سألت عنه أخي فأخبرني أنه يراه لأول مرة اليوم.

حضرت جنازة (جعفر) ورأيت بها (فرغلي)، كان الجميع يبكي لكنني عجزت عن البكاء فاعتبروا أن ذلك جراء الصدمة التي وقعت بي.. الحقيقة أنني عجزت لأنني لم أفهم ما حدث بي، هل أنا (حسام) من الزمن الأصلي وانتقلت لي ذاكرة (حسام) الذي قتل (جعفر)، أم أنا الذي أتيت من الزمن الفرعوني وسأكمل حياتي هنا؟؟

والأهم هو لماذا طوال الفترة السابقة و(جعفر) يقتل كل من حولي ويتركني لأعيش، كأنه يتركني لسبب يعرفه أو خطة يقوم بالتحضير لها منذ زمن، هل كان يعلم أنني سأذهب لحسام الآخر وأطلب منه ما طلبت؟؟ هل (جعفر) أراد أن يقتل وهبأ لي كل هذا لذلك كان يظهر لي قبل ذهابي للعرس أمام المنزل وداخل القرية ليخبرني بطريقة أو بأخرى أنه يعلم مصيره ويقبله؟

عشت في جحيم الأسئلة لعام كامل بلا إجابات شافية،

في هذا العام بحثت عن (راضي)، كان بحثاً مضنياً وجدته في النهاية ولكنه لم يتعرف على، اضطررت إلى مصادقته من جديد لكنها كانت مصادقة جافة من طرفه فهو يراني متطفلاً على حياته لا أكثر، لكنني كنت سعيداً وخاصة أنه خطب (دعاء) بعد قصة حب طويلة وتزوج منها الآن وقد أنجب طفلًا، الغريب أنه سماه (جابر) وعند سؤاله أخبرني أنه يجده اسمًا جذاباً !!

(أحمد عصفور) وصلت إليه لكنني عرفت أنه سافر لدولة خليجية للعمل، وهو الآخر لم يعرفني أو يشاهدني من قبل على حسب كلامه.

(عمرو صفت) المصور لم أستطع الوصول له لكنني ما زلت أحاول، (عمر أبو خطوة) تعرفت عليه بسهولة لأنه رجل أعمال ناجح ويظهر كثيراً في أخبار الجرائد، لن يتوقع أحد أن هذا الرجل له خدام من الجان ويقوم بفتح المقابر لسرقة محتوياتها.

(صفاء) على الجانب الآخر يدو أنها كانت تعرفني جيداً بحكم صداقتي بمعن، مرت بفترة اكتئاب زالت عنها بعد ثلاث سنوات وعادت لمحاول الاندماج في الحياة لكنها لم تستطع إخفاء جرحها في مقتل حبيبها.

(فرغلي) ظلّ صديقي دائماً لكن كانت تواجهني معه مشكلة أنني لا أذكر الذكريات المشتركة التي يحكىها لي، لكن مع

(فرغلي) لا مشكلة فهو يتقبل ضعف ذاكرتي الذي أقنعته به.
أما أنا فقد عشت فترة أحابيل التأقلم مع أصدقاء لم أعرفهم
من قبل وأماكن لم أعتد زيارتها، وأقارب أحياء كانوا موتى في
عالمي السابق وموتى رأيتهم أحياء هنا، بعد فترة من تقبيل
حالي فكرت في إعادة اختيار مجال عملي، لن أعمل معداً
للبرامج، لكن بدأت بمهارسة هواية الكتابة الروائية، نشرت
لي بعض الروايات برغم سني الصغيرة وأطمح بأن يصبح هذا
المجال هو هوايتي وعملي في المستقبل.

أعيش الآن منتظرًا حدوث شيءٍ لكنني لا أعلم ما هو،
أنا الوحيد فيمن حولي الذي يحمل ذكريات عن حياة أخرى
كان نعيشها، أنا الوحيد الذي تراوده الكوابيس والأحلام،
وكتيرًا ما ضبط نفسي أحلم بعودتي لعالمي السابق بكل فجائعه
وأحزانه، لكنني سأنتظر، إلى متى.. لا أعلم فالانتظار ليس
خيارًا..

حسام عبد الوهاب المهدى

القاهرة

2010

تمت

الأعمال السابقة للكاتب

- مخطوطة ابن إسحاق (مدينة الموتى) / رواية.
- مخطوطة ابن إسحاق (المرتد) / رواية
- مخطوطة ابن إسحاق (العائد) / رواية
- الجزار / رواية
- نصف ميت / رواية
- لقاء مع كاتب رعب / رواية
- حكايات فرغلي المستكاوي / رواية
- في حضرة الجنان / مجموعة قصصية
- ابتسם فأنت ميت / رواية
- ليلة في جهنم (منزل أبو خطوة) / رواية
- ضريح عمرو بن الجن / مجموعة قصصية